


MS. A. 9. 2. 20
27857

MANUSCRIPT

1811





LECTORI BENEVOLO

S. P. D.

D. IOANNES DANIEL REICHEL.

Ergo progressus sum in eo cursu, quem mihi adsignarat beneuola voluntas LUDWIGII *), in cuius memoria non solum praeceptoris et fautoris, sed et alterius patris mihi quotidie occurrit spirans adhuc et gratissima imago, quam sanctissime me semper contemplaturum et imitaturum esse palam hic spondeo: atque secundae decadis cum supplementis horum commentariorum, qui auctore b. LUDWIG dudum edi sunt coepti, finem feliciter sum assecutus. Non mihi tantum de hoc labore

*) EIVSD. progr. sistens de plexibus neruorum abdominalium atque neruo intercostali duplici observationes nonnullas Lips. 1772. 4. p. 16. quod scripsit ad meam inauguralem disputationem, de calculis renalibus observationes in se continentem.

labore fatis arduo, prospere nunc absoluto, gratulor, sed et Viris Praestantissimis, qui mihi assidue adstiterunt meumque studium indefesso auxilio iuuerunt, iisque humanissimas gratias ago.

Multos quidem eorum sociorum, quos b. LUDWIG sibi elegerat *), partim mors abstulit, partim negotiorum varietas atque multitudo impediuit, quo minus opera et consilio mihi adessent: sunt tamen quidam horum Magnus BOSIVS, Excellentissimus GEHLERVS, Experientissimi Viri HEINIVS et KADELBACHIVS, Illustris KAESTNERVS professor Gottingensis celebris, Excellentissimus BOEHMERVS Professor Vitembergensis, qui de hoc opere continuato mecum laetantur, eique nunc ad finem perducto, pia erga LUDWIGIVM mente fauent.

Praeter hos autem et alios Viros Doctissimos, qui iam a b. LUDWIG loco iam commemorato

*) v. comm. nostr. prim. decad. suppl. I. p. 4.

memorato sunt laudati, primus nominandus est CHRISTIANVS EHRHARDVS KAPP, medicinae doctor celeberrimus, qui multo cum studio non nuper demum huic instituto prodesse coepit, sed a longo inde tempore imprimis vtilem operam ei nauauit. Non minus assidua et fidelis fuit opera, quam NATHANAELIS GODOFREDVS LESKE, Professor historiae naturalis in academia Lipsiensi, continuandis his commentariis impendit: quo eodem beneficio me sibi obstrinxerunt b. ADOLPHVS IVLIANVS BOSE Professor Vitembergensis et b. IOANNES GOTTHELF HERRMANN medicinae doctor, Excellentissimus IOANNES EHRENFRIED POHL, Experientissimi FRIDERICVS AVGVSTVS GOTTLOB KNOLLE, IOANNES GODOFREDVS LEONHARDI et IOANNES CHRISTIANVS REDLICH.

Inter externos grati nostri animi significatione prosequendi sunt et venerandi Cll. IOANNES ANDREAS MURRAY, professor Gottingensis celeberrimus, et IOANNES THEOPHILVS

BIEDERMANNVS, apud Freybergenses medicus celeberrimus, qui in his commentariis edendis eximia humanitate mihi adfuerunt. Nec minus grata nobis est eorum amicorum memoria, quos per literas adire mihi licuit et qui in nouis physico-mediciis colligendis vtilis nobis fuerunt.

Ceterum hoc opus continuatum duabus decadibus constat, quarum singulae decem Voluminibus continentur, vti quodlibet volumen quatuor partes complectitur et quatuor supplementa vno volumine comprehensa cum indice triplici, nimirum indice historico, indice librorum et observationum et indice rerum speciali. Index secundae decadis triplex hoc anno 1775 curabitur: sic quoque in continuando hoc opere sedulo pergemus. Dabam Lipsiae, mense iunio A. O. R. MDCCCLXXV.



I.

CAROLI à LINNÉ Equ. aur. de stella polar.
 Archiatri Regii Med. et Botan. Profess. Upsal.
 Acad. Reg. Parisin. Soc. cet. Amoenitates
 Academicae, seu Dissertationes variae physicae,
 medicae, botanicae, antehac seorsim editae,
 nunc collectae et auctae cum tabulis aeneis.
 Volumen sextum. Holmiae sumtu et literis
 Direct. Laurent. Saluii 1763. 8. Alph. I pl.
 80. Tab. aen. 5.

Exhibuimus in supplementis ad decadem
 primam voluminum commentariorum
 nostrorum, *) priora quinque volumi-
 na collectarum harum dissertationum,
 nunc, dum supplementa ad alteram voluminum de-
 cadem addere suscipimus, volumen hoc sextum et
 paulo post septimum recensebimus.

101. *Generatio ambigena*, Resp. Christ. Lud.
 Ramströem. Holmieni: Upsaliae, 1759. d. 12
 decembr.

Cum Cl. Auctori non placuerit ob difficultatem
 rei et veterum generationem aequivocam, et recen-

A 2

tiorum

*) vid. Part. I. p. 90.

- p. 6. tiorum vniuocam sic dictam, assumendi ac defendendi, ad nouam planeque singularem theoriam huius rei cogitando peruenit. Cum enim analogiam summam certe inter vegetabilia et animalia inueniret, summo cum studio disquisiuit, annon ex comparatione structurae vtriusque ad originem vitae seu generationis negotium concludere liceat. Vegetabilia ex medulla et cortice composita sunt, in illa vita eorum posita est, per hunc succi mouentur. Medullaris pars erumpit per corticem, planta mutatur, fructificatio peragitur, medulla in semina granulatur, quae polline antherarum foecundantur. Corticalis pars succos mouet et medullae nutrimentum praebet, librum deponit, qui plantae partes masculas siue stamina ac antheras format, id quod in asaro perspicue obseruauit Noster. Patent ergo genitalia plantarum, earum mutationes, vti animalium: patet summa eorum affinitas; eadem enim
- p. 9. partes essentiales in animalibus inueniuntur: medulla nimirum adest in cerebro inque spina dorsi, exinde oriuntur nerui, a quibus sensus et motus pendent; nec deficit corticalis, quae medullarem tegit, substantia, eademque officia praestat, quae in vegetabilibus, in iis constructa est vasis, quibus respondet systema vasorum in animalibus, musculosque cum foliis comparari posse, putat Cl. Auctor. Quod vero medulla propaget plantas, docent ramuli earum, terrae vel alii plantae immissi, quod et in animalibus fieri probat taenia. Suspiciatur inde medullae particulas deferri ad ovaria, ibique nervos quosdam emittere, quae res tamen, vt ipse fatetur,
- p. 11. vltiorem disquisitionem desiderat. Si plantas hybridas consideramus, apparet, partes fructificationis matri, externas vero partes, vt folia et cortex ipse patri, vel eae plantae, a qua altera foecundatur, similes esse, id quod et de animalibus hybridis valet; quorum

quorum interna matri, externa patri similia sunt; exemplo sint mulus, oves et caprae hybridae. Cum itaque medullaris pars plantarum in generatione partium feminearum seu, internarum, corticalis vero in partibus externis ac masculinis formandis omnia efficiat, plane non dubitat Cl. Auctor, eandem legem in generatione declaranda animalium, cum tam similia sint vegetabilibus ratione structurae, sibi proponere, id quod perceptu non adeo difficile esset ex sententia Cl. Auctoris, nisi viscerum organisatio, cordis et organorum sensuum structura obstaret. Ex his omnibus corollaria varia colligit, quorum summa haec est, ut putet, quod uterque parentum suum conferat ad sobolem procreandam; parens scilicet in P. 15. generanda corticali substantia, mater vero in parte medullari, indeque pendeant a patre sana viuidae actiones vitales, a matre vero sana validae actiones animales, quam rem ulteriori physiologorum examini relinquit.

102. *Politia naturae*, Resp. H. Christ. Dan. Wilcke, Holmieni. Upsaliae, 1760. d. 29. mart.

Consilium Cl. Auctoris in conscribenda hac dissertatione fuit, declarandi summum ordinem, qui in globo terraqueo, et quoad creationem, et quoad conseruationem a creatore adhibitus sit ac exinde deducendi officium hominum, magnitudinem creatoris pie venerandi atque admirandi. Con P. 19. siderat itaque unumquodque regnum naturae, ac singuli praestantiam ratione ortus, ordinis, conseruationis, proportionis, nexus rerum, circa quas versatur, ratione legum, quibus incolae mundi, quique sint, subiecti sunt et praerogatiuarum vnus prae alte P. 33. ro, demonstrat, variisque exemplis illustrat: Ex quibus varias in politia naturae leges stabiliendas esse putat: quae omnes inter se comparatae eo redeunt; ut contenta vnus regni generationi, conseruationi, nutrimento, ordini proportioni que alterius inserui-

ant et nexus rerum creatarum in mundo hac ratione conseruetur; homoque vt ratione praeditum animal cognoscat, sui caussa omnia esse; quae a Deo, quem venerari debet, sint creata.

103. *Theses medicae*, Resp. Io. Christ. Dan. Schreber, Thuring. Upsal. 1760. d. 14. iunii.

- p. 40. Auctor harum thesium Cl. substantiam plantarum duplicem corticalem et medullarem considerat et ex hac ratione metamorphosin plantarum cum mutatione insectorum comparat; corticalis enim pars larvae insectorum, medullaris pars vero, siue partes fructificationis, secundum eius sententiam partibus medullaribus insectorum similis est. Botanici, ad fructificationes similes attenti species, vnius eiusdemque generis facile inuenire possunt. Ad qualitates plantarum, quae sapore et odore cognoscuntur, progrediens, monet medicos, vt, si ex fructificatione ad plantarum vires argumententur, simul ad qualitates attendant; si vero illas disquirant, simul genericas affinitates considerent; nec contrarias sibi misceant.

104. *Flora Belgica*, Resp. Christ. Frid. Rosenthal, Lincopia O-Goth. Upsaliae, 1760. d. 15. octobr.

- p. 44. Praemissa generali consideratione Belgii ratione situs, prouinciarum, climatis, incolarum et culturae, plantas ibi sponte, vel rarius, vel copiosius crescentes, earumque loca natalia enarrat Cl. Auctor; botanicos deinde recenset, qui plantas indigenas disquisiuerunt ac descripserunt, inter quos eminent COMMELINUS et GORTER. Subnectit denique tabulam, qua plantae, secundum systema sexuale dispositae, cum nominibus triuialibus recensentur. Ad plantas, quae rarissime in Belgio inueniuntur refert *Lysimachiam punctatam*, ac *Leuconymphaeam BOERHAAV*. Praeter quas maxime vulgares plantae crescunt et ibi *Hippuris vulgaris*, *Elymus arenarius*, *Globularia vulgaris*, *Ilex aquifolium*, *Corrigiola littoralis*

toralis, *Erica scoparia* ac *arborea*, *Othonna palustris*, *Ophrys Zeelandica*, *Zostera marina*, *Zanichellia palustris*, *Salix pentandra* et *rorismarinifolia*, *Empetrum nigrum*, aliaeque.

105. *Anthropomorpha*, Resp. *Christiano Emanueli Hoppio*. Petropolitano. Upsaliae, 1760. d. 6. septembris.

De speciebus simiarum, humano generi vicinis, seu P. 63
de illis, quae erectae incedunt et faciem humanae similem similesque manuum plantas habent, Auctor Cl. differit. Sunt vero eae 1) *Simia pygmaeus* EDUARDI, 2) *Simia satyrus*, quam utramque speciem in XII. editione systematis coniungit. Differt tamen posterior species a priore abdomine ventricoso glabro; 3) species *anthropomorpha* tertia hic descripta *lucifer* Auctori vocatur, seu *homo caudatus vulgo dictus* Edit. X. syst. Nat. In Insula Iava et Nicobar homines caudatos reperiri, nonnulli peregrinatores asseruerunt, quod tamen plurimi inter fabulas, a nautis excogitatas referre, solent. Existere tamen tales homines confirmatur hic testimonio cuiusdam Sueci KOEPING, qui in itinerario suo asserit, se eos ipsum vidisse. Fabulam tamen vel ipsam hanc relationem redolere negare non possumus. 4) *Homo nocturnus* scilicet *trogodytes*. (vid. syst. nat. ed. XII.) Plura adiiciuntur testimonia, quibus Auctor probare annititur, eiusmodi homines, noctu tantum, videntes cet. inueniri. Putamus tamen plurima ad aethiopes albos morbofa cutis deformatione defoedatos vel ad eam simiae speciem quam Cl. BUFFON *Gibbon* vocat insigni manuum longitudine conspicuam (quae in Mantissa altera *simia lar* dicitur) vel ad *simiam satyrum* et *sylvanum* pertinere.

106. *Plantae africanae rariores*, Resp. *Iac. Printz*, Dalekarl. Upsaliae, 1760. d. 20. maii.

Cl. Auctor centum plantas rarissimas, quas in collectione plantarum Capensium vidit, quam Cele-

berrimi botanici IOH. BURMANNI filius tempore aestiuo huius anni, terras Suecicas peragrans, secum adduxerat, in hoc specimine enumerauit: ex quibus nonnullas nouas, quae speciebus plantarum Edit. Hidae incrementum addiderunt, indicamus; pertinent itaque huc:

Pharnaceum <i>cordifolium</i>	Erica <i>halicacaba</i>
Selago <i>coccinea</i>	Hermannia <i>triphylla</i>
Aspalathus <i>capitata</i>	Pforalea <i>hirta</i>
———— <i>pinnata</i>	———— <i>prostrata</i>
Crotalaria <i>imbricata</i>	Ononis <i>Capensis</i>
Lupinus <i>integrifolius</i>	Hieracium <i>Capense</i>
Athanasia <i>laeuigata</i>	Gnaphalium <i>arborescens</i>
———— <i>squarrosa</i>	———— <i>ericoides</i>
Senecio <i>perficifolius</i>	Aster <i>crinitus</i>
———— <i>umbellatus</i>	———— <i>taxifolius</i>
Buphthalmum <i>Capense</i>	Gorteria <i>squarrosa</i>
Orchis <i>Burmänniana</i>	Satyrium <i>Capense</i>
———— <i>flexuosa</i>	Ophrys <i>caffa</i>
———— <i>cornuta</i>	Arethusa <i>Capensis</i>

Centella villosa et glabrata.

Addita est dissertationis huius fini appendix de flore Capensi, quem Cl. Auctor in Amoen. acad. Vol. V, p. 353. nobiscum communicauit. *)

107. *Macellum olitorium*, Resp. Petr. Ierlin. Sudermann. Upsaliae, 1760. d. 20. decembr.

p. 116. *Macellum olitorium* veteribus erat forum illud, in quo vegetabilia esculenta venalia proponebantur. Cl. Auctor vero hoc nomine ea vegetabilia, quae alimentum hominibus praebent et plantae culinares dicuntur, tum exotica, quae in hortis nostris aluntur, tum indigena selectiora, proposuit. Plantae vero hae omnes, hic secundum partes et vsum earum in culinæ indicatae, tres classes constituunt: Classis pri-

ma

*) vid. Comment. nostr. Suppl. ad. Dec. I. Pars I. p. 112.

ma comprehendit *radices*, quas in *fusiiformes* et *tuberosas* diuidit, vbi tubera *Ari colocasiae* et *esculenti*, quae cruda venenata et lethalia sunt, cocta vero vel assata pro nutrimento optimo sapidissimoque habentur. Classis secunda continet *caules* et quidem *turiones*, *paniculas*, *discos* et *fungos*, quos vltimos putat alimentum vix laudabile et cibum ancipitem. Classis vltima *folia* sistit, quae *olera* et *acetaria* praebent, vbi *Apium graueolens* ad acetaria relatum, hominibus, morbis neruinis laborantibus noxium, esse pronuntiatur.

108. *Meloë vesicatorius*, Resp. *Canuto Aug. Le p. 132.*
væo, Iemtland. Upsaliae, 1762. d. 20. decembr.

In tria capita haec dissertatio diuisa est, in quorum primo de cantharidibus, in secundo de praeparatis earum et tertio de eorum usu differitur. Officinalis species non migratoria est, sed in terra habitat et tantum in ramos arborum ascendit, foliis vescitur, metamorphosi autem peracta, iterum terram et latebras petit. Praeter officinalem speciem *meloën* SCHAEFFERI et *bimaculatum* similem habere virtutem vesicantem Auctor suspicatur. De *meloë* vero *cichorii* notum est, illum apud Sinenses officinalem esse, quod IMPERATI sententiam confirmat, qui hanc veram esse *cantharidem* DISCORDIS putauit. Rationem, qua cantharides vim suam exserant, explicare non audet. Quae de usu medico habet, omittimus.

108. *Diaeta acidularis*, Resp. *Erico Vigelio*, Da-p. 148.
lescart. Upsaliae, A. 1761. d. 18. febr.

Acidularum, in Suecia quoque frequentium, usus, eximius adeo, nullus omnino aut plane noxius foret, diaeta conuenienti neglecta. Quam vero conuenientem dicas, en tibi a Cl. Auctore depictam! Aerem eligi iubet siccum, nec nimis calidum, primae aestatis; vitari contra humidum, frigidum, paludosum. Potatis mane aquis ambuletur. Saltatio differatur in horas pomeridianas, aquis iamtum evacuatis.

cuatis. Debiliores equo gradario, tolutario, curru vehantur. Iactari quoque in oscillo licet, modo nervis sua constet libertas. Cursus, lucta, equitatio concitatio, motus ante aquae assumptionem, vel postea ad sudorem usque continuatus et diuresin impediens, vitentur. Ante cibum motus paululum auctior, a cibo vero non statim concedi potest. Somnum imperat mediocrem, sex septemue horarum; post aquae usum obrepentem damnat. Meridiationem non nisi adfuetis et parcam relinquit. Cibo nimium nutriente copiosoque, male masticato, crudo, duriori, acido, pingui, ex lacte ovisue parato, multo sale condito, porro ientaculis, comestationibus interdicit. Commendat panem neque recens coctum neque vetustum, iuscula farinacea, legumina recentia, radices Dauci, Pastinacae, Petroselini, Rapae, herbas Spinachiae et Cerefolii, turiones Asparagi, Poma, Pruna, passulas, amygdalas, carnes teneriores recentes, parciolem denique piscium fluviatilium et cancrorum usum. Potum suadet parcam. Disuadet cereuisias pinguiore, calidiores, recentes nimiumue vetustas. Vini non acidi, imo spiritus vini modicum usum laudat. Alius sit semper aperta, a cruditatibus ante acidularum usum liberata. Urina libere fluat. Vomitus, si quis obueniat primum, ventriculo pituita repleto, proficuum est. Interdum vitetur sudor, noctu modice foueatur. Exul et venus. Plethorico, acidulas potaturo, secetur vena, potanti non facile. Mens esto tranquilla. Pascatur animus laetis affectibus. Ingratae quaecunque animi commotiones absint.

p. 160. 110. *Potum coffeae*, Resp. *Henr. Sparschuch*, Linco-
pia O-goth. Vpſal. A. 1761. d. 16. decembr.

Laudatis, qui de Coffea scripserunt, auctori-
bus, breuem tradit Noster potus eius, tum inter
orientales gentes, tum apud nos recepti historiam,
quam

quam, subiunctis characteribus plantae Linnaeanis, vocabulis aliorum botanicorum synonymis, descriptione denique arboris ex horto Cliffortiano petita, perfectiorem reddit, speciemque non nisi vnicam generis innotuisse monet, quamvis Cl. JACQUINUS in Enumeratione systematica plantarum alterius speciei, *Coffeae occidentalis* mentionem faciat, quae ipsa tamen ob numerum partium floris quaternarium fructumque monospermum alius longe generis esse intelligatur. Caeterum plantam calidis regionibus duplicato quotannis fructuum foenore utilem, nostris in terris nunquam posse culturam apte remunerari, docet. Praetermissa vero seminum Cofsee analyfi modum praeparandi, cum succedaneis Cofsee generibus ex aliarum plantarum seminibus paratis, cumque instrumentis ad potum parandum propinandumque factis exponit; tandemque de effectibus eius agit, ostendens, potu hoc minus diaetetico quam medicamentofo, anorexiam potius, quam appetitum excitari, accelerari peruigilium, cohiberi flatulentiam, tremores induci manibus et capiti, sopiri veneris desideria, oculos debilitari; nocere eum melancholicis, hypochondriacis, histericis et haemorrhagiis adfuetis, promoueri eo omnes excretiones, inprimis lotii, vniuersum denique corpus exsiccare, debilitari, ad praecocem senectutem disponi. Habere interim Cofseam vires calefacientes, carminatiuas, attenuantes, anthelminticas, excitantes, pellentes, cephalicas denique; quae quidem omnia obseruatiunculis quibusdam illustrantur confirmanturque.

III. *Inebriantia*, Resp. Olao Reinh. Alander, p. 180. Westmann. Vpsal. Anno 1762. d. 7. april.

Sub inebriantium vocabulo intelligit Cl. Auctor ea, quae ita agunt in systema nervosum, vt hoc non tantum in actione motus, sed etiam in actione sentiendi

tiendi varietur. Eorum vero alia natiua sunt, alia arte parantur. Ex priorum numero commemorantur *Opium*, nobile curarum inter Turcas lenimen; *Semina* Pegani *Harmalae*, SOLIMANNI Imperatoris deliciae; *Maslac Turcarum* s. *Bangue Persarum* ex polline Cannabis *satiuae* maris cribrato sputoque in trochiscos redacto, aut ex puluere foliorum cannabis cum aqua frigida subinde affusa, presso, trituro, denique colato paratum. Porro *Bangue Indorum* ex Hibisci *Sabdariffae* foliis aut eadem ratione tractatis, aut cum *Oryza* et butyro elixatis confectum. *Semina* dein *Daturae*, quibus, varia ratione praeparatis, Turcae vtuntur. *Pinang Indorum*, masticatorium familiare ex foliis piperis conuolutis, lamellamque nucis *Arecae* immaturae et parum calcis viuae continentibus, factum. Infusum *Hyoscyami* *Physaloidis*; Fructus *Atropae Belladonnae*. *Millefolium* cum *Humulo* cerevisiae iniectum, aut eidem additae *Sclarea* et *Melissa*. Porro *Lolium annuum* hordeo pro cerevisia conficienda immixtum. *Crocus* denique et *Tabacum* et postremo *Barbi Cyprini* oua, quae comesta temulentiam facere dicuntur. Inter arte parata nominat cerevisiam, vinum, cedras, lacrymas betulae et palmae fermentatas, spiritus denique stillatitios. His comparantur poetarum nectar nepenthes, et Medae atque Circes medicamina. Trahitur huc metempsychosis Pythagorica, quamque variis belluis diuersos homines temulentia similes reddat, et quo modo sensim senex, poculis sese inuitans per omnes aetatum gradus retro quasi erret, donec embryonis in modum dormiat, viuis coloribus depingit. Atque sic notatis inebriantium effectibus, quos, senectutem magis in systematis nervosi mutatione, quam in fibrarum rigiditate positam esse, demonstrare asserit, indicatisque inebri-

antium

antium noxis, reprehendit eorum abusum, commendatque temperantiam.

112. *Morsura serpentum*, Resp. Ioh. Gustav. Acrell, Holmieni, Upsaliae, 1762. d. 16. maii. p. 197.

Naturam serpentum et mechanismum telorum atque experimenta REDI de natura veneni cet. Auctor Cl. explicat. Puncturae deinde symptomata a variis Auctoribus descripta et varietates symptomatum a morsura variarum specierum obseruatas commemorat. *Aspis phthias* veterum, quae per soporem aut lethargum occidit, ex Nostri mente *Cobuber ammodytes* est, cum quo et veneni effectum et verruca nasali conuenit. His quaedam de medela morsurae serpentum addit. Oleum oliuae inefficax esse LINNAEUS in femina colubri *cherseae* morfu fauciata expertus est. *Polygalae* vero *Senegae* pulvere idem ancillam, a serpente vulneratam, sanauit.

113. *Termini botanici*, Resp. Ioh. Elmgren. Smo-land. Upsaliae, 1762. d. 22 iunii. p. 217.

In hac dissertatione explicat Cl. Auctor ea vocabula artis, quae ad studium botanicum per se difficillimum, facilius reddendum multum conferunt. Quibus si quis aliquod tempus cognoscendis tribuerit, certe optimo cum successu superabit incommoda, quae, hanc viam negligentes, nunquam vincere possunt. Eo consilio Noster terminos, vt dicunt, botanicos, in scriptis Cel. LINNAEI hinc inde sparsos, collegit, quo tirones breuem, succinctam tamen normam habeant, quam sequantur. Ordinem in Tomo secundo Systematis Naturae, a LINNAEO propositum sequutus, considerat partes plantarum, explicatque radicum, trunci, ramorum, foliorum, fulcrorum, armorum, bractearum, pedunculi, scapi, florum, eorumque partium differentias, ac inde petitas denominationes.

p. 247. 114. *Planta Alströmeria*, Resp. Ioh. Petr. Falck. Vestrogoth. Upsaliae, 1762. d. 23. iunii.

Planta raræ pulchritudinis atque singularis structuræ, ad genus Liliaceorum pertinens, hic describitur; detecta accuratiusque descripta et delineata illa est a Nobilissimi ALSTRÖMERII Consiliarii et Eq. Aur. de stella boreali filio, rebus oeconomicis botanicisque versatissimo in portu Gaditano, a quo cum Cl. Auctori semina transmissa essent, is eam in horto academico postea florentem vidit. Quamquam illam iam FEVILLIER in historia plantarum sub nomine Hemerocallis descripsit, mutila tamen est descriptio et planta a genere Hemerocallis siue Lilio-Asphodeli TOVRNEFORTII adeo aliena, ut nouum genus Cl. Auctor eam constituere perspexerit. Quia vero illam Nobilissimus ALSTRÖMER rite determinatam orbi botanico intulit et cum hortis Europæis communicauit, *Alströmeriae* nomen Cl. Auctor ei dedit. Character genericus est, calyx nullus, corolla hexapetala, subbilabiata; petala tria exteriora cuneiformia, retusa, mucronata; tria alterna lanceolata: horum omnium tria superiora erectiora sunt, supremo reflexo: interioria basi tubulosa, quod non in tertio, licet ceterum simili. Stamina filamenta sex, declinata, subulata, corollae dimidio breuiora, Antherae oblongae. Pistillum germen inferum, sexangulatum, truncatum. Stylus filiformis, declinatus. Stigmata tria, oblonga, angusta, bifida. Pericarpium capsula subrotunda, sexangulata, trilocularis, semina plurima subglobosa, punctis eleuatis tecta, apice subumbilicata, continens. Species quæ hic describitur et icone adiecta illustratur, est *Alströmeria* radice perenni, plures turiones approximatos exferens, caule spithameo, crassitie pennæ columbinæ æquante, erecto, tereti foliato, glabro, simplicissimo, foliis caulinis

linis sparsis plurimis, lineari-lanceolatis, terminalibus 4-5. verticillatim digestis, pedunculis terminalibus 4-7 distantibus, rigiduli saepe monophyllis, teretiusculis, inferne angustioribus, longitudine foliorum, unifloris. Dum floret, maxime cum Lilio bulbifero conuenit, floris corolla vero primo aspectu refert Lili candidi florem, color eius Tropaeoli flori similis est. Radicem praeterea huius plantae viribus ad Sarsaparillae proxime accedere Cl. Auctor putat, quod ex narratione FEVILLIER conicit, qui de altera huius generis specie Salsilla nempe refert, ab incolis regni Chili radicem eius in iisdem morbis profligandis adhiberi, in quibus Sarsaparilla exploratissimi vsus esse solet.

115. *Nectaria florum*, Resp. Birger. Mart. Hall, p. 263. Vestrogoth. Upsaliae, 1762. d. 25. iunii.

Cl. Auctor partem quandam floris, nullo nomine proprio a veteribus botanicis insignitam, quae in plurimis floribus dulcem succum secernit, qui vel ex glandulis quasi ibi propriis secernitur vel in vasculis distinctis florum continetur, nectarium vocauit eandem ob causam, ob quam hoc nomen VIRGILIUS pro dulcissimo melle apum hoc iam vsurpauit: utilitatem vero, qualem floribus humor iste in iis contentus adfert, Cl. Auctor ignorat, nisi quod Trochilii et innumera insecta alimentum ex floribus illo scatentibus hauriunt. Glandulas Cl. Auctor illas partes plantarum vocat, per quas humor aliquis in iis secernitur, minime vero ausus est affirmare, structuram earum analogiam cum glandulis animalium habere; reperiuntur eiusmodi in Tricoccis, Cucurbitaceis, Lomentaceis et Columniferis cet. in quibus vel petiolis superne, vel foliis eorumque nervis crassioribus inferiori paginae affixae admodum speciose conspiciuntur, ut nonnullas plantas ob singularem earum structuram fere prodigiosas reddant, uti v. c. Mori-

Morifona et Nepenthes, ex quibus prior glandulas longitudine digiti et aconiti galeae fornicatas similes in centro umbellae gerit, altera vero folliculos oblongos, magnitudine pollicis et more capsulae Hyoscyami operculatos, ex apice foliorum producit. Praeterea folliculos, qui ad radices Utriculariae et Aldrouandae conspiciuntur, etiam glandulas esse Cl. Auctor putat. His praemissis, ad ipsas iam partes florum, quae nectariis instruuntur, accedit et modos earum XVIII. sequentes constituit: 1) *Receptaculum* floris in nonnullis gerit glandulam, conuexam, succulentam nectare hoc madentem. 2) *Calyciflorae*, ad quas rubum fragariam, potentillam cet. refert, quarum omnium calyces interne vestiti sunt substantia glandulosa et madida nectarii vices sustinente. 3) *Monopetalae* ut Lamium, Galeopsis, Anchusa ceter. extracta corolla in limbo longum tubum, melle impletum, gerunt. Hos tres vero modos ob singularem structuram, quam habent, non proprie nectaria dicit. 4) *Tetradynamia* binis, quaternis vel senis glandulis intra ungues petalorum sitae melleum succum secernunt. 5) *Papilionaceae*, in quibus ad inferius et superius latus baseos germinis intra distinctum filamentum glandula nectarifera reperitur, quae etiam efficit, ut basis huius filamenti incurvetur. 6) Nectaria acuminibus subulatis germi circumfidentibus habent Wachendorffia, Tamarindus, Glinus, Vallisneria cetr. in quibus vel ex fetis vel filis vel cuspidibus nectarium constructum est. 7) Flores, qui gerunt *Squamas* petaliformes pistillum circumstantes, sunt Hartogia, Theobroma; Sauuagesia, Helicteris, in his omnibus quasi e petalis quinque nectarium componitur. 6) Squamis, nectarium efficientibus ipsis staminum *filamentis* insertis conspicitur Zygophyllum, Campanula, Rorella, Polemonium, Plum-

bagine et Asphodelo. 9) *Antherae* rarissime nectaria ferunt, quare vnica tantum *Adenantha*, quae glandulam nectariferam in ipsa anthera gerit, huc est referenda. 10) *Tubus corollae*, vti in *Narcisso*, *Pancratio*, *Nerio*, *Melia*, *Swietenia* cet. nectarium sistunt elongatum tubulosum, cui petala quasi agglutinata vel ad basin tubi apposita sunt. 11) Nectarium *globum* perforatum germine inclusum refert, *Mirabilis*, *Tinus* et *Ruscus* cet. 12) *Coronae*, radiantis instar germen ambiens passiflora habet; huius corona triplex ex radiis constructa nectarium sistit. 13) *Propria petala* nectarifera gerunt *Canna*, *Amomum*, *Curcuma*, *Musa* *Epidendrum*. 14) *Unguibus* petalorum nectaria insertis gerunt *Berberis*, *Ranunculi*, *Treulia*, *Kiggelaria*, *Cuscuta*, *Fritillaria* cet. 15) *Calcar* nectarium cornutum referens, quo *viola*, *Antirrhinum*, *Fumaria*, *Delphinium* *Orchis* et *Satyrum* cet. instructa sunt. 16) *Propria nectaria*, et a reliquis florum partibus distinctissima gerunt, *Aconitum*, *Aquilegia*, *Helleborus*, cet. 17) *Calyces* nectaria a corolla distinctissima gerunt *Tropaeolum*, *Impatiens*, *Malpighia* et *Bannisteria* cet. 18) Plantae quae *pistillum* nectariferum gerunt, sunt *Diosma*, *Hyacinthus* *Albuca* cet. His praemissis, sententiam **VAILLANTII**, quam de nectario fouebat, dum corollam tantum mellis praeparationi esse aptam statuebat, **Cl. Auctor** ita negat, vt ad supra narrata exempla ex quibus apparet non in hac sola mellis praeparationem fieri, prouocet.

116. *Fundamentum fructificationis*, Resp. *Ioh. p. 279.*
Mart. Graberg, Gothoburgensi. Upsal. 1762. d. 16. oct.

Considerato studii botanices incremento a **CAESALPINI** temporibus vsque ad nostra, variorumque systematibus, a variis plantarum partibus desumptis, explicatis, certissimum fundamentum determinandi genera plantarum fructificationis partes
Secund. Decad. Supplement. B prae-

praebere, contendit Cl. Auctor. Intelligit vero per eas non solum corollam, pericarpium et semina, ad quae iam TOURNEFORTIUS respexit, sed et calycem, nectaria, stamina atque pistilla, quae in re studium Cel. LINNAEI meritis extollit laudibus. Omnia itaque reliqua systemata, quae non partibus essentialibus plantarum nituntur, manca sunt ex eius sententia, ut e. g. HEISTERI systema, a foliis desumptum. *Planta enim, inquit, ex interiori sua substantia cognoscitur, non ex crusta, tegumento aut larva; idem enim esset, plantam ex foliis vel feminibus determinare, ac animal ante metamorphosin eius cognoscere, atque definire, vtrumque enim incertum ac falsum esset.* Hoc vero non tantum de definitione generum valet, sed et specierum; color, magnitudo, sapor, odor vel plenitudo floris nihil ex Cl. Auctoris sententia determinat, sed ad structuram in definienda generis cuiusdam specie attendendum est; quos iam enumerauimus, characteres, varietates tantum efficiunt, quamquam habitus et figura earum saepissime per plures annos, imo semper manent; quod testatur *Peloria*. Progredditur porro Noster ad generationem plantarum hybridarum, ubi cum Cl. RANSTROEM *) eandem fouet sententiam; interiorem scilicet plantae hybridae structuram matrem, exteriorem patrem referre. Vnam speciem eiusdem generis forte ab initio creationis adfuisse, perque generationem hybridam plures esse ortas, hypothetice proponit Noster; pauca tandem adiicit de classibus ac ordinibus naturalibus plantarum, quas omnino esse non dubitat.

p. 305. 117. *Reformatio botanices*, Resp. *Ioh. Mart. Reftelius*, Uplando, Vpsaliae, 1762. d. 18. dec.

Finis Cl. Auctoris in conscribendo hoc libello, uti patet, fuit, incrementum ac progressum botanices

*) vid. *Amoen*. Vol. hoc no. Cl. p. I. supra p. 4.

ces ab initio vsque ad nostra tempora ostendere, atque breuem historiam litterariam eius tradere, quapropter totam rem sub variis epochis, quas constituit, considerat. Prima epocha est fundatorum, qui seculo demum decimo sexto exstiterunt, et ad quos iure referendi sunt BRUNFELSIUS, MATTHIOLUS, GESNER, CLUSIUS, omnesque reliqui, post eos viuentes vsque ad vere magnum fundatorem, C. BAUHINUM, qui seculo decimo septimo fundamenta huius studii felici ausu ao. 1623. iecit, annis quadraginta in pinace conscribenda consumtis. Qui tamen omnes, praeter nomina plantarum, nihil de structura earum cognoscebant. Sequitur epocha systematica, quae seculo praeterito initium capere incepit. Postquam enim multae plantae exoticae a BREYNIO, MORISONO, TOURNEFORTIO aliisque erant detectae, quae numerum Bauhinarum plantarum, nisi superant, tamen certe aequant, confusio plane non euitanda oriebatur, vnde de systemate plantarum condendo cogitabant MORISONUS, RAIUS, HERRMANNUS, summusque certe botanicorum TOURNEFORTIUS, qui genuinam methodum primus a flore in classibus distinguendis, a fructu vero in ordinibus dignoscendis optime adornauit. Omnes fere postea eum secuti sunt, et ad systema hoc illustrandum ex parte contulerunt, a BOERHAAVIO vsque ad RIVINUM aliosque, qui quaedam emendarunt. Tertiam denique epocham reformationis nominat. Auctor Cl. quam in annum 1735. ponit, vbi Cl. HALLER atque LINNAEVS inceperunt vnusquisque systema suum condere. Attamen Cl. Auctor praecipua Linnaeani systematis momenta enarrat, eos nominat, qui, itineribus institutis, varias plantas in loco natali disquisiuerunt, sicque multum ad LINNAEI labores perfectiores reddendos contulerunt;

tulerunt; porro eos, qui illud systema omni ex parte receperunt; denique ea addit momenta, ad quae in posterum botanici attendere debent, ex hisque omnibus varias conclusiones elicit.

p. 324. 118. *Prolepsis plantarum*, Resp. *Henricus Ullmark*, Vermelando. Vpsal. 1760. d. 22. dec.

Occultam plantarum metamorphosin quodammodo explicare annititur Cl. Auctor, quapropter, quibusdam praemissis, quae structuram exteriorem ac culturam plantarum concernant, ostendit a gemmis earumque euolutione sexannua omnia in vegetatione plantarum pendere foliaque sobolem esse praesentis anni, organa motus humorum in plantis, sine quibus vivere non possunt, quod patet ex foliis ab insectis arrosis vel marcescentibus. Quo enim facto plantae infirmiores ipsae pereunt, arborum vero gemmae proximo anno euoluendae hac aestate prodire coguntur; nullum enim folium, semel destructum, de nouo crescit. Quae omnia optime probant Berberis folia. Sobolem insequentis anni bracteas seu folia floralia esse, porro demonstrat. Plurimae plantae bracteis instructae sunt; si flores mature destruuntur, obseruauit Noster, bracteas in folia perfecta mutari; videntur itaque vnam eandemque originem cum foliis habere, id quod multis exemplis probat, quorum tamen luculentissimum inuenit in ornithogali et hyacinthi speciebus, in quibus id clare animaduertit. Soboles tertii anni est perianthium; quod sic explicat: in omni gemma delitescunt rudimenta foliorum, quando nunc fructificationis partes, perfectionem nactae, expelluntur, tertii anni folia abundantiam adfluentis succi perdunt, sic itaque non explicantur, sed inter se cohaerent, data liberiori via medullae ad suum properantis fastigium, perianthium conficiunt folia. Sic pyri et mespili calyces saepe ad perfecta folia ex-
crescunt

erascunt, sic et rosae ac mesembryanthemi *barbati* calyx, et omnes plantae luxuriantes id probant. Soboles quarti anni sunt petala, quod demonstratur exemplo proliferarum plantarum, vbi petala, nisi flores fierent, mutari deberent in folia insequentium annorum. Quinti anni sobolem stamina esse probant flores pleni, in quibus stamina mutantur in petala corollae, quae eandem iterum ac folia originem ac structuram habent. Pistillum denique ultimi anni esse foliorum rudimenta plenis floribus et cardui speciebus se obseruasse dicit, in his enim, carduo scilicet *heterophyllo* et *tatarico*, vidit stylum, in duo foliola viridia serrato-ciliata, instar bractearum mutari. Ex his omnibus conclusionem elicit, vegetationem ibi desinere, vbi incipit fructificatio, gemmamque cum semine plane conuenire.

119. *Fructus esculenti*, Resp. Ioh. Salberg, Hol-p. 342. miensi, Vpsaliae, 1763. d. 11. iunii.

Cl. Auctor vt in dissertatione centesima septima *) plantas culinares methodice considerauit, ita in hoc specimine pari modo pericarpia siue fructus plantarum nonnullarum, quae edules sunt, in classes certas redigit. Classis itaque prima *baccas indigenas* v. c. fragaria, rubum, vaccinium, ribes cet. *hortenses*, ficum, vitem, bromeliam cet. sistit. Classis secunda *drupas*, primo *europaeas* ad quas prunus, amygdalus *persica*, olea *europaea* cet. tandem *exoticas* phoenicem, chrysobalanum, rhamnum, iuiubam cetr. refert. Classis tertia *poma* comprehendit et quidem *arbores*, quae pyrum, punicam, citrum proferunt, deinde *herbas* quae cucumeres et cucurbitas exhibent: Classis quarta *legumina*, primo *peregrina*, quae ceratoniam, tamarindum, cassiam *culta*, quae dant, phaseolum, pisum, lupinum cet. includit: Classis quinta *cerealia*, nimirum secale
B 3 hordeum

*) vid. Comment. nostr. Vol. hoc p. 8.

hordeum, triticum sistit: Classis vltima *nucēs* complectitur, ad quas cocum, theobromam, trapam cet. refert. His singulis ad earum vsum spectantes annotationes, qui non solum consistit in nutriendo, sed etiam in medendo, adiecit.

P. 365. 120. *Prolepsis plantarum*, Resp. Ioh. Iac. Ferber, Caroli-Coronensi, Vpsaliae, 1763. d. 12 iunii.

Fundamentis in hac difficillima re a LINNAEO et Cl. VLLMARK positis; Auctor huius dissertationis innitens, occultam vegetationis rationem accuratius considerat. Diuidit tractationem in tria capita, quorum primum de nutrimento plantarum, alterum de origine et euolutione gemmarum, tertium de inuolutione plantarum in semine et hybernaculis agit. Plantae nutriuntur tinctura aquosa humi, vt vocat Cl. Auctor, quae radiculis sugitur et a calore pellitur mediante substantia corticali versus superiora; medullaeque alimentum praeparat ac praebet. Vim expansiuam medullae abundante nutrimento augeri, negat Noster, docetque vegetabilia ad sponsalia celebranda, i. e. ad flores et fructus proferendos nutritione nimia inepta reddi, ideoque melius esse parcius nutrimentum praebere, quo efficitur, vt cortex exsuccus quasi euadat, sicque facilius a medulla penetretur, luxuriantesque rami cohibeantur. Sed accedat et calor necesse est, qui propulsionem medullae per substantiam corticalem iuuat. Capite secundo originem ac euolutionem gemmarum considerat, vbi eandem germinationem ac vegetationem sexennem assumsit Cl. Auctor, quam Cl. VLLMARK in dissertatione sua defendit, ac eadem ratione docet, bracteas et calicem corticis, petala libri, stamina ligni, pistillum medullae progeniem esse. Progreditur tandem tertio capite ad inuolutionem plantarum in semine et hybernaculis. Omnes partes plantarum, quibus aliquantulum substantiae

stantiae medullaris inest, propagari posse, certissima res est, inde gemmae et bulbi, rami, radices, imo folia, novas efficere possunt plantas. In vnoquoque enim semine et bulbo plantae futuri anni delitescunt flores et folia, vti hoc primum omnium MARIOTTE in tulipae bulbo demonstrauit, quae, accedente calore et nutrimento, euoluntur, ac crescunt.

121. *Centuria insectorum*, Resp. Boa. Iohansson, p. 384. Calmariensi, Vps. d. 23. iunii. 1763.

Insectorum historiam litterariam Cl. Auctor in tres epochas diuidit, quarum prima GESNERUM, MOUFFETTUM, ALDROANDUM et JOHNSTONIUM, secunda eos, qui metamorphosin insectorum primum descripserunt, HOEFNAGELIUM, GOEDARTUM, LISTERUM, BLANCARDUM, SWAMMERDAMUM, MERIANAM, ALBINUM et FRISCHIVM, tertia vero recentiores comprehendit. Ipsa vero haec dissertatio descriptiones centum nouarum specierum indicarum et exoticarum continet, quae Ill. LINNAEVS a variis amicis accepit et quarum descriptiones in systematicae editione decima adhuc desiderantur.

122. *Lignum Quassiae*, Resp. Carolus M. Blom, p. 416. Smolando, Vpsal. 1763. d. 28. maii.

Cl. Auctor medicamentum nouum Surinamense p. 420. describit, quod ibi contra febres malignas istis regionibus endemias seruus quidam nigrita nomine Quassi detexit et contra eas tanquam arcanum propinabat. Cura vero gubernatoris huius prouinciae Nobilissimi DAHLBERG detectum fuit medicamentum arborque, ex qua desumitur. Qui etiam redux in Sueciam racemum florum, fructus et folia eiusdem Cl. LINNAEO secum apportauit: ex quorum inspectione nouum genus huius arboris esse inuenit, cui Quassiae amarae nomen tribuit; monetque ge-

nus Quassiae non nisi receptaculo carnosio et pericarpis quinque distantibus monospermis a zygophyllo, cuius capsula quinquelocularis polysperma est, differre. Quod ad lignum Quassiae ipsum attinet, ex radice huius arboris obtinetur, et a Cl. Auctore, ob saporem valde amarum sine sensu tamen adstrictorio inter omnia huc usque cognita amara gratissimum optimumque praedicatur. Hinc etiam in omnibus morbis, ubi amara requiruntur, optimum esse dicit, praecipue vero in America contra febres intermittentes, ubi non raro corticis Peruvianus usus irritus fuit, lignum hoc ad drachmam unam in quacunque forma propinatum egregium fuit. Caeterum medicamentum hoc non solum in febribus, sed etiam in aliis prodesse morbis, Cl. Auctoris experimenta tria in aegris instituta comprobant. Adiecta est huic dissertationi Tabula aenea, quae ramulum cum floribus huius arboris, ex qua lignum Quassiae obtinetur, sistit.

P. 430. 123. *Raphania*, Resp. *Georgio Rothmann*, Smolando. Vpsaliae, 1763. d. 27. maii.

Morbus spasmodicus describitur, qui in Smolandia imprimis a. 1754. epidemice grassatus est, et idem morbus est, quem nostrates *die Kriebelkrankheit* vocant, cuiusque ortum vel ex esu fecalis cornuti vel ex alia frumenti corruptione deducunt. Adductis aliorum de natura huius morbi et symptomatibus in eo obuiis observationibus, Cl. Auctor docet, hunc morbum semper ex esu panis recentis atque ex clibano calentis ex frumento nouo confecti oriri. Smolandiae vero rustici pane ex hordeo, ut plurimum praeparato, rarissime secalino vescuntur. Quod vero causam morbi huius attinet, Cl. Auctor non secale cornutum, frumenti corruptionem aliam accusat, sed semina raphani *raphanistris*, quem nostrates *Hederich* vocant, frumento admissa tot mala symptomata

mata producere probare tentat. Acre enim volatile huic plantae inhaeret, cum ex genere nasturtinarum sit, eaque acrimonia, si planta in solo humido et tempestate humida crescat, augeatur; pluuiosam enim aestatem semper morbum hunc praecedere obseruarunt. Hanc quoque raphanistri vim venenatam, ex vnico experimento in maleagride facto confirmat, quod tamen, cum eiusmodi aues spasmo saepius afficiantur et causa quoque in reliquo victu forte posita fuerit, nostro iudicio parum probat. Quod tandem curam attinet, docetur, radicem in primis valerianae minoris et angelicae syluestris, nitrum, castoreum, camphoram et in fine morbi corticem chinae vel succedaneum eius corticem fraxini lenioraque diaphoretica plurimum praestitisse. Rustici quoque tinctura alchemillae vulgaris maximo cum fructu vsi sunt. Addita est botanica raphani *raphanistri* descriptio cum figura.

124. *Genera morborum*, Resp. Ioh. Schroeder, P. 452. Gothoburgensi, 1759. d. 5. dec.

Ad Ill. SAVVAGESII modum LINNAEVS quoque illustris systematicum morborum ordinem hic proponit. Sunt vero morbi vel *febriles* vel *temperati*. *Febriles* tres classes 1) *exanthematicos* scilicet 2) *criticos* in quibus vrina cum sedimento est, et 3) *phlogisticos* comprehendunt. *Temperati* vero vel nervos, vel fluidorum secretionem vel solida afficiunt. Ad *nervinos* pertinent, 4) *dolorosi*, 5) *mentales*, in quibus iudicii alienatio est 6) *quietales*, in quibus motus abolitio obseruatur et 7) *motorii*, vbi motu inuoluntario aegri agitantur. Fluidorum secretio vel supprimitur, ex quare 8) *suppressorii* morbi oriuntur, vel augetur, quod 9) *euacuatorias* sistit. Solidorum vero morbi vel *interni* sunt, in quibus solidorum facies mutatur, qui 10) *deformes* dicuntur, vel *externi* qui 11) *vitia* Nostro audiunt. Singulos

ordines et genera recensere nimis longum foret, cum genera 325 numerentur; quapropter speciminis loco definitiones nonnullorum generum, quae partim nouis nominibus distincta sunt, hic adduxisse sufficiat. *Glus* (199) est morbus, in quo urinae viscosae micturitio obseruatur. *Digitium* (227) est vitium, in quo articuli exsiccatio friabilis occulta, digiti marcor et dolor periodicus intensissimus sunt. *Noma* (251) est vlcus carnes integumentaue depascens, cicatricem inducens. *Coccyta* (257) est animalculum venenatum intra partem receptum, partis stigmatate dolore furioso. *Arctura* (261) est curvatura vnguis lateralis cutem secans, cum inflammatione digiti et vlceratione laterali vnguis. *Bacchia* (270) sunt vari (i. e. pustulae glandularum sebacearum rubrae, dispersae chronicae) faciei cum nodis maculisque chronicis. *Spinola* (289) est spina bifida. *Labarium* (309) sistunt dentes in alueolis suis vacillantes. *Lagostoma* (310) est labium leporinum. *Apella* (311) est phimosis sine inflammatione. *Morphea* est macula alba, depressa, lata. *Melasma* (322) macula coerulescens in parte tecta cetr. Addita est theoria morborum, quae pathologiam et therapiam vniuersalem breuissimam sistit, in qua Cl. Auctor ad corporis in partem medullarem et corticalem diuisionem supra propositam respicit. Medullaris pars tenuissimo spiritu corticali nutritur, flagrat vero electrico pulmonibus hausto. Corticale fluidum, e quo solida oriuntur, destruitur acidis et putridis. His dum resistit principium sentiens mouens febris oritur et quidem *critica* ab acescente, *phlogistica* a putrescente, *exanthematica* a viuo contagio. Medicamenta vel sapida sunt, quae in corticale vel olida, quae in medullare agunt. Cum vero haec omnia fusiis alio loco ab Ill Auctore explicata sint, pedem hic figimus.

II.

The History and present state of Electricity
with original experiments. By JOSEPH
PRISTLEY. L. L. D. F. R. S. Londini
printed for I. Dodsley cet. 1767. 4. mai.
Alph. 4. pl. 4. Tab. aen. VII.

h. e.

Historia electricitatis ad nostra vsque tempora
cum nouis experimentis Auctore JOSEPHO
PRISTLEY.

Immortaliter de orbe litterario merentur, qui di-
sciplinarum, inprimis generi humano vtilium, ad
vltiorem veritatum late patentium cognitionem, si
vel eae ipsae vel earum partes summorum virorum
industria in immensum excreuerint, ac veritates ad
eas pertinentes, per libros omnium fere nationum
disperfae sint, historiam condunt. In eiusmodi vero
historia non indices librorum, editionum varietates
ac vitae eruditorum recensendae sunt, sed potissi-
mum ratio dogmatum habenda ac luculenter expo-
nendum est, cui tam felici licuit esse, vt prima disci-
plinae alicuius elementa ex tenebris in lucem pro-
traxerit: qui posterorum, vestigia maiorum perse-
quendo cum nouis accessionibus ditauerint ac earum
theorias condiderint, ac tandem accurate notanda
sunt ea, quae extra omne dubium posita, quae adhuc
perficienda restent, vt vno quasi conspectu totius
disciplinae status cognoscatur vna cum iis, quae in
ea adhuc vltiori cultura ac lima indigent, et quae
quis perpoliendo ac perficiendo scientiam augeat,
et aeternam sibi gloriam pariat. Nemo facile diffi-
tebitur inter philosophiae partes nullam philosophia
naturali maiora commoda vitae communi, scientiis
superioribus ac inprimis arti medicae afferre, viri-
umque

umque, quae in ea ad cognoscenda et admiranda artificia, quibus corporum mundi totalium ac partialium mutationes efficiuntur, effectusque stupendi producuntur, explicantur, nullam intimius corporum structuram afficere, nosque aut posteros nostros ad interiorem, quam adhuc ignoramus, corporum naturam perducturam esse, ac vim electricam, quam Angliae, Germaniae, Italiae, Galliae, Belgii, Russiae, Sueciae, Americae, philosophi tot tantisque incrementis tam mirifice seculo nostro auxerunt, ut si quis omnia, quae de eius insigniori natura cognita ac detecta sunt, cognoscere velit, ei per libros omnium nationum non nisi magnis sumptibus parandos, vagandum, magnaue cum temporis iactura experimenta noua colligenda ac a repetitis separanda sint, theoriae eius diuersae eruendae ac diiudicandae, ac tandem earum applicatio ad explicanda naturae phaenomena ea, in quibus exercitatissima ingenia a primis philosophiae initiis inde usque ad nostram aetatem frustra desudarunt, addiscenda. Itaque nec satis praedicari potest, Cl. PRIESTLEY, qui in erudito hoc ac vasto opere initia, gradus, ac progressionem, cognitionis huius vis, summo studio luculenter exposuit, nec satis dici, quam mirifice eos iuuerit, quibus expedit, nosse proprietates omnes vis electricae ac artificia ea, quibus ad earum cognitionem peruenitur. Desuerunt quidem varii eruditorum inprimis in Germania degentium labores Viro Cl. qui mari a nobis seiungitur, dignissimi, qui huic operi inferantur. Ipsam huius vis historiam a primis initiis usque ad annum 1744 nostratum DANIEL GRALATH, Consul quondam Gedanensis Tom. I. Ephem. Societ. Gedan. insertam ita pertraxit, ut omnium applausum ferret, ipsiusque PRIESTLEY tulisset, si ab eo lectus fuisset, et quis ignorat HAUSENII, geometrae efficacis ac invicti

victi laboris conatus, sed hi pluresque alii, quos breuitatis causa omittimus, a nostris facile suppleri poterunt, nec minuent praestantiam libri, in quo et magnum ingenium elucet, et insigni diligentia summoque labore omnes eae, quas veri nominis historia litteraria requirit, partes mirifice executae, in iisque, nostra quidem sententia, egregie satisfactum est bene, hanc materiam intelligentium iudicio.

Haec vero eminentis huius libri nondum vbiuis noti forma est. Septem absoluitur partibus quarum p. 1. prima periodos decem continet. A prima usque ad octauam recensentur experimenta et veritates inde derivatae ab anno seculi praeteriti septuagesimo ad annum 1746, quo Franckliniana publici iuris facta sunt. In his periodis, breuiter in antecessum commemoratis, quae THALETI Milesio 600 an. a. c. n. THEOPHRASTO et PLINIO innotuerunt de electricitate, experimenta WILHELMI GILBERTI, BOYLEI, OTTONIS GVERICKII, WHELERI ac inprimis STEPHANI GREY, cui diligenti experimentatori omnia, quae usque ad FRANCKLINUM nostra aetate detecta sunt, cognita fuisse, Auctor Cl. copiose docet, DV FAYE, DESAGVLIERII, BOSII, WINCKLERI, nuperrime magno huius scientiae damno defuncti, GORDONI, LVDOLPHI primi, qui scintillis electricis FROBENII spiritum incendit, WATSONII, DV TOUR, WAITZ Vir. Cll. insertis lectu dignissimis obseruationibus copiose exponuntur.

Periodum octauam quinque sectionibus absolutam admodum memorabilem efficit in Sect. I, recensio experimenti, lagenae Leidensis ex nonnullorum sententia a CVNEO, ex aliorum verisimilius ab ipso MVSCHENBROECKIO primum inuenti, adiunctis obseruationibus, quas illud repetendo

WINCK

WINCLERVS , WATSONVS , WILSONVS ,
CANTONVS , NOLLETUS. Viri Cll. fecerunt.
Sect. II. inuentae a philosophis Gallicis, Anglicanis,
Germanicis ac adhibitae luculenter describuntur
methodi, metiendi distantias, ad quas concurfiones
electricae perducı possint, ac celeritates, quibus ad
eas distantias feruntur. Sect. III. continet inuenta
Miscellanea WATSONI detegentis primum negati-
vam ac positivam electricitatem: MONNIERII, in-
venientis communicari electricitatem corporibus ho-
mogeneis non in massae, sed in ratione superficie-
rum. NOLLETI, obseruantis electricitatem, se in-
primis exferentem in partibus corporum acuminatis,
IALLABERTII aliorumque Cll. Virorum. Sect.
IV. recensentur experimenta electrica cum animalı-
bus aliisque corporibus organisque praedita, aliaque
his connexa. Sect. V. examinantur erronea experi-
menta, quibus PRIVATI primus, post eum VER-
RATI, BIANCHINI ac WINCKLERVS indu-
cti asseriebant, odoriferas essentias ac medica-
menta, vasis vitreis occlusa ac vi electrica agitata pe-
netrare per vitra in conductores, ex his in hominum
corpora, qui eos contingerent, ac proinde fieri posse,
vt ea ratione medicamenta in abditas humani cor-
poris partes transferantur: eiusdem commodis re-
putantur beatificationes BOSSII ac sententia eiusdem;
qua venditabat, ope electricitatis inuerti polos ma-
gnetis eosque iterum per eam in pristinum restitui
posse statum.

Periodo nona noua electricitatis epocha consti-
tuitur, in qua sectione I. illustrantur experimenta
Cl. FRANKLINI euincencia negatiuam et positi-
vam electricitatem, sectione II. experimenta com-
probantia cognationem, similitudinem, ac identita-
tem vis electricae cum materia, fulgura producente,
sectione III. experimenta miscellanea, inuentiones-
que

que concernentes atmosphaeras electricas, earumque immobilitatem a viribus externis aliorumque vt KINNERSLEY, experimenta recensentur.

Periodus decima omnium longissima quindecim sectionibus constat ac exponit experimenta, nouaque inuenta virorum in variis gentibus illustrium post publicatas FRANKLINI inuentiones vsque 1766. Sect. I. traditur historia eorum, quae in instrumentis ac apparatu machinarum, quibus electricitas excitatur, communicatur corporibus, ac augetur, perfectiora ac commodiora reddita, qua in re WINCKLERI, CANTONI, WILKII, WINDELINI, AMMERSINI, WILSONI, NOLLETI, BOSII, BOVLANGERII Vir. Cll. diligentia ac sagacitas eminuisse fertur. Sect. II. III. exhibet CANTONI experimenta electricitatem aeris BECCARIAE eiusdem et aquae, metallorum, vaporum, aquae bullientis, IOHAN. DE LIGNA glaciei electricitatem comprobantia. Sect. IV. DELAVALII experimenta describuntur, comprobandae negatiuae et positiuae electricitatis causa cum crytallo Islandica instituta vna cum controuersia eius exinde cum CANTONO gesta iudicioque, de ea BERGMANNI. Sect. V. VI. insignia et amoena SYMMERI experimenta ac ex iis confectaria pro electricitate ex duobus fluidis simul existentibus et in oppositum agentibus constante theoriae Franklinianae aduersa enarrantur, quae FRANCISCVS DE CYGNA repetiit atque ex theoria Frankliniana ita explicauit, vt simul fassus sit, nondum cognita esse experimenta sibi, quae negatiuam et positiuam electricitatem extra omnem ponant dubitationem. Sectio VII. VIII. historia lagenae Leidensis a WILKIO, AEPINO, RICHMANNO, BECCARIA, CANTONO, KINNERSLEY, CAVENDISH, WINCKLERO vltius excoltae ac varia modificatae ratione. Sect. IX. de electricitate turmalini agit. Sect. X-XI. experimenta describuntur

P. 193.

P. 195.

P. 204.

P. 237.

P. 246.

P. 287.

P. 314.

- p. 327. tur DALIBARDII, DELORII, MANIERII, CANTONI DE ROMAS et imprimis BECCARIAE admiranda, ac prout experimenta multorum constat fatumque RICHMANNI omnium euidentissime docuit, admodum periculosa eo fine instituta, vt identitas electricitatis cum fulgure comprobare.
- p. 373. tur. Sect. XII. describitur ratio nonnullorum Auctorum explicandi meteora coelestia ac terrestria ex electricitate, vt stellas cadentes, turbines terrestres ac maritimos, terrae motus, ignes fatuos et quae
- p. 398. sunt reliqua. Sect. XIII. continet obseruationes de conductoribus, ac machinis ad auertendos ab aedi-
- p. 408. ficiis fulguris effectus adhibitis. Sect. XIV. agit de vsu electricitatis in curandis morbis, vbi LALLABERTI, PRINGLI, WILSONI, SAVVAGEI, BOHATSCHII, TESSKII, HARTII, LOVETII aliorumque Vir. Cll. ratio medendi morbis per electricitatem recensentur. Sect. XV. miscellanea occurrunt experimenta, quae potissimum concernunt vitri permeabilitatem ac cognitionem vis electricae
- p. 433. et magneticae. Secunda operis huius pars seriem exponit propositionum, quae generales electricitatis affectiones ac proprietates exhibent, ac ex superiori-
- p. 441. bus experimentis deducuntur. III. Parte omni partium studio seposito exponuntur Sect. I. Theoria
- p. 479. electricitatis Franckliniana. II. Nolletiana. III. Euleriana et IV. candide desiderata in theoriis his deteguntur, vna cum consiliis, quibus eae vltius ex-
- p. 508. coli ac perfici possint. Parte Vta theoria machinarum electricarum ratioque eas commodissime construendi traditur vna cum descriptione variorum ad eas requisitorum, apparatusum quae singula
- p. 535. nitidis figuris, iisque accuratis illustrantur. Parte VII. regulae practicae iis praescribuntur, qui electrica experimenta propria industria instituere incipiunt, vt iis obseruatis ab omni periculo sint liberi, et ne
- fine

sine proposito sine in maxime seria ac momenti magni re, circumforaneorum more, pueriliter ludant, tempusque ac impensas inutiliter friuole perdant. Parte VII. prolixo catalogo consignata exhibentur p. 547. omnium maxime iucunda, ad propositiones electricam vim declarandas, eliciendas et ad intimiorem huius nobilissimae vis naturam cognoscendam maxime accommodata experimenta.

Parte VIII. noua sequuntur experimenta electrica, ab Auctore a. 1766 instituta, et summa cum integritate, adductis vbicunque apparatu et subsidiis enarrata. Aliorum experimenta saepe iterauit, tanto quidem studio, vt quodlibet noui quidquam, siue in facto siue in methodo, afferat. Quo ipso effectum est, vt eius tentamina aut ab aliorum differrent, aut eandem propositionem generalem nouis augmentis locupletarent. Cl. Auctor per eam occasionem dolet, quod electricitatis amatores Angli, rerum alibi in arte hac gestarum, ignari, aliorum inuenta repetant, aut aliter ac primi eorundem Auctores instituant.

Sectione I. electricitatem non solum non excitari, p. 581. sed propemodum euanescere in tubo aut globo, cui aer inest condensatus, experimentis corroborat. Cum autem inter operandum caementi frustulum intus secerneretur, quod comminutum, globi superficiem internam cuticula obduceret, vis electrica sese exferere in globo, semel atque iterum iteratis experimentis, cepit.

Sectione II. euincitur, torrentem fluidi electrici p. 591. egredi ex corporibus acuminatis, siue positive siue negative fuerint electrica. Flamma enim inter duas cuspides fili metallici diuersimode collocata ab vtraque parte flatum electricum sustinuit, eumque valde sensibilem, maiorem tamen ab cuspe positive ele-

Etica. Similem effectum etiam in tritonibus papyraceis manifestum fecit, apici fili metallici prope admotis. Porro aerem humidum, foetentem et mephiticum, aerem item ex carbonibus ortum, electricitatem in se recipere et aliunde transferre, per phialam vi electrica imbutam et sub campana vitrea, in qua aer pulmonum et carbonum continebatur, collocatam.

p. 598. Sectione III. manifeste docet, conclusione inde elicitam, corpora nulla non metallica, ut quae optimi conductores habentur, ex serra vitrescente, siue ex phlogisto quodam constare, et sua natura nihil, praeterquam aerem huiusmodi, in statu fixo, esse mephiticum. Postea eandem electricitatis dispersionem solo etiam aere humido, sub campana collecto, obtineri Auctor vidit; carbonibus quidem fossilibus ad

p. 605. hunc effectum producendum aptissimis. Nova certe ratione in methodum quantitatem dispersae electricitatis mensurandi, consequenter aptitudinem conductoris cuiusdam diiudicandi, incidit. Etenim quo magis idoneus est conductor, eo parcior in phiala, aut in corpore electrico, facta explosione, electricitas superest; et quo minus, eo copiosior. Hinc ex residuo electricitatis post elicitam scintillam praestantia conductoris aestimari poterit.

p. 609. Idem argumentum Cl. Auctor sectione IV. persequitur corporibus, quibus natura et proprietas electricitatem recipiendi et aliorum deferendi inest, diversimode exploratis. Inter eiusmodi corpora glaciem reponit, quam vi electrica prorsus perviam deprehendit; niuem etiam, quae tamen propter tenuem partium contactum electricitatem minus commode transfert. Olea eandem parum recipiunt. Obiter experientiam allegat, qua glaciem ex oleo, siue oleum congelatum, specificè grauius ipso oleo fluido, contra naturam glaciei aquae, expertus est.

Hoc

Hoc loco catalogum exhibet rerum mineralium, con- p. 617.
ductoris naturam habentium, quem experimentis
pluribus confecit. Chemicam hanc posses electrici-
tatem appellare. In hunc censum veniunt salia,
communia aequae ac metallica, et lapides diuersi.

In hac, et in V. sectione multa continentur, p. 621.
prorsus noua et notatu dignissima. Nemo enim,
quod quidem scimus, differentiam vitri recens fusi
atque veteris, quoad electricitatis productionem, tam
accurate inquisiuit. Experientia quidem alios docue-
rat, vitrum Anglicum, sub nomine *Flintglass* cogni-
tum, propter metallicam admixtionem, suscitandae
electricitati minus idoneum esse; sed potius ipsam
electricitatem cum aliis corporibus mirifice commu-
nicare. Idem vero Auctor noster tentaminibus suis,
additisque rationibus, ad liquidum hoc loco per-
duxit.

Sectionis VI. argumentum circa theoriam electri- p. 635.
citatis Auctore BECCARIA conditam, versatur; cui
quidem in eo, quod leuia corpora vim electricam,
qua satis imbuta sunt, ad loca, electricitatis exper-
tia cum insigni dispersione quaquauersum facta, pro-
pagant, Noster omnino assentitur.

Sectione VII. Auctor varia electricitatis, adhibi- p. 642.
tis ampullis tabulisque vitreis inauratis, nunc inten-
sae, nunc dispersae et explosae, experimenta sugge-
rit. Nempe per electricitatem satis valide coagmen-
tatam ampullarum vna alteraue interdum fracta est;
quo facto ex ampullis inter se filo metallico iunctis
electrica vis statim educta et quasi exhausta est: Ob-
seruauit quoque Auctor, ampullas et tabulas vitreas,
electricitate oneratas, sua sponte exoneratas esse, et
rimas fecisse tenuissimas materiae electricae peruias,
nudo oculo vix visibiles, quibus tamen totius spes
experimenti frustrata est. Crassiores tabulas vitreas

recipiendae electricitati minus aptas, optimas autem duarum linearum anglicarum crassitie deprehendit.

p. 653. Octava sectione electricae explosionis in animalibus, tam minoribus, quam maioribus, memorantur effectus; in quibus attentionem ille meretur, quo canis validissima scintilla ex superficie vitri inaurati 62 pedum quadratorum elicitā in fronte percussus, statim immotus et mortuo similis concidit. Sequebantur mox convulsiones per integrum corpus, gravior et sonantior respiratio, multum salivae, oculi lacrymantes et tandem plenaria coecitas. Quam postremam cum occiso cane examinaret, tunicam corneam albidam, opacam, cartilagineam et notabiliter crassam inuenit, humoribus oculi alias sanis et perfecte transparentibus. Cl. Auctor, antequam effectum hunc electricae percussionis in cane observaret, animalia fulgure occaecata amaurosi affecta credidit, systemate eorum nerveo ignis explosione penitus tacto et correpto. Sed hic casus ipsum docuit percussione electrica in oculorum confiniis facta manifestam contingere inflammationem, quae tandem albuginem nullo curandam remedio producat. Ranas nec fortissimo quidem ictu electrico enecari comperit.

p. 659. Maculas circulares in metallorum superficie ex scintillis electricis ortas Sectione IX. Auctor disquirat, et ostendit, metalla eo in loco aut fusa aut fusione proxima fuisse et diuerfas bullulas cavitatesque contraxisse. Secundum has cavitates microscopii ope sollicite exploratas metalla, pro faciliore fusione, si ab profundissima cavitate incipias, ordine sic collocat: stannum, plumbum, aurichalcum, aurum, chalybs, ferrum, cuprum, argentum. Simili huius scintillae actione pars fili metallici $\frac{1}{2}$ lineae crassi, 6 linearum longitudine fusa fuit.

Sectio

Sectio X. experimenta continet singularia et noua electricae explosionis, mediantibus metallicis quibusdam substantiis, inprimis catena aurichalcea, cuius portio 2 pedes et 4 pollices longa quarta pollicis parte breuior facta est, postquam electrica vis fortissima concussione per illam transiit. Sect. XI. varia corpora contemplatur, quorum superficies electricitatem propagat, ipsa eorum massa eandem intus non suscipiente. Sequens XII. experimenta in tourmalino capta, sed maximam partem per tentamina. p. 672
 AEPINI V. cl. iamiam cognita; et vltima Sectio XIII. miscellas proponit obseruationes, quae partim diuersa electricae phaenomena scintillae, partim substantias, ex quibus elicitur electricitas, spectant, p. 697
 notatu dignissimas, sed breuitatis causa non vltius commemorandas. p. 714

III.

Collezione istorica di casi chirurgici metodicamente disposti e con noteo illustrati di GIUSEPPE CAVALLINI di Cevoli, alunno nel K. Spedale di S. M. nuova di Firenze. Tomo I. parte I. sopra i tumori infiammatori d' ispezione chirurgica. In Firenze 1762. appresso Andrea Bonducci. 4. pagg. 248. absque dedicatione. Parte II. de i tumori cronici d' ispezione chirurgica. Ibid. 1762. pagg. 192.

i. e.

Collectio historica casuum chirurgicorum methodice dispositorum annotationibusque illustratorum, Auctore IOSEPHO CAVALLINI Cepolensi cet. Tom. I. pars I. tumores inflammatorios, Pars II. chronicos, quantum ad chirurgiam spectant, complexa.

Laudem semper merentur conanima eorum, qui nosocomiis publicis praefecti, cum vberior copia ipsis suppetat, aegros diuersissimis morbis affectos tractandi, laborum suorum rationem publico reddere satagunt. Quare et praesens institutum non possumus non et probare et commendare, quo Cl. Auctor incepit morbos chirurgicos, qui ipsi in nosocomio, quod gloriosissimus olim imperator FRANCISCUS Florentiae exstruendum curauit, obuenerunt, pertractare, quamquam hinc inde etiam obseruationes in aegrotis captas insperfit, qui in publico hoc aedificio non fuerunt. Ordinem capitum summorum in primo hoc tomo, qui iam nostris in manibus est, seruatum ipsa ex fronte facile perspicimus: vltiorem vero diuisionem ex curatori recensione nunc exhibenda declarabimus.

Praefatio de effectibus stagnationis fluidorum in corpore humano agit, et exponit originem inflammationis variarumque eius specierum, eiusque exitum in resolutionem, suppurationem, gangraenam cetera. Pars prima continet obseruationes 148, quibus animaduersiones nonnunquam intersperatae sunt, et in duas sectiones dispescitur, quarum prima erysipelas, altera phlegmonem sistit. In priori de erysipelate simplici, posteaque de transitu eius in varias herpetis species aut coniunctione cum iisdem agitur: postmodum digressio fit, quam hoc quidem loco non quaesiuissimus, ad diductionem articulorum et damna inde oriunda. Tum reditur ad erysipelas phlegmonosum, seu resolutione seu suppuratione alioque modo iudicatum, vbi tamen obs. 32-35. magis videntur pertinere ad collectionem puris in locis profundioribus, quam ad erysipelas proprie sic dictum. Ita etiam ordo methodicus nonnihil turbatus nobis visus est, quum in obs. 37. erysipelas phlegmonosum resolutione et euacuatione

tione critica per vrinam curatum, et huic ob similem metastasin obs. 38. subiunctam historiam morbi in femina inueniremus, quae post praegressam diarrhoeam pertinacior, dolorem et tensionem in hypogastrio sinistro persensit, et materiae purulentae ex genitalibus effluxu sanata fuit. Obs. 39-43. itidem magis ad abscessus profundius delitescentes, quam ad ipsum erysipelas referri debere nobis visae sunt. Sequuntur obseruationes de pure aut super cranio aut sub eodem collecto, de erysipelate phlegmonoso, cariem ossium, epinyctidem seu leuiorem gangraenae gradum, gangraenam ipsam et sphacelum, sed partium tantum molliorum (obs. 50-66.) post se trahente, vbi tamen in posteriore casu in vno alteroue exemplo non videtur praecessisse erysipelas, sed maior omnino inflammatio. Sequentes obseruationes transitum erysipelatis phlegmonosi in ossium gangraenam seu cariem siccam sistunt, quae huius quidem sectionis finem faciunt.

In altera, quae de phlegmones seu inflammationis variis generibus exponit, tractatus de furunculo, paronychia, angina, inflammationibus glandularum maxillarium et colli, spermatocele, bubonibus inflammatis, tuberculis haemorrhoidalibus inflammatis, aliisque huius census, tandem de spina ventosa, de carbunculis et transitu inflammationis in gangraenam et sphacelum.

Exhibita nunc summa totius partis primae, licebit quaedam prae reliquis notatu digna, excerpere, quo specimen doctrinae nostris Lectoribus proponamus.

In erysipelate simplici nocent pinguia topica, p. 34. quibus veteres adeo utebantur, quibus tamen e contrario tempestiuus pro ratione subiecti vel sedis morbi venae sectionis vsus debetur, quem multi nostra

- p. 43. aetate nimis negligunt. Herpetem tuberculofum non a cauffa venerea folum proficifci, allatum ab
- p. 50. Auctore noftro exemplum contra Cl. PATVNA probat. In diduétione articulorum balnea frigida, a veteribus aeque ac recentiorum quibufdam fummis laudibus eueéta, nonnifi in principio conducunt; humoribus enim effufis, iam coagulatis, refolutione opus eft, quae maxime balneis tepidis attingitur. Ex vario exitu erifipelatis fuppuratione terminati col-
- p. 63. ligitur, fatius eſſe, fi inflammatio adhuc adfit, eam naturae viribus relinquere, quam, incifione facta, pus euocare. Obf. 36. cafum utique rariorem fiſtit fe-
- p. 70. minae, cui poſt puerperium tumor in abdomine enatus eſt cum grauiffimis ſymptomatibus, qui ſponte ruptus immenſam copiam aquae virideſcentis, ad librarum 35 pondus computatam emiſit, quam intra mufculos abdominales et peritoneum haefiſſe verofimile eſt; ſucceſſit poſtea cum diuerſiffimis aliis ſymptomatibus inſignis ſuppuratio in loco eroſo, et aegra poſt ſex demum menſium ſpatium conualuit.
- p. 97. De bono effectû paracentefis thoracis Auctor noſter dubitat, et noxas ab ingreſſu aeris maximas timet; putat etiam, Auctores felicem eius effectum praedicantes empyema credidiſſe, quod ſolummodo tumor
- p. 105. inter coſtas et pleuram collectus fuerit. Pariter etiam interpretes HIPPOCRATIS perſtringit, qui aph. 10. libr. 6. ita explicant, ut pus ſub cranio collectum per cauitatem narium, aurium cet. euacuari putent, cum tamen verofimilius ſit, illud tantum pus innui, quod in finibus
- p. 128. frontalibus, maxillaribus cet. haereat. Peculiaris eſt caſus in obf. 60. enarratus, ubi quidam adeo vehementi inflammatione penis et ſcroti correptus eſt, ut moles utriuſque triplo maior naturali eſſet; gangraena utrinque oborta nonnifi linteis carptis tenuioribus ſiccis applicatis eo deducta res eſt, ut emortui teſticuli deciderent et gangraena fiſteretur. Generatim

neratim in tristi gangraenae sphacelique casu, si ma-p. 139.
la ista partes tantum molles tangunt, totum po-
tius negotium naturae committi, quam morbo
amputatione membri limites poni Auctor noster
vult, potissimum ratiociniis Cl. NANNONI innixus.
In gangraena ossium seu care sicca vsum pulueris eu-
phorbii, perforationem et trepanationem, et si his
omnibus morbus pertinax non cedat, vt in cylindri-
cis saepe ossibus accidit, tum demum amputationem
praecipit.

Progreditur nunc ad sectionem alteram, quae p. 147.
inflammationis siue phlegmones varios gradus exhi-
bet. Dignum est notatu, auctumno anni 1761 plu-
res inflammatione glandularum maxillarium et colli
tamquam morbo epidemico quasi affectos fuisse, qui p. 167.
in maribus saepe inflammationem testiculorum, in
feminis mammaram coniunctam habuit. Causam cur
suppressis menstruis adeo facile mammaram inflam-
matio superueniat, in harum structura et extraordi-
naria circa easdem pinguedinis copia praecipue po- p. 197.
nit Noster, quibus fiat, vt mammae facilius, quam re-
liquae partes corporis superabundantes humores, at
ipsa iam abundantia et recluso exitu vitiatos, susci-
pian. In disquirenda causa commercii, quod est in-
ter inflammatas glandulas inguinales et gonorrhoeam
retropressam ex analogia putat, plurimum tribuendum p. 210.
esse resorptioni humoris infecti, qui in vrethra, pro-
stata adiacentibusue partibus stagnauerit, ope vaso-
rum lymphaticorum ad glandulas istas tendentium
praestitae. Obs. 136. sistit historiam feminae, fe-
tum clandestinum variis violentiis externis abdomini p. 233.
illatis sanguinisque missionibus enecare conatae,
quibus tamen omnibus incassum tentatis, iusto tem-
pore fauste peperit, sed postmodum, inflammatione
in hypochondrio dextro oborta, correpta est. Secto
cadauere, apparuere intestina, gangraena tacta, in mira
C 5 puris

puris quantitate natantia, cuius librae 20 collectae fuerunt, et contextus cellulosus ad spinam dorsi, basin hepatis, variaque viscera abdominis suppuratione absumtus.

Pars secunda incipit ab obseruatione 149. et finitur obseruatione 276, Priora septem sistunt tumores spongiosos cum abscessibus chronicis, omnes funesti euentus; in plerisque ossa simul carie tacta fuerunt. Sequuntur tumores emphysematici, postmodum tumores ad articulationes, vbi praecipue

p. 22.

morbus marchionis L. A. DEGLI ALBIZZI prolixissime descriptus est, ad quem etiam tabula in calce huius partis subiuncta pertinet, quae quotidianam copiam puris excreti, alimentorum et potulentorum assumptorum euacuationis per vrinam, aluum insensibilemque transpirationem exhibet. Recensentur deinde tumores polyposi, pinguedinosi, carnosii, scirrhusi cum spurii seu benigni tum veri seu maligni, cystici, tumores ossium seu gummata et exostoses, porro aneurysmata, herniae, oedemata, ac tandem contusiones ceu tumores sanguinei.

p. 50.

Tumorem pinguedinosum super clauiculam finistram, ad acromium vsque sese extendentem et magnam deltoidis musculi partem obtegentem, felici successu Auctor noster abstulit, qui libras octo cum semisse pondere aequauit. Vidit etiam alium chirurgum sustulisse tumorem, totum genu dextrum occupantem, musculisque ipsis insidentem.

p. 51.

Sarcocoele adeo iam ingrauescens, vt de castratione cogitaretur, cessit tamen denique vsu cataplasmatibus ex farina fabarum et stillicidiis aquae frigidae fluuiatilis.

p. 53.

Cicutae internus aequae ac externus vsus in scirrhuso, vt et solani internus et externus et phytolaccae externus vsus in cancro effectum omni prorsus caruerunt.

p. 83.

Rara est

p. 80.

obseruatio 218. referens feminam tumorem in hypogastrio

p. 105.

pogastrio sensisse, qui cum, adhibitis emollientibus, fluctuationis indicia praeberet, apertus est, sed paucas tantum guttas sanguinis cum materia oleosa in substantia albumini ouorum simili natante emisit; suppuratione incrementum et viribus aegrae fractis, superuenit tympanites, qui vero una cum suppuratione euauit, sola protuberantia in hypogastrio dextro superstite relicta. Confecta demum aegra, cadauer incisum est, ubi praecipue inuenerunt sub musculis abdominalibus penitus fere gangraena consumptis in regione iliaca, prope umbilicalem, globum ex capillis mediocris longitudinis convolutum, compactum inter se ope humoris glutinosi, et subiectum ei densum stratum materiae sebaceae admodum pinguis, quae omnia coniunctim figuram et magnitudinem fructus maioris limonii referebant; porro sub crista ossis ilei dextri os nucleis inglandis magnitudine, multis et tortuosis foraminibus pertusum, absque perioestio, libere haerens; sub eadem crista in latere sinistro aliud os cylindricae formae et cartilagineae substantiae, 5 pollices longum altero extremo ipsi cristae insidens, altero in materia scabra haerens; in hypochondrio dextro intra musculos et peritoneum materiam pultiformem, et in sinistro eodem in loco argillaceam, singulam peculiari folliculo inclusam, qui inter se communicabant, in cauum abdominis autem non hiabant. Sententia MONROI et HEI-P. 130. STERI, posse oriri aneurysma, si a quacumque causa tunica cellulosa arterias inuestiens auferatur, ideo non videtur probabilis Auctori nostro, quod hoc saepius in inflammationibus accedit, nullo tamen subsequente damno, quodque adeo vasa per cavitates decurrentia, paucissima quippe cellulosa donatae, aneurysmati praeter reliquis subiecta forent.

Rarus est casus prosperae curationis enteroepi-P. 142. plooceles incarceratae, quae cum imbecillitas aegri meden-

medentes ab operatione deterreret, sponte rupta est, gangraena insigni partium affectarum subsequuta, glutinatis tamen rite labiis, vulnus optime coalluit. Enteromphalos, in corpore viuo feminae non satis declarandus, post sectionem demum cadaueris patuit, vbi inuentus est saccus herniosus in regione vmbilicali sinistra prope vmbilicum ipsum intra musculos abdominales; super portione peritoniae relaxata iacuit stratum cellulofum mirum in modum induratum; intestini ieiuni pars in sacco contenta diametrum naturali coli aequalem habuit, colon e contrario tunicis ipsius scirrhis redditis angustissimum et totius canalis intestinorum gangraenosi coloris fuit. In herniotomia probe respiciendum est, ne sacco hernioso inaequali et aspero viso confundantur partes intestini cum nodis pinguedinis, qui in substantia omenti haerent. Obs. 263. Auctorem nostrum docuit, rumpi posse peritoneum sine praegressa vehementiori violentia externa aut gangraena eiusdem, quandoquidem illud in sectione cadaueris praeter disruptionem non alteratum deprehendit.

IV.

BALTHASARIS LUDOVICI TRALLES de
methodo medendi SYDENHAMI, TISSOTI
aliorumque illustrium virorum in curatione
variolarum pessimae indolis, infeliciter licet,
dextre tamen adhibita, epistola apologetica ad
Ill. virum ANTONIUM DE HAEN. Vra-
tislav. 1764. 8. pagg. 55.

Cl. TRALLES qui ab Ill. DE HAEN erat vitupe-
ratus medendi sponssae suae methodi, nuper pro-
positae *) caussa, hic sese defendit ex ipso SYDEN-
HAMO, secundum quem Noster non curasse videtur
Ill. DE HAEN, hanc suam methodum tuetur atque
confirmat. Demonstrat nimirum Cl. Auctor, SYDEN-
HAMUM aliosque medicos lubenter largiri, quam-
dam esse variolarum speciem summe periculosam,
saepeque incurabilem, nec quidquam erroris sese
commisisse in cura amatae, nec Sydenhamiana con-
silia spreuisse, praeter opii et venae sectionis usum,
quem iure Noster cum TISSOTO in his variolis
reiicit.

Cum enim opium non, vt vult SYDENHA-
MUS, sanguinis ebullitionem et calorem minuat, sed
circulationem humorum intendat, sanguinem rare-
faciat, calorem augeat, omniaque mala in morbis, quae
a circuli celeritate humorum, rarefactione augmen-
toque caloris pendent, reddat peiora, iure opii vsum a
se esse neglectum in amatae morbo arbitratur Noster.

V.

*) De methodo medendi variolas haftenus cognita sae-
pe insufficiente magno pro inoculatione argumento
diff. epistol. ad Cl. IO. CASPAR, SULZERUM
exarata a B. L. TRALLES. Vratislav, 1761. 8. vii.
Comment. nostr. Vol. X, p. 508.

ANTONII DE HAEN ad Ill. BALTHAS. LUDOV. TRALLES epistolam apologeticam responsio, cuius pars prior circa variolarum inoculationem versatur, altera sanguinis missionem et opium in stadio variolarum suppuratorio laudat. Vienn. Austr. 1764. 8. pagg. 87.

- A**dornauit Ill. DE HAEN hanc responsionem ita, vt, quae eum ab amplectenda variolarum insitione detinerent, primum enarraret. Hanc omnem
- p. 7. rem absoluit Noster decem quaestionibus. Ac prima quidem est: „an dentur variolae naturales pri-
- p. 22. „mae et secundae?„ id quod affirmatur, secunda: „dantur ne variolae naturales post insituias?„ et hic
- p. 24. exempla commemorantur. Tertia: „num ab insitione frustra instituta nemo vnquam detrimenti „quid capiat?„ atque inoculationem esse noxiam affirmatur. Quaestio quarta: „an eiusmodi frustra-
- p. 26. „nea inoculatio potissimumque si, iterato frustrata, securitatem homini praestet, fore, vt variolas via naturali nunquam contrahat? Non fieri hoc, exemplo
- p. 35. „probatur.„ Quinta: „Num inoculatae variolae ferbrim eamque maxime suppuratoriam ignorent „passimque et discretas sint et benignae?„ Omni periculo implantatas variolas non vacare, GAVBIO
- p. 43. assentiente, affirmatur. Sexta: „nulline ab insitione
- p. 48. „ne moriantur?„ negatur. Septima: „an inoculatas „variolas passi nulla vnquam incommoda morbosue „alios inde sibi contrahant?„ relinquuntur varia in-
- p. 50. comoda post inoculationem. Octaua: „numquid „non propagent inoculatae contagium?„ propagant.
- p. 55. Nona: „certine sumus fore, vt inoculatis variolas „nunc expectantibus, nec praecedat, nec accedat con

„contagium naturalium? fin minus; an a duplicata
 „caussa variolae non atrociores expectandae?„ Fieri
 hoc posse arbitratur Noster. In quaestione vltima
 proponitur: „an saltem inoculatio custos tuta ve- p. 56.
 nustatis?„

In parte altera huius epistolae continetur breue p. 62.
 responsum ad criminationem, et missio sanguinis et
 opium in febre variolarum suppuratoria laudantur.
 Quamquam variolas tam naturales, quam insituias,
 quae penitus superent artem, esse largitur Noster,
 tamen venaesectione et opio et suppurantibus variolis
 posse iuuari exemplis nonnullis, angina variolosa la-
 borantibus, comprobat, inque angina vapores acidos,
 qui inhalantur ab aegro, vtiles iudicat.

VI.

Vexatissimum nostra aetate de insitione variola-
 rum vel admittenda vel repudianda argumen-
 tum occasione quaestionum ab Ill. ANTONIO DE HAEN sibi propositarum abiecto
 omni partium studio curatius euolutum et ex-
 pensum a BALTH. LUDOVIC. TRALLES.
 Additur breuis disquisitio de vsu missionis
 sanguinis et opii in secunda variolarum febre.
 Vratislaviae 1765. 8. mai. pagg. 304.

Antequam Cl. TRALLES ad quaestiones decem
 a Cl. HAENIO propositas *) respondeat, pauca
 de criminatione et variolarum inoculatione nec non
 variolis in vniuersum praemittit, duasque alias quaestio-
 nes mouet. Quarum prima est: an certo certius quiuis p. 48.
 homo variolis serius, ocyus afficiatur et altera iam
 inoculatio illis adfricet variolas, qui sine ea ipsas
 haud

*) vid. supra p. 45.

p. 35. haud passi fuissent. Esse, qui variolas nunquam passi sint, cognouit Noster, sed non adeo multos, et inter centum et viginti vnum arbitratur. Nunquam autem prorsus securos esse posse eiusmodi homines, demonstrat exemplis, summo senio variolis laborantibus. Quamquam non ausus est Noster affirmare, inoculationem passos nunquam variolis iterum corripì, tamen experientia triginta et duos per annos edoctus, se neminem, qui variolas veras bis habuisset, vidisse asserit. Esse porro homines quosdam, quibus administrata insitio nullas proliciat variolas, constat. Cum MEADIO suadet puris selectum, omninoque laudat praeparationem insitioni praemittendam. Vidit grauissima symptomata atque foueas a variolis spuris copiosis, quam a veris benignissimis paucis.

p. 94. De varia praeparatione ad inoculationem agitur ab Cl. Auctore, eiusque commoda atque incommoda narrantur atque necessitas, cautionibus additis, eius declaratur.

p. 205. Consentit Cl. Auctor itaque cum Cl. HAENIO, esse variolas naturales secundas, naturalesque post insitiuas; insitionem frustra institutam sequi interdum mala, nec a naturalibus liberare; insitiuas variolas non semper arcere febrem secundam, quosdam ab insitione mori, eamque incommoda quoque interdum relinquere; inoculatas variolas, nisi prospiciatur, posse contagium propagare; duplexque contagium esse posse et periculosius simplici, venustati tandem insitionem non certo prospicere.

p. 247. In parte altera de vaporibus acidis in angina variolosa, de venaesectione et opio in stadio variolarum suppuratorio differitur. Omnia, quae opium spectant, eo redeunt, vt opium vim cordis augeat et circuitum humorum acceleret, vt calefaciat et humores

humores rarefaciat ac tandem congerat sanguinem celerius motum et rarefactum ad caput et pectus cet. Id quod ex HARRISIO, SYDENHAMO, BOERHAAVIO, MEADIO, HUXHAMO, probatur.

VII.

ANTON. DE HAEN ad sibi communicatas observationes Vratislavienses de cicuta responsio. Francof. et Lipsiae 1765. 8. pl. 4. *)

Huius epistolae scribendae data est Cl. Auctori, qui cicutae adeo laudatam vtilitatem minus largitur, hacque in re alios medicos et chirurgos, ac potissimum Vratislavienses consentientes habet, occasio a Cl. TRALLES, qui aliquo loco illius libri, quem paullo ante recensuimus, observationes Vienneenses de cicutae vtilitate atque praestantia etiam Vratislaviae comprobatas esse affirmavit. Fecit enim Cl. HAEN suasore et auctore III. SWIETEN multa cum cicuta **) pericula, quae nunquam id praestitit, quod alii eam effecisse asseruerunt.

In demonstranda itaque minus vtili, quam plerumque traditur, cicuta, primum ad ea, quae Cl. STOEKIUUS ***) in suis libris de cicuta habet, Cl. Auctor respondet eaque refutat, dein ad insignes tumorum illorum differentias, quas iam in *ratione medendi* ****) persecutus est, prouocat, erroresque in diagnosi

*) Quae data est 9 die februarii 1765. Prodiit autem eadem epistola hoc titulo: ANTON. DE HAEN. epistola de cicuta s. l. 1765, quae die 3. febr. scripta est. Caeterum non differunt.

**) vid. ration. medendi Tom. II. p. 45 et 46.

***) v. Comm. nostr. Vol. VIII. p. 649. Vol. XI, p. 230 sq. Vol. XVII. p. 300.

****) v. Tom. VII. a § 129. vsque ad § 137.

diagnosi morbi commissos ostendit, nec raro, ac potissimum quidem in obstructionibus viscerum, cicutaе usu curatis, ad medicamenta reliqua v. c. saponem, gummi ammoniacum aliaque, cicutaе admista, non respexisse obseruatores, conqueritur.

p. 30. Tum ad ichoris, vario colore praediti, mutationem in pus, effectum cicutaе adeo certum, venit illumque experimentis suis negat, atque repetit belladonnae, atropae LINNAEI, aliarumque narcoticarum plantarum aequae infelicia ac cicutaе experimenta *) et, postquam infaustas cicutaе curationes, ab aliis obseruatas, commemorauit, in symptomata, ab usu cicutaе profecta, inquit.

p. 49. His consideratis pergit, Cl. Auctor cicutaе vires in vlceribus, fistulisque malignis, faucium, linguae, labiorum, genae, iuguli, colli crurum, brachiorum omniumque omnino corporis humani partium pendere, ita tamen, vt praemittat, quae habet Cl. Auctor **) de applicanda aqua tepida siue pura siue adstantium causa cum malua, parietaria, lauendula similibusque plantis cocta, in eiusmodi morbis cutaneis inueteratis eiusque insignem aquae calidae usum exemplis probat, quorum vnus solummodo mentionem facere lubet. Horrenda nimirum elephantiasis, cuius crustas deciduas vas, libras octo aquae in se suscipiens, non capere potuit, frustra diuque adhibita cicuta, aqua tepida ab eo esse sanata dicitur. Tandem Cl. Auctor cicutam nocere posse generi humano exemplis demonstrat.

*) vid. ANT. DE HAEN rat. medend. Tom. II. p. 45 seq.

**) v. Eiusdem libri Tom. IX. cap. 6. § 2.

VIII.

Alethophilorum quorundam Viennensium elucidatio necessaria epistolae de cicuta, quam Celeb. HAENIUS scripsit ad Cel. TRALLES Vindobon. typis Io. Thom. de Trattner, 1766. 8. pagg. 111.

Est profecto hic liber contra Cl. HAEN scriptus, in quo ea, quae in epistola de cicuta *) ab eo sunt tradita, per partes refutantur. Ab initio enim Cl. HAEN et STOERK erant amici et coniunctim in nosocomio observabant; qui vero, anno medico primo, ubi purpura et petechiae criticae describebantur, a Cl. STOERKIO edito, dissentire incipiebant. Cum Cl. HAEN purpuram et petechias, etiamsi ipse non diu ante tempus haec exanthemata pro criticis habuerat, contra Cl. STOERK et Ill. VAN SWIETEN non criticas esse asseruit. Quem dissensum multo magis auxerunt cicutae experimenta, a Cl. STOERKIO facta, quae cum iis, a Cl. HAEN institutis, prorsus non conveniunt. Cl. HAEN experimentis nulla fides adhibetur. Id quod multis exemplis probatur.

IX.

GEORGII TARTREAUX episcopal. Vormatiens. Physic. epistola apologetica Viri Celebris BALTHAS. LUDOV. TRALLES medici Vratislaviensis aduersus ANTON. DE HAEN Archiatr. Caesar. in causa de cicuta usu s. l. 1767. 8. pl. 6 .

Cl. TARTREAUX de cicuta viribus interdum profecto salubribus persuasus et amore eorum virorum, qui cicutam laudarunt et contra quos Cl.

D 2

HAEN

*) vid. supra p. 49.

HAEN dixit, ductus, hic in defendenda Cl. TRALLESII de cicuta sententia contra Cl. DE HAEN, eam prorsus reiicientem, versatur. Ac primum quidem praemittit de cicuta scriptores, qui intra quatuor quinqueue annos centum quinquaginta et septem collegerunt observationes. Quarum pleraeque ad scirrhos et carcinomata in externis pariter, ac internis corporis humani partibus spectant; nonnullae autem vlcera, fistulas, cariem, scabiem, impetiginem, lepram, luem veneream, gonorrhoeas, album fluxum, menstrua suppressa, affectiones scorbuticas et scrophulosas, ischiadicos dolores aliaque mala attinent. Quae omnia, paucis quibusdam exceptis, ope extracti cicutae sanata vel saltem lenita sunt. Tum, commemoratis quadraginta observationibus ex diario medico Parisiensi, quas assidue Cl. Auctor recensuit, ac nominatis tandem aliis medicis, qui laudarunt cicutam, ad ea, quae habet Cl. DE HAEN in epistola, ad Cl. TRALLES contra cicutam *) Noster respondet, nec semper cicutam iuuasse; nunquam autem nocuisse cum Cl. STOERK affirmat.

P. 50. Tandem octo observationes Cl. Auctor tradit, ex quibus quidem non semper eius expectationi cicutam penitus satisfecisse, interim tamen non plane eam fuisse inefficacem, quid, quod non nocuisse, satis luculenter apparet.

P. 51. Prima observatio agit de cancro exulcerato in mamma sinistra, qui, adhibito per octo circiter menses cicutae extracto et interpositis laxantibus, usque ad paruum vlcus sanabatur. Recusato autem ab aegra remedio, per nouem aut decem menses non vidit Noster eam. His vero praeterlapsis, dolore atque foetore iterum apparente, denuo ad Nostrum se

*) vid. supra p. 49.

se conuertit eiusque medelae se tradidit. Rediit itaque ex Cl. TARTREAUX consilio ad cicutae vsum, sed non amplius, ac ante in hac aegra, etiamsi in triplicata imo quadruplicata fumeret dosi et per tres propemodum annos, ea praestitit effectus. Nihilominus tamen cancer habebat speciem simplicis vulnēis, h. e. erat roseus, emanabat pus bonum, dolores leues, nec continuos excitans, nec adeo ingratum spargens odorem. Quid quod Cl. Auctor cum aegrae fastidio aliisque symptomatibus impediretur, quo minus vltius dari posset cicuta, intra decem duodecimue dies foetidissimam saniem, intensos admodum dolores, molestissimas anxietates ac continua infomnia animaduvertebat; quae omnia, cicuta denovo per septem dies exhibita, iterum euanescebant. Id quod Noster decies obseruauit, nec corticem Peruvianum nec aliud antisepticum eosdem effectus exferere potuisse expertus est. Morbi autem diuturnitate et variarum febrium insultibus ita consumebatur aegra, vt tandem hydropica obiret.

Sumsit haec aegra per totum morbi decursum vltra quinquaginta libras pilularum de cicuta. Bis et haud raro ter de die vna vice triginta vsque quadraginta duorum granorum ad pondus deglutiuit, nec ullum inde sensit incommodum. Quod si vero hanc dosin augebat Noster, vertigine et quodam membrorum torpore afficiebatur. Opio rarissime vsus est Noster in hac aegra, quia soporofam eam reddebat et Cl. Auctor apoplexiam timebat.

His igitur bene accurateque obseruatis, Cl. Auctor adducitur vt credat, cicutam esse innocuum saltem, si non vtile semper, medicamen: acrem carcinomaticum ichorem corrigere, ac prae ceteris remediis corrigere et tandem cicutam non agere ad modum narcoticorum.

- p. 56. Obseruatio secunda continet cancrum exulceratum insignis magnitudinis et foetidissimi ichoris in colli sinistro latere, qui praeter multas alias molestias et deglutitionem magnopere impediēbat. Cicutā sola per octo menses data haec aegra penitus curata est.
- p. 59. In tertia obseruatione vomicā pulmonis ingentem et foetidissimo ichore impletā cicutae vſu feliciter ruptā et sanatā fuisse perhibetur. Exspuebatur enim paulo post, cicuta per septimanā sumpta, loco puris graueolentis et teterrimi cum membranulis subnigris pus bonum et inodorum. Quem cicutae effectum Cl. DE HAEN prorsus negat.
- p. 62. In quarta, quinta et sexta obseruatione morbos cutaneos pessimae indolis, vlcera profunda, saniosa, nec non tumorem scirrhum, cui gallinacei magnitudinem habentem, in hypochondrio sinistro, qui ventriculo repleto maior erat, aliasque colli glandulas induratas atque fluorem album inueteratum in et externo cicutae vſu feliciter esse sanata traditur.
- p. 67. Septima obseruatio complectitur polypi historiam, quem Cl. Auctor circa cor propter suffocationis sensum et pulsum intermittentem, adesse suspicabatur. Aegra febre, qua corripiebatur, hemitritaea curata, tussi sicca, molesta, anhelosaque respiratione valde agitabatur semperque habebat adhuc pulsum intermittentem. Multis aliis frustra propinatis medicamentis, praescribēbatur mixtura ex corticis Peruuiani et cicutae extracto cum aqua florum sambuci et syrupo diacodii ita, vt quotidie, reliquis non mutatis, decem grana cicutae dosi adderetur. Quo remedio melius se quidem habuit aegra, pulsu tamen semper intermittente. Quinque
vero

vero per menses eo remedio continuato, et pulsus inueniebatur naturalis ac sana omnino per duos annos viuebat. Postea vero ex retentione catameniorum hydropica facta diem obiit supremum. Aliam cum hac coniungebat Noster aegrae, easdem molestias sentientis, historiam, quae cicutae vsu sunt fugatae, paulo post autem redierunt et iterato cicutae vsu iterum cessarunt.

Octaua tandem obseruatione describitur iuuenis P. 70. strumofus, qui septem tumores subliuidi coloris, duros, dolentes, pugno ampliores et in apice ad imperialis propemodum magnitudinem exulceratos, materiaque saniosa, foetente, corrosiua scatentes, sub mento, axilla etc. habebat. Vidit et hic Cl. Auctor bonum cicutae effectum, ac inprimis quidem ichoris in pus conuersionem. Annectitur hic a Cl. Auctore historia arthritidis dirae utroque aequinoctio periodicae, cicutae ope curatae. Nihilominus tamen in arthritide aconitum praefert cicutae.

X.

IOSEPH IACOB PLENCK chirurgiae atque artis obstetriciae magistri nouum systema tumorum, quo hi morbi in sua genera et species rediguntur. Pars prior, Vienn. 1767. 8. pagg. 242. *).

Diuisionibus tumorum variis praemissis, quae a veteribus pariter ac recentioribus sunt factae, ad nouum systema tumorum condendum sese Cl. Auctor accingit. Fundamentum diuidendi tumores quaerit Noster in humore vel materia morbosa, in tumoribus contenta. Quod nomina attinet, his tumoribus imposita, plurima graeca sunt et explicationem speciei tumoris in se continent; inter quae nonnulla a Cl. SAVVAGES aliisque, quaedam noua deprehendimus. Cum autem ob breuitatem, cui hic studiosi sumus, totum huius systematis elenchum tradere non liceat; genera tumorum cum Lectoribus communicabimus, iisque paucas species addemus.

p. 5. Sunt vero sedecim genera: 1) tumores inflammatorii, 2) purulenti, 3) gangraenosi, 4) indurati, 5) aquei, 6) sanguinei, 7) cystici, 8) excrescentiales, 9) ossei, 10) terrei, 11) tumores aerei, 12) faciales, 13) biliosi, 14) lactei, 15) herniosi spurii, 16) organici.

p. 30. Iam nonnullas species videamus. Inter species tumorum inflammatoriorum itaque lubet *erythema* commemorare. Quod est rubor cutaneus cum leui cutis intumescencia, quae *erysipelas* spurium potest vocari, cuius et TISSOTVS nec non SAVVAGES mentionem

*) Prodiit quoque hic liber germanice hoc titulo: IOS. IAC. PLENCKS neues Lehrgebäude von Geschwülsten. Aus dem Lateinischen übersetzt. Dresden und Leipzig, 1760. 8.

mentionem fecerunt. Oritur sine febre ac alio symptomate plerumque ab externa causa, ut apud infantes ab vrina, seu a vespiis aliorumque insectorum morfibus. Huc Noster et effectum rubefacientium refert.

Inter tumores induratos *struma* exempli loco no-p. 104. minamus. Est tumor in antica et media parte colli, qui in glandula thyroidea sedet, et pro contentae materiae diuersitate varias sistit species, ut sarcoticam scrophulofam, steatomatosam, aquosam, aeream, calcaream.

Speciem tumorum aqueorum sistit *tumor lymphaticus*. Est ille tumor singularis a lymphae collectione ortus, nec oedematosus, nec cysticus, ubi in tela cellulosa, vase lymphatico rupto, lympham colligitur. Valde periculosum, nullibi accurate descriptum ideoque notatu dignum eum Noster iudicat. Tria stadia ab ortu progressu ac fine huius tumoris in descriptionis historia notantur. Ab initio tumor est planus, rotundus, albus, indolens, elasticus, impressionem digiti non relinquens, ultra annum permanens, et emissum in hoc stadio liquidum est lymphatico albuminosum. Circa femur, suram, nates, lumbos, dorsum, pectus, brachium oritur. Hoc primo stadio elapso, sponte seu, remediis minus caute adhibitis, citius, tumoris peripheria augetur, dolet, flauescit et rubet. Atque hoc est secundum stadium, quo contentum fluidum in putredinem abire incipit. Tandem subinde eroditur tumor et lympham purulenta effluxente, collabitur, remanet abscessus pallidus aquosus, ex quo liquidum tenue, purulentum emanat et aegrum raro ultra annum durans vero marasmo ita emaciat, ut pereundum illi sit. Hoc stadium tertium vocari posse Noster arbitratur. Quibus praemissis, quaerit Cl. Auctor, utrum causa proxima sit erosio, an ruptura magni vasis lymphatici?

an in primo stadio lymphæ effusa sana, in secundo corrupta sit? an demum in tertio simul cum corrupta lymphæ et sana emanet? Observauit non raro hunc tumorem in infantibus, scorbuticis post varicellæ, et a contusione iamdudum prægressa. Sanationem eius difficillimam retur Cl. Auctor. Potest enim in primo stadio nulla arte resolui, emollientibus adhibitis breui increfcit et dolere incipit. Aperto tumore, suppurantia augent effluxum, adstringentia ad tempus conducunt quidem, augent tamen tumorem in peripheria. Quapropter in secundo ac tertio stadio nulla curationis spes superest; in primo autem hanc suadet: fiat nimirum parua incisura, ut liquidum contentum exire queat, arceatur aeris vis et quotidie meracum infusum antisepticum cicutaë iniiciatur. Cl. Auctor acetum lithargyrii cum oleo terebinthinæ et mastiche cum insigni fructu iniicit. Ceterum pulueres sarcoticos, balsama adstringentia, varias aquas vulnerarias, fungum agaricum, caustica ad vlcæris superficiem applicata ex sua æque ac aliorum experientia frustra adhibere vidit. Est tandem hic tumor fere semper letalis. Ex triginta ægris, quos Noster vidit, vnus, qui infans erat trium propemodum annorum et tumorem lymphaticum in nato dextra gerebat, sanitati est restitutus.

p. 143. Ad tumores sanguineos pertinet aneurysma et varix. Hic notamus solummodo ex arteriæ subiacentis vulnere oriri interdum peculiarem pulsantem varicem, quæ *aneurysmatica* vocari potest.

p. 160. Inter tumores cysticos numerat Cl. Auctor *lipoma*. Est tumor adiposus, in quo nec cystis, nec sebum, sed sola pinguedo sana aucta et sub cute excreta colligitur. Quapropter differt a steatmate, in quo seui quid simile peculiari tunica continetur. Est porro et lipoma sarcoticum, quæ species ad sarcoma a Nostro refertur.

Inter

Inter tumores excrescentiales *cercosin* reperimus. P. 174.
Cercosis vocatur polypus ex vtero vel vagina pro-
natus.

Tumores osseos diuidit Noster in exostoses, to- p. 176.
phos, gummata, hyperostoses etc.

Genus terreorum tumorum continet tophum p. 191.
podagricum et ranulam lapideam, scilicet calculum
sublingualem.

Pneumatosis species est tumorum aereorum, et p. 204.
vocatur emphysematosus totius corporis superficiei
tumor.

Ranula apud Nostrum genus tumorum saliu- p. 206.
lium constituit et oritur a saliu in praeternaturali-
ter dilatato ductu saliuiali contenta.

Species tumorum lacteorum sunt sparganosis et p. 220.
abscessus lactei. *Sparganosis* est dolorosa mamma-
rum intumescencia, quae a nimia in earum fabri-
cam depositione lactis oritur.

Omnes tumores, qui in scroto vel vmbilico orti p. 216.
non partem organicam, sed humorem vel aliam de-
generationem morbosam continent, herniae a No-
stro vocantur spuriae. Notamus ex his *emphyocelen*
f. puris collectionem intra scrotum vel testiculi fa-
bricam, *liparocelen* f. adiposam telae cellulosaе intu-
mescentiam, quae scrotum vel testem ambit et a
MORGAGNIO steatocele nuncupatur, *lipomphalum*
f. pinguedinosam vmbilici herniam.

Tandem a Nostro tumores organici consideran- p. 238.
tur. Hanc classem constituunt parorchidium, gib-
ber, hernia. Vera gibbositas vt plurimum infanti-
bus, rarissime adultis, videtur Nostro communis, atque
vocatur spinae dorsi vel thoracis ossium indecora
prominentia, ac diuiditur in spinalem, scapularem,
sternalem et costalem. Inter causas gibbositatis re-
fert Noster musculorum abdominalium rigiditatem.
Quod autem ad hernias veras attinet, earum histo-
riam

riam ob amplitudinem in posteriori huius libelli parte, quam auide exspectamus, Cl. Auctor tradere secum constituit.

XI.

IOANNIS TAYLOR, Equ. Med. Doct. Imp. Reg. et Princ. plur. Ophthalmiatri, plurimarumque Academicarum socii, noua nosographia ophthalmica; hoc est accurata recensio ducentorum et quadraginta trium affectuum, qui oculum humanum partesque vicinas vlllo modo laedere aut ipsum visum adimere possunt; iconibus artificiosissime sculptis et coloribus ad viuum expressis incredibili accurate illustrata. Hamburgi et Lipsiae, impensis haeredum Grund et Holle. 1766. fol. plagg. 18. cum tab. aeri incisis et pictis 22.

Non vana sunt encomia, quae bibliopola in praemonito huic operi tribuit, esse illud diu desideratum, a nemine antea tentatum, iam vero magnis impensis perfectum. Neque icones istae, quas operae artificiosissimi MARTINI DE DRAZOWA debemus, merita laude defraudandae sunt. Cum vero id iam nobis negotii datum videamus, vt Lectoribus nostris plenior libri notitiam tradamus, per partes eundum esse duximus, et cum in descriptionum ipsarum, quae non mutatae, quales TAYLORVS confecit, typis exscriptae sunt, ratione, partim in iconum ad illas relatione, recensendum, quid curatior consideratione dignum nobis visum fuerit.

Morbi hi in viginti octo capitibus comprehenduntur, quorum seriem commemorare liceat, quo totius instituti ratio ex iis diiudicari possit. Pertrahat igitur caput 1. morbos canalium lacrymalium;
2. com-

2. communes palpebris; 3. morbos inter aponeurosin musculorum palpebrae superioris et tegumenta eiusdem; 4. eos inter aponeurosin et tunicam coniunctivam palpebrae inferioris; 5. fimbriarum externarum palpebrae superioris; 6. glandularum ciliarium et fimbriarum palpebrae internarum; 7. carunculae lacrymalis et partium adiacentium; 8. glandulae lacrymalis; 9. eos inter globum et orbitam; 10. musculorum globi, 11. ophthalmiae species diversas; 12. membranae corneae morbos; 13. compositos corneae, membranae oculi coniunctivae et albugineae; 14. morbos, intumescuntiam tunicae oculi coniunctivae praeternaturalem causantes; 15. morbos capsulae humoris aquei; 16. iridis et uveae 17. partium iridis, pupillam formantium; 18. corneae et iridi communes; 19. parti anteriori capsulae humoris crystallini et circumferentiae pupillae communes; 20. corneae iridi et uveae communes; 21. eos, in quibus humoris crystallini volumen minuitur; 22. eos, in quibus autem augetur; 23. morbos organi visus immediati, nimirum tunicae retinae, choroideae, uveae et nervi optici, in quorum extremo gradu oculis omni luminis sensu priuatur, et pupilla immobilis est; 24. morbos eiusdem organi, visum hebetantes; 25. morbos organi visus, in quibus visus abolitus, sensus autem lucis superstes est; 26. toti globo communes; 27. humoris aquei, et 28. vitrei. Explicationi latinae iuncta est versio teutonica, eaque satis accommodata, nisi quod minus apposite aponeurosis per teutonicam vocem *Spannader* et deterius adhuc caruncula lacrymalis per *Thränendrüse* vertantur. Licet enim utique caruncula haec aegre in nostra vernacula exprimi possit, et inde denominatio haec toleranda esset, maxime cum structura ipsa eam non prohibeat: necessario tamen inde nasci ambiguitatem oportet, nisi simul

sedem

sedem ipsius addideris; quo rite a glandula lacry-
mali distinguatur.

De descriptionibus ipsis Auctoris, et de metho-
do eius in ordinandis generibus ac speciebus morbo-
rum, nec non de nominibus, iis impositis, infra quae-
dam dicturi erimus. Iam in solis iconibus pri-
mum subsistemus, vbi diffiteri omnino nequimus,
varias ex iis plane non exprimere, quod debebant;
quorum pertinent enothes 49. apostasis secunda spe-
cies 67. hippos 72. scotodinia 166. thlepsis (rectius
thlipfis) 171. 172. et in vniuersum in toto capite 23.
mobilitas vel immobilitas pupillae in iconibus distin-
gui fere non potest, sicut etiam sequentis capitis ico-
nes non nisi pupillam vel contractam vel dilatatam
vario gradu sistere, neque haerentem in absconditis
partibus morbi sedem indicare possunt. Idem iudi-
cium de morbis 225-231. ferendum est, qui cum a
laesis ramis neruorum musculis, et ligamento ciliari
pendeant, nec caussarum, nec symptomatum diuer-
sitatem, sola inflammatione excepta, exprimi sinunt.
Rhyadis prima species 54. in icone non differt ab
oculo sano, nisi quod lacrymari videatur. Achro-
chordon 43. in descriptione morbum sistit palpebrae
inferioris, in icone superioris figura 27. et 28. pror-
sus inter se commutatae sunt, ita vt descriptio 27.
iconem, 28. et vice versa respiciat. Phygeton (po-
tius *phygethlon*) 78. et phlatarodes (*platarotes*) 79. in
icone nullam aliam distinctionem a se inuicem prae-
bent, quam ciliorum in posteriori defectum. Duae
icones 153, quae katastatiam, altera antrorsum, al-
tera a latere, sistunt, colore lentis variant, vt adeo
eundem iis morbum significari vix crederes. In sy-
naerisis (*synaeresis*) tertia specie 223. sanguinis par-
ticulae in camera humoris aquei extravasatae non ex-
primuntur, in quibus tamen descriptio differentiam
specificam ponit. Insignius erratum videmus in pla-
ticorasi

ticorasi (*platycoria*) speciei primae 169, vbi descriptio diametrum pupillae duplo maiorem naturali, icon autem eundem contractiorem sistit. Homiclos (*homichlos*) 107. in icone descriptioni non satisfacit distichiasis autem 47. et argemon 104. fere prorsus non respondent. Edniae prima species 173. et empyrodis secunda 181; raticoriasis secunda species 176 et pararosis 182; empyrodis prima species 180, et helcosis prima 183; exophthalmiae secunda species 217. traumatis prima 218. et synaeresis prima 221, licet re ipsa omnino differant, in iconibus tamen fere congruunt. Eadem ratio est ochromati 235, et hydrophthalmiae 238. Adsunt autem plura exempla, iconum, quae ita inter se conuenire videntur, vt vel difficillime vel prorsus non distingui possint, v. c. tumor palpebrarum phlegmonosus 17. et erysipelatosus 19; totum caput quartum, quod tumores tunicatos palpebrae inferioris ad canthum maiorem sistit, nempe steatoma 28. (in icone 27.) atheroma 29. et meliceridem 30. quos omnino tactus magis, quam visus distinguere debet; taraxis primae speciei 73. et seuila secundae 77. cum quibus et ophthalmia venerea 85. fere conuenit; phlyctenarum prima species 97. et psydration 99; onyx 103. et hypopion (*hypopyon*) 128; argemon 104. et tothrion 105; coniunctivae tumor oedematosus 125. et erysipelatosus 126; prochyfis 132 et hygrotedos 133: synapsise (*synapsis*) duas species 141. 142. complectens; argyrias 144. et royme 145; staphyloma 146. et melon 149; helcosis tertia species 185. et rheis 196; muscae volitantes primae speciei 186. antonia speciei secundae 189. et pichotes 204; hemeralopia 191. et arates primae speciei 194; antoniadula 197. et scotoma secundae speciei 199. Orphnodis duae species 202. 203. et nisi inflammationis bulbi rationem habere velis, kataplofis secunda

cunda species 225. achoroidis prima et tertia 227. 229. et aperibrosis prima 230. multum cum inter se, tum cum synefesis (*synizefis*) prima specie 134. conueniunt. Scleriasis secunda species 25. et chalazion 32. tantum numero tumorum inter se discrepant. Pforophthalmia 38. et sclerophthalmia 39. vix nisi quantitate puris in palpebrae inferioris margine, et epinyctis 62. et periurosis (*peribrosis*) 63. tantum effluente in posteriori humore differunt. Taraxis species prima 73. fig. A. non differt a 74. quae eiusdem speciem secundam sistit, quamvis descriptio addat, in posteriori nonnunquam adesse infarctum vasorum sanguiferorum corneae. Achlys primae speciei 86. et pachydes (rectius forte *pachy-tes*) 88. eo tantum differunt, quod in priori superior, in posteriori inferior corneae pars opaca sit.

Haec de iconibus. Nunc descriptiones ipsas secundum ordinem perlustremus, et potiora ex iis momenta excerpamus. Anchylopis (*anchilopis*) 5. 6. et aegylopis (*aegilopis*) 7. 8. 9. explicatio ab Auctore nostro proposita penitus recedit ab aliorum descriptionibus; et si dicendum quod res, optaremus vniuersim, vt ambiguae istae denominationes prorsus reiicerentur, cum auctorum super iis dissensus vix ac ne vix quidem componi queat. Inter morbos palpebrarum, quos secundum caput explicat, desideramus entropium, quamvis contrarium huic vitium ectropium 16. adsit. Quodammodo forsan ad distichiasin auctoris nostri 47. referri poterit. Scirrhopthalmiae duae posteriores species 35. et 36. inter se coniungendae sunt. Lippitudinem 37, quam auctores pro synonymo ophthalmiae humidae assument, limitibus arctioribus circumscribit Noster, dum sub ea intelligit materiam viscidam, ex glandulis ciliaribus palpebrarum exsudantem. Pforophthalmiam 38. auctores dicunt scabritiem oculi maxime
in

in angulis et palpebris, cum humore parco et acri; Noster vero leuem inflammationem canthi minoris cum materia tenaci, in glandulis ciliaribus secreta. In sclerophthalmiae 39. descriptione adducta ab aliis signa, durities oculorum nimirum cum dolore ac rubore, et lacrymarum defectus, omissa sunt. Xerophthalmia 40. aliis dicitur rubor oculorum cum dolore leni, prurigine et grauitatis sensu, palpebris noctu pituita conglutinis: hic autem maior doloris gradus et sedes materiae tantum in cantho minore assumuntur. Distichiasis 47. descriptio itidem ab aliis auctoribus recedit, qui eam dicunt seriem pilorum, sub ordine naturali eorum, crescentem et intus ad oculum tendentem; Noster autem inuersionem marginis palpebrae inferioris cum ciliorum tam maiorem, quam minorem versus angulum intro directione appellat. Anchyloblepharo (*ancyloblepharo*) 48. iusto arctiores limites ponuntur, dum illud cohaesio marginum palpebrarum prope canthum tantum minorem dicitur. Vel huc vel ad sequentem morbum enothes 49. referri videtur, cuius nulla fit mentio, prosphysis seu coalitio palpebrae cum cornea. Hyperfarcosos (*hyperfarcosis*) duas species 56. 57. sistit, quae cum hypercromatis speciebus 58. et 59. conueniunt. Hyperauxesis 60. 61. maiori iure ad caput octauum inter morbos glandulae, quam carunculae lacrymalis referenda fuisset. Caput decimum quatuor strabismi species exhibet, sed facile perspicui potest, plures esse posse; in propositis tamen ceu specimenibus acquiescere omnino possumus. Chemosis 75. et seuila 76. 77. parum inter se differunt. Peculiaris etiam sensus plataroti 79. tribuitur, inter ophthalmiae species relato, quem reliqui auctores tumorem fungosum, inter tegumenta palpebrarum ortum, vocant. Ophthalmia etiam venerea singularem speciem 85. constituit; quidni etiam scabiosa, scorbutica e. s. p.? Achlys

86. et nephelion 108. non incongrue distinguuntur, quod prior morbus a taraxi, alter a phlyctænis originem ducit. Sic etiam commode distinguimus, paralampsin 89. et leucoma 118. Exigua e contrario differentia est inter duas species ochlo-dis 90. 91. An huc forsan hydrops corneae pertinet, cuius nullam ullibi mentionem factam videmus? Pari modo videntur ad rhyditosin 92. referendae fistulae corneae, a MA VCHARTO descriptae, de quibus itidem silet Noster. Notamus in genere vocem rhyditosis prorsus alio sensu vsurpari, dum significat cauitates paruas in corneae quibuscunque partibus, illaesa eius pelluciditate; aliis e contrario conuenit cum tabe pupillae, quae 165. proponitur. Ad phlyctænas 98. procul dubio hydatides corneae pertinent, quamquam MAUCHARTVS vtrumque morbum a se inuicem distinguit. Physis (*pyosis*) secunda species 101. et oesima (*oisma*) 102. inter se ferme conueniunt. Nephelion 108. et oules species 109. 110. non, nisi gradu, inter se discrepant. Aiglia 112. videtur esse *aegis* vel *aegia*, quamquam descriptio ratione originis nonnihil diuersa est. Otyles duae prioris species 113. 114. itidem gradu tantum a se inuicem differunt. Hypopyon 128. oriri dicitur a pure, per onychem collecto et in cameram anteriorem emisso; frequentius tamen existit a sanguine ex interioribus oculi vasis effuso et huc delato. Totum caput decimum octauum contrahi potuisset et ad pauciores morborum species reduci, inprimis achysis prima species 139. et aponeuchyma 143. vnus idemque morbus esse videntur. Aichicinos secundae speciei 157. et biapiasis 159. neque descriptione, neque icone multum differunt. In toto hoc capite vigesimo primo inter cataractae species nulla mentio fit aqueae, cuius tamen existentia negari nequit. Caput vigesimum secundum tres species glaucomatis complectitur, cuius

cuius notio in lente crystallina, praeter naturam aucta, ponitur. Antracosis (*anthracosis*) 163. et mydryasis 164. melius icone, quam descriptione distinguuntur. Neque tamen phaenomenon muscarum vel macularum, oculo obuersari visarum, in quo tamen descriptio maximam differentiam ponit, exprimi in imagine potest. Platycoria 169. 170. aliis in genere notat dilatationem papillae, Nostro autem Auctori singularis est species amaurosis. Paramptosis (*paremptosis*) 178. 179. empyrodes 180. 181. helcosis 183. 184. immerito in duas singulae species diuiduntur, si descriptionem consideres; icones tamen omnino inter se diuersas conspiciamus. Eadem ratio est arratis 194. 195. Amplyopia (*amblyopia*) 192. a multis pro synonymo amaurosis vsurpatur, et vere apud Nostrum quoque Auctorem non, nisi minori gradu obscurationis, differt; neque tamen a sola inflammatione diuturniore, sed ab omnibus, a quibus amaurosis, caussis proficisci potest. Antoniadula 197. scotomatis secunda species 199. et orphnodes 202. 203. eo tantum inter se differunt, quod vel connati vel acquisiti morbi sint. Abscessus 206. ad hygrotedon 133. referri potest, quorsum forsan et empyesis vel empyema oculi pertinet, cuius nullibi mentionem fieri videmus; empyosis enim 158. plane diuersus morbus est, ad cataractam pertinens. Proptosis duae species 207. 208. gradu tantum inter se discrepant; sic et atrophia seu diminutio globi oculi 213. et 214. Sykathesis prima species 209. omnino distingui debuisset a reliquis 210-212. Ad exophthalmiae primam speciem 216. procul dubio pertinet *ἐκπίεσις* seu procidentia oculi; proptosis enim, quo nomine idem quoque morbus ab Auctoribus insignitur, alium prorsus morbum 207. 208. denotat. Duae priores kataploxis species 224. 226. icone magis, quam descriptione differunt.

Paucis tantum adhuc nomenclaturam morborum tangere liceat. In nominibus autem multos errores irrepsisse, vel ex additis hinc inde exemplis patet: quae quidem partim ita comparata sunt, ut errores typographi videri possint: an vero omnia ita diiudicanda sint, nos quidem decidere non audemus. Commemoramus adhuc nonnulla (in omnibus enim veram denominationem ne coniectura quidem assequi potuimus): pachyxtes 26. (forte *pachythrinx*), traucoma 41. (*trachoma*), ficosis 42. (vel latine *ficostitas*, vel graece *sycofis*) koiras 82. 83. (*choeras*), chaemola 103. (*coeloma*) echymosis 119. (*ecchymosis*) synechia 137. 138. (*synechia*) e. f. p. Interdum nomina morborum sensu, ab ipsa etymologia alieno, assumpta sunt, quod superius in distichiasis, psorophthalmia, sclerophthalmia et ancyloblepharo ostendimus. Nonnumquam, uti amblyopiae exemplo docuimus, nomina vitiorum generalium partialibus morbis imposita fuerunt, iisque itidem saepius a notione generali distantibus. Sic haimalopia (*haemalops*) 243. alias in genere oculum cruentatum significat; hic autem dicitur dissolutio nexus partium humoris vitrei, ab abscessu in partibus bulbi internis exorta. Synchisis (*synchysis*) 205. oculum ab ictu cruentatum denotat; apud Nostrum autem est commissio et perturbatio humoris crystallini et vitrei ab ictu, neruum opticum comprimens, cum protrusione partium quarundam lentis in pupillam coniuncta. Exempla synonymorum vnius eiusdemque morbi, quae variis affectibus tribuuntur, scotodinia 166. et scotoma 198. 199. praebent. E contrario videmus diuersis morbis vnum nomen impositum esse; nimirum phlyctenae 27. (in icone 28) omnino ab iis 97. et homichlos 107. a duabus speciebus eiusdem nominis 116. 117. differunt. Optarem etiam, ut nomina eiusdem originis non tributa essent morbis ob differentem sedem

fedem omnino diuerfis, quod tamen factum esse docent anthrax 22. et anthrakion 51. karkinoma 23. et karkinos 52. Fieri enim non potest, quin confusio inde oriatur.

Quodsi denique totum etiam institutum probaremus (neque enim possumus in genere laudem detrahare solertiae adhibitae, cum in descriptionibus, tum iconibus conficiendis), licet in eo multa superessent monendo, et pretii longe minoris, at utilitatis certe maioris liber exhiberi potuisset: optandum tamen foret, ut tantae farragini nominum additus fuisset index, quo succurreretur Lectoribus, hunc illumue morbum indagare cupientibus. Taediosus enim labor est, percurrere tot nomina, ante quam, quod quaesieris, inuenias.

XII.

Tal om Farsoter, som mässe härja ibland Rikets Allmoge; hållit för Kongl. Vetensk. Akademien, vid Praesidii nedläggandeden 25 Julii 1764. af ABRAHAM BAECK. M. D. Archiater och kongl. Colleg. medici Praeses. Stockholm tryckt hos Lars Saluius, 1765. pagg. 52. 8 mai.

i. e.

Sermo de morbis epidemicis, ruri praecipue obuiis, habitus coram academia Reg. scientiarum, quum praesidis munere se abdicaret, ab ABRAHAMO BAECK.

Paucitatis hominum, de qua in Suecia querelae moventur, quum haud exigua culpa epidemicis morbis tribuenda: dignissimum sane argumentum fuit, in quod sollertius inquireret Ill. Auctor, qui ob praesidis, quod in confessu medicorum gerit, munus, tanto accuratius haec mala pernoscere et ob ex-

ercitium per populosam urbem diffusum, tanto efficaciora, ad ea auerruncanda, consilia suppeditare potuit. Accedit studium patriae beneuolum, quod omnes Cl. viri labores animat.

Pauperies et animi deiectio inde nata, situs aedium et pagorum malignus, infectio per nautas et milites migrantes, conclauia nimis angusta et subitaneae tempestatis mutationes, causae horum morborum inter paganos et inferioris fortis in urbibus homines a Cl. Auctore reputantur. Sub has, tanquam capita, morbos singulos, de quibus agit, Cl. Auctor redigit.

P. 8.

Annonae caritatem quaedam Sueciae prouinciae adeo diram recentioribus temporibus expertae sunt, et viribus exhaustos laribus patriis valedicere incolae oporteret. Aliis locis miscela raphani raphanistri et bromi secalini aliarumque noxiarum stirpium cum frumento diros varios morbos excitauit. Ita in Helsingia a. 1709 panis recens ex secali corrupto dolores et deliria creauit. A. 1737 integrae familiae, quae pane vel cereuisia ex frumento humido et rubiginoso vsae erant, variis pectoris morbis, cephalalgia pleuritide affectae, quin quidam ex his repentina morte occubuerunt. A. 1742 rursus ex frumento, gelu et putredine perditio, subitanei et vehementes morbi, causus et dysenteria, enati. De noxio effectu lolii temulenti a. 1756. in Ostrogothia exstitit exemplum, quod, cum cereuisia et pane ingestum, dolores capitis, visus debilitatem, inebriationem, manuum tremorem et tumorem pudendorum in multis produxit. Morbum vero spasmodicum epidemicum, qui a. 1746 et 1754 et sequentibus annis in Smolandia, Blekingia et aliis locis grassabatur, vna cum LINNAEO a raphano raphanistro deriuat.

P. 9.

Quo

Quo obuiam eatur his malis, consilium dat Cl. Auctor, vt ii, penes quos imperii summa est, lucri cupidinem mercatorum coerceant, vt ruri sollicite magis frumentum purgetur, vt praestantia eius pondere definiatur, et vt ex publicis redditibus egenis auxilia ferantur. Quo fine, loco orizae, p. 12. quae inopibus quibusdam in locis erogatur, triticum spelta commendatur.

Culturam quoque variorum vegetabilium huc p. 13. usque in Suecia, a rusticis oscitantius tractatam, iniungit, vt raparum, radicum napobrassicae, cauliraparum, tubera solani tuberosi, fabarum, brassicae, ceraforum, pomorum et pyrorum; vultque, vt in p. 15. gymnasiis et scholis ars, qua haec coluntur, doceatur. Baccas vitis ideae et rubi chamaemori ob refrigerantem et antiputredinosam virtutem, colligi iubet armoraciaeque plantationem, ad scorbutum suppressum, commendat. Damnat contra ea carnis pisciumque, sale conditorum, nimium esum et spiritus frumenti abusum.

Varia et in Suecia loca Auctor Cl. indicat, quae p. 18. ob situm depressum et paludosum morbos maligniores afferunt, a quo vitio nec maiorum urbium quidam fructus, vt Stockholmiae, Aboe, Iöncopiae, liberi sunt. Febres, quae aestate in Suecia incidunt, ex remittentium genere sunt, licet initio continuas aemulentur, quae mox in remittentes et intermittentes transeunt. Autumno in quartanas degenerant, postquam interdum purpurae eruptione vel petechiis malignam suam naturam significarint. Dysenteria quoque vulgaris inter ruricolos p. 25. morbus est ortus, si praegressum calorem nimium tempestas humida et frigida excepit, et vsus vestium madidarum vel commoratio in locis humidis facta est, quibus ipsis putredo intra corpus generatur. Ingruit eodem, quo febres dictae, tempore, iisque

iunctae esse solet. In multis inde hydrops, phthisis, morbus hypochondriacus, icterus et alii morbi, ex obstructione oriundi, subsequuti sunt.

P. 27. Non possumus omnia consilia, vtut salutaria, Cl. Auctoris, aduersus has febres putridas suppeditata, persequi. Lac nominatim ebutyratum et lac aestate coagulatum inter alia magni facit, cuius vis in Norrlandia apparet, vbi ex frequentiori eius vsu febres hae rarius occurrunt. Acetum cuilibet ruralium praesto esse deberet, cibis et potui admiscendum, sicuti miles Romanus miscela eiusdem cum aqua ad ferendos labores militares sub climate calido et insalubri par reddebatur. Quomodo situs insalubris locorum corrigendus regulis, lectu dignis, ostenditur.

P. 29. Per reduces ex Finnia milites a. 1743 febrem sic dictam Vpsaliensem, quae tamen non nouus morbus est, in urbem huius nominis translata, fuisse obseruatum; quin febres malignae petechiales aliaeque exanthematibus stipatae post bellum, in Finnia

P. 31. gestum, frequentius in Suecia exsistere. Idem damnum transitus militum vario tempore secum tulit; et nota sunt exempla miasmatis putridarum febrium, ipsis demortuorum vestibus propagati. Vt his obex ponatur, suadet Cl. Auctor, vt probe, antequam milites admittantur, dispiciatur, an morbo quodam laborent, vt suffimigiis eorum vestimenta et merces purgentur, et, si qui horum aegrotent, antea perfanentur. In carceribus, nosocomiis, et aedi-

P. 33. bus commorationi militum (*Baracken*) dicatis, purificationi aeris iubet studiose inuigilari, quo fine ventilatorem HALESI praecipue commodum iudicat.

P. 35. Morbos, climati Suecico proprie adscribendos, vix vllos agnoscit Cl. Auctor. Plures frigore temperatioribus regionibus, quam in Suecia, pereunt.

Gens

Gens enim frigore obduruit, et operarii frigida tempestate alacriores, quam calida, sunt. Tussis tamen, pleuritis et peripneumonia interdum epidemice ingruunt, et ex subitanea tempestatis mutatione, praecipue miti tempestade in frigus vehemens commutata, enascuntur: Ad horum morborum generationem putat multum conferre spiritus vini abusum. Refrigeratione facta decoctum salviae vel florum sambuci efficax. Pelle, pectori superstrato, ruricolae Sudermanniae iam contra colicam et ventris incommoda, quibus antea multum conflictati erant, sese muniunt. Ad pedes, contra frigus tuendos, calceos Scanorum ligneos Noster laudat. Venam secandi artem vult, ut in quolibet pago adsit, qui calleat. Ad catarrhales febres, tusses, pleuritidem, rheumatismos auertendos, balneorum calidorum usum vulgatiorem fieri optat.

Quod hi vero morbi toties lethales in Suecia enadant, huius causas in neglecta curatione, diaetae regiminisque vitiis, variolarum insitione posthabita, defectu denique nosocomiorum et medicorum in provinciis, quaerit. Seorsim, quid hucusque in cura infantum et puerperarum vitii commissum sit, innuit. Insitionem variolarum, quum eae in Suecia tantas clades relinquant, grauiter defendit, maximeque salutare iudicat, eandem quouis 5. vel 6. anno per totum regnum exercere; non ad variolas arcendas, excubias eiusmodi, quae, peste grassante, fiunt, vere in usum communem verti posse, negat.

XIII.

De scorbuto liber, cum obseruationibus quibusdam, breuique et succincta cuiusque curationis indicatione, Auctore SEVERINO EVGALENO *Doccumano*. Editio vltima, recognita et emendata, cui nunc primum adduntur obseruationes I. FRID. BACHSTROM et IO. HUXHAM, circa eandem materiam. Venetiis apud Nic. Pezzana, 1766. 8 mai. Alph. 1. pll. 2. et 7. paginae, c. dedic.

Editionem hanc nouam Cl. EVGALENI si cum ea, quae anno 1604. Lipsiae, cura Cl. IOH. STVBENDORF, prodiit, comparaueris, parum mutatam inuenies, nisi, quod materiae, de quibus in hoc libro differitur, in meliorem ordinem et ad pathologiae et therapeutiae praecepta magis adaptatum, redactae, contenta ad marginem addita, et indices tres, quorum primus catalogum regularum diagnosticarum generalium et specialium, prognosticarum et canonum therapeuti-
corum generalium et specialium; alter catalogum affectuum, quorum in obseruationibus mentio fit; et tertius res, quae in ipso libro continentur, ordine alphabetico et locupletiore complectuntur, in editione hac, pleniori modo, adiecta videantur; Nec non vindicias, quibus Nostrum contra *calliditatem* et *uasritiem* Cel. LIND defensum habes, praemissas inuenies: Qua de causa, cum nihil noui in hac editione, quod animaduersione dignum iudicetur, reperiat, nec Lectoribus nostris EVGALENI librum incognitum speremus, eidem non amplius immorari putauimus. Sed, cum in inscriptione huius libri obseruationum Cell. BACHSTROM et HUXHAM circa eandem materiam, eidem editioni adiectarum, mentio facta sit,

a re non alienum esse statuimus, si quaedam ex his exciperemus.

Cl. BACHSTROM variis, de scorbuti historia, indole locoque eius quasi natali et proprio, disputatis, concludit: Causam veram et primariam scorbutip. 348. nullam aliam esse, quam abstinentiam diuturniorem a quocunque genere recentium vegetabilium, vel climatis indoli, coactioni et necessitati vel neglectui tribuendam. Causas, quas dicit, secundarias non parum iuuare, frigus nimirum, paludum aerem infectum, humiditatem et squalorem, alimentorum prauitatem, motum impeditum, sanguinis antecedentem corruptionem, alios denique morbos cum propria corporum, ad hunc morbum, procliuitate cet. Obnoxias eidem in primis esse populos septentrionales, piscatores balaenarum ex quibusuis gentibus; eos, qui mercaturae causa itinera alia maritima diuturniora suscipere coguntur, vrbes tandem et loca, diuturna obsidione cincta, nec non xenodochia et orphanotrophea. Diagnofis huius morbi p. 352. Nostro est: Prius torpor, in dies auctior, occupat artus, posthaec salivae et oris visciditas, mox ibi gingivarum, palati et faucium tumor adest cum dolore, quibus cruentatio harum partium et erosiones succedunt; nunc maculae vbique, pruritus, scabiosa et fere leprosa indoles, pustulae, aqua flauida repletae, vlcera, faciei pallor et luridus adspectus; Interne vere, ex iisdem causis, febriles varii motus, anxietas, vomituro, ructus, diarrhoea, haemorrhagiae internarum partium, praesertim hepatis corruptio et ruptura; hinc apud complures hydrops, tabes et tandem mors subitanea vel lenta. Cadauera citius putredini, quam aliorum, cum insigni foetore, obnoxia. In cura tam praeservatiua, quam curatip. 356. ratoria ad vegetabilia praecipue respicere videtur Noster, quae in tres classes redigit, quarum primam

- mam olera, herbae insipidae aut subdulces et fructus horaei; secundam acida et subacida; et tertiam herbae, radices et fructus, gustu amari et fortiores absoluunt, cui opium tandem adiungit. In usu eorum eo respiciatur, ut fortioribus leniora praecedant; ut nuda ea, cruda succisque plena; h. e. recentia, non vero praeparata, quae hic nullam utilitatem afferant, adhibeantur, ut usus interno externus posthabeatur. Methodum curatoriam, quomodo iis, quos supra scorbuto imprimis obnoxios addidimus, adhibenda sit, exponit, concluditque,
- p. 365. morbum hunc, cum ab herbis et fructibus adeo manifeste depellatur, ex eorum defectu prognatum videri, inde et praeservationem eius et curam, iisdem
- p. 366. rite adhibitis, omnino constare. Cum vero corpora nostra, et ea, quae in id ingeruntur, resolutionem aliquam et certam subeant, putredinem iam definit, ad eam necessario requiri, ut corpus ex plurimis et variis mixtis constet, et ut in formam aliquam mechanicam sit dispositum, huc vero omnia, exceptis simplicioribus, terra, lapidibus et aqua simplici cet.
- p. 370. pertinere corpora. Adminicula, quibus putredo promouetur, sunt lenior et lentior aliquis ignis gradus, aer copiosus, in corporibus inclusus, liquida certa in proportionem et varii generis, vasa et textura horum corporum aliquomodo firma et tenacia,
- p. 376. fetus tandem insectorum et vermes. Inquiri postmodum in naturam medicamentorum laudatorum, vegetabilium scilicet, quorum resolutionem, qua in fermentationem et aciditatem abeunt, exponit.
- p. 385. His declaratis, ad ea, quae ex regno minerali proueniunt, transit, ad nitrum, salia media, in quorum efficacia ad sulphur et arsenicum, quae fere omnium minerarum principia constituent, respicit, quibus tandem alumen, ferrum et mercurium, a plurimis in nostro morbo commendatum, adiungit.
- Haec de Cl. BACHSTROM.

Iam ad Cel. HUXHAMII *nautarum*, in diu du- p. 395.
rantibus cursibus exploratoriis et longis itineribus, sa-
nitatem conseruandi methodum perueniemus. Sanguinem in scorbuticis alcalescentem esse et putridum, ex foetido aegrorum spiritu, putridis corrosis gingiuis, vrina foetida, profundius tincta, vlceribus sordidis, nigris, coeruleis et castanei coloris, maculis et eruptionibus in cute, ex frequenti calore febrili, lingua sordida, biliosa denique et cruenta dysenteria, suspicatur Noster. Methodus, quam nau- p. 397.
 tis suadet, ea est: Vino pomaceo, bene fermentato, nec recente, quippe quod colicis seuerioribus progenerandis copiam dat, sed, fecibus bene depurato, triumque mensium aetatem habente, vtantur. Hoc vero vinum, ne tam cito in fermentationem acidam abeat, ex maioribus doliis in bona et pura percoletur vasa; si vero acidum factum fuerit, non minus vtile erit. Cuilibet nautae, praeter cerevisiam et aquam mensura vini pomacei per diem concedatur. Alimentorum apparatus si ranciditate corruptus fuerit, crebrior et liberior aceti vsus largiatur: Omnium et nauium tecta saepius laventur, vel aceto conspergantur; Putridus aer et corruptus ventilatore semel ad nimium de die educatur. Poma vel fructus limonum aurantiorumque cistis siccis, puris, aut pannis asperis, vel alio, horum abundantem humiditatem imbibente, apparatu inuoluta, frigida satis retineantur et conseruentur. His non succedentibus, ex limonum succo et spiritu ex canna saccharifera educto (*Rum* dicto) parata mixtura (*Shrup*) in copia adsit: Aqua putrescens, succo limonum, elixirio vitrioli et aceto, quae in nauibus admodum copiose adsint, temperetur et corrigatur. Quibus tandem monita, de peruersa hactenus methodo, nautas ad hoc vitae genus cogendi, emendanda, adiicit.

XIV.

GUALTHERI VERSCHUIR, Drenthini, dissertatio Medica inauguralis, de arteriarum et venarum vi irritabili, eiusque in vasis excessu, et inde oriunda sanguinis directione abnormi, Groningae apud Iacobum Bolt, 1766. pagg. 92, absque titulo et dedicatione.

- T**ribus, vti titulus iam indicat, tractatio haec absoluitur capitibus. Ac primo quidem, indicatis, quae ad circulationem sanguinis absolute requiruntur, momentis, praeter cordis vim, nunquam accurate definiendam, ad motum, per minora vasa praestandum, facere ostendit Cl. Auctor insitam vasis vim vitalem, contractilem, irritabilem, non musculosam, neque elasticam, sed a nervis profectam.
- P. 13.** Quam quidem vasorum irritabilitatem, exposita historia illius, experimentis cum fautorum tum aduersariorum allatis, et argumentis, atque suis in canibus et ranis factis, tentaminibus comprobatur, et
- P. 26.** contra obiectiones tuetur. Monet, partes vel maxime irritabiles, ut cor, non semper eam vim, quae lateat aliquando impediaturae, exserere; frigidorumque animalium canales, Ill. **HALLERO** immobiles visos, spiritus nitri vitriolique stimulo utique contrahi, atque adeo, euulso corde, teste microscopio, aliquantisper adhuc agitari; contractionem per microscopium solare, a variis ipsoque **HALLERO** vere obseruatam imperceptibilem nonnunquam fieri, tum ob feri pelluciditatem, tum ob magnitudinem obiectorum per lentem solarem nimis auctam;
- P. 32.** ossificationem arteriarum innoxiam esse, si paucas tetigerit, nec tamen semper, quin potius stasin, gangraenam, sphacelumque in sene octogenario aliisque concitasse; denique ostendit, a vario irritabilitatis

tatis vasorum discrimine diuersam maxime pendere fluidorum celeritatem.

Capite secundo causas, sanguinis naturalem distributionem turbantes, et imprimis peruersam vasorum actionem, ex morbofo irritabilitatis statu ortam, persequitur. Vitii huius, ab aliis congestionis, a GAUBIO et Nostro directionis abnormis nomine insigniti, praeter causas naturalis circulationis mutatas, praecipuum fontem in irritabilitate nimia quaerit, quem plerique eretismum vel spasmus, GAUBIUS, cuius definitionem totam amplectitur Cl. Auctor, in specie irritabilitatem, appellat. Causas illius occasionales stimulos, etiam non morbosos; praedisponentem, non tamen semper necessariam, nimiam solidorum sensilitatem putat. Inde symptomata enarrat in parte, spasmo affecta, occurrentia, quae pro varietate partium, stimulorum et temporis, differunt. Monet, partem spasmo affectam etiam solitos stimulos non ferre; blandiora irritamenta acrioribus esse efficaciora; partiumque quarumcunque irritabilitatem mirum in modum aliquando increscere; ceterum spasmos partiales euadere vniuersales, morbosque inde ortos ad tempus remittere, neque ab eadem causa statim resuscitari. Quae quidem de causis et effectibus nimiae solidorum irritabilitatis commemorata in vasis quoque, quorum vis irritabilis vitiata est, locum obtinere, ex inaequalitate pulsus arteriarum diuersis in locis eodem tempore factarum, qualis fuit virginis histericae saepe frequens contractus, paruus, in sinistro latere idem semper, in dextro inaequalis, dicrotus, tempore fluxus menstrui aequalis, inde vero conuulsius; et porro Cl. medicorum sententiis euinci arbitratur. Impetum sanguinis et celeritatem immutatam, sanguisque motum retrogradum, deriuationemque ad varias partes a celeritate pendentem,

p. 34.

p. 36.

p. 40.

p. 43.

p. 47.

dentem, pro conditionum diuersitate multum discrepare ostendit.

- p. 51. Vberius effectus et symptomata directionis abnormis capite tertio enarrat, exemplisque febrium haemorrhagarum illustrat. Salutarem quandoque esse, ex fetus incrementis ratione et menstruis declarat, quorum causam, in irritabilitate vasorum magis aucta, ex arteriarum motus inaequalitate, menstruatorumque sensibilitate, cognoscenda, ponit.
- p. 59. Febrem ex symptomatibus definit, dicitque singularem spasmodicam omnium pene corporis solidorum affectionem. Duo putat eius stadia, in quorum primo humores ad interiora reuelluntur, in altero ad exteriora repelluntur. Vtriusque symptomata, cum consueta, tum rariora, recenset, eaque, quae in primo stadio fiant, a nimia arteriarum, imprimis cutaneorum, spasmodica constrictione; ea vero, quae in secundo contingant, a vehementiori cordis arteriarumque, quarum sensibilitas interim aucta est, in congestum sanguinem actione oriri; in primo stadio duo temporis momenta attendenda esse, alterum, quo, externis agentibus, interna caleant, alterum, quo medio in aestu subitum frigus oriatur, copiose demonstrat. Eadem de topicis sic dictis febribus, cum partis dolore, pulsuque frequentiore, etiam periodice redeuntibus, diuersaque stadia observantibus, pariterque de morbis illis, qui licet non nisi cum leuiorum febrium signis, v. c. conuulsionibus, stupore sensuum etc. incedant, tamen semper, veluti febres, pessariari debent; plerumque internis in partibus locum habent, primum leviter, interdum subito et vehementer aegros corripiunt, remittunt, subitoque inexpectati redeunt, vulgo protheiformibus dictis, ad quos apoplexia, peripneumonia, cholera etc. referuntur, affirmanda esse, censet Cl. Auctor, partemque, quae in hisce

his morbis patitur, spastice affectum esse, ex eo probat, quod omnis venaesectionis et purgantium usus plane nihil iuuet. Inter exempla eiusmodi p. 66. morborum hoc singulare esse videtur, quod homo quotidie per duas quidem horas certoque diei tempore ob sanguinem, ad neruum opticum congestum, perfecta amaurosi affectus fuerit. Eamdem irregularem vasorum actionem porro etiam in moliminibus, sic dictis criticis, bene probeque explicandis assumendam esse, luculenter probat Cl. Auctor, nec improbabile esse putat, quod materia excernenda saepe per eam partem, in qua magna irritatio et spasmus p. 68. cum pulsu irregulari animaduertuntur, eliminetur. Addit igitur variae criseos signa prognostica, ex pulsu eruenda. Ad pulsum autem, saepe alterutro tantum carpo irregularem, cor Nostro parum conferre videtur. Ad explicandas haemorrhagias criticas alias- p. 70. que, quae pro aetatum varietate variant, nec semper ab sanguinis abundantia pendent, neque tuto supprimuntur, eadem principia adhibenda esse censet Cl. Auctor. Praeter vasorum tamen peruersam p. 76. irritabilitatem, neruorum irritationem, animique affectus, frequentissimas quoque congestionum, etiam habitualium, causas esse, docet. Annectit tandem quaedam de symptomatis illis, quae parti, ex qua sanguis deriuatur, eique, ad quam defertur, contingunt, monetque, sanguinem non semper per diaeresin effundi, effusumque utique resorberi posse, p. 78. in specie vero mala a menstruis ad caput, pectus, vel abdomen repressis, oriunda, declarat, enarratque duo exempla, menstruorum ad abdomen derivationem illustrantia. Primum concernit ancillam p. 80. triginta annorum, quae, menstruis a terrore suppressis, dolorem ad os sacrum, pedum paralylin, alui et vrinae spontaneum profluium passa, et per venaesectionem, laxantia, lenia emmenagoga, epispastica et balnea

Secund. Decad. Supplement. F pedum

pedum sanata est: Alterum de alia ancilla, viginti et quinque annorum, vitae sedentariae assueta, menstruum fluxum irregularem per sex vel septem tantum septimanas habente, ob parcum hunc effluxum, dolorem ad coxas et os sacrum, pruritum et exanthemata circa coxas, artuum inferiorum rigiditatem, mouendique impotentiam sentiente, per venae-sectionem tamen, lenia diaphoretica, et balnea felicissime curata testatur. Ultimo denique loco Cl. Auctor monet, ad directionem abnormem, in his morbis explicandis, frequentissime quidem, non autem semper respiciendum esse.

Experimenta, a Nostro in canibus instituta, docuerant, arterias aliquando obscure vel plane non, plerumque vero euidenter, non tamen semper certo per irritabilitatem contrahi; contractas vtrinque in medio tumuisse; varie eodem tempore pulsasse; post tremulum motum liberius, a tela cellulosa separatas molestius moueri; discissas sanguinem non amplius fundere; breui post mortem nulla amplius contractionis phaenomena obtulisse; venas varias et sponte et a stimulo sese contraxisse, vimque electricam in arterias et cor parum, in musculos et oesophagum multum valuisse; in quadam denique cruris arteria celeriore fortiolemque pulsum cum
p. 92.
p. 91. motu plane vermiculari diu perdurasse. Dicitur praeterea vena caua superior in quodam cane statim infra hepar, ibi, vbi dextram renalem emiserat, in duas iliacas diuisa fuisse, iliaca autem sinistra venam renalem eiusdem lateris reddidisse.

DANIELIS WILHELMI TRILLERI Phil. et Med. Doct. Consil. Aul. Elector. Sax. Med. Prof. Prim. in Acad. Witteberg. et Ill. scientiar. Bonon. sodal. Opuscula Medica ac Medico-Philologica, antea sparsim edita, nunc autem in vnum collecta atque digesta, ab Auctore ipso prius recognita, aucta, castigata et emendata. Curauit et praefatus est CAROLUS CHRISTIANUS KRAUSE Phil. et Med. Doct. in Acad. Lips. Anatom. et Chirurg. Prof. Publ. Extraord. Facult. Med. Assessor. Min. Princip. Coll. Collega. h. t. Praepositus. Francofurti et Lipsiae, sumpt. Io. Georgii Fleischeri 1766. 4. Vol. I. Alph. 3. pl. 2. Vol. II. cum indice Alph. 2.

Cum scriptorum, paucas chartas implentium, fors communis fere ea sit, vt post annos non ita multos vel nusquam vel certe paucis in bibliothecis reperiantur; iis profecto, qui eiusmodi scripta, sparsim edita, colligunt, et iusto volumine comprehensa in vulgus edunt, gratias habendas esse, quisque facile dabit. Haec igitur collectio dissertationum ab Ill. TRILLERO, tum ante multos annos, tum haud ita pridem conscriptorum, facile caruisset modesta illa excusatione, qua et Cl. Auctor et Cl. KRAUSE novam hanc descriptionem eidemque impensam curam, aduersus invidentium obtrectationem, in tuto collocare studuerunt. Scriptorum enim argumenta sunt non vulgaris saporis, et a multiplicis lectionis varietate multum ornamenti et gratiae acceperunt, vt de rebus similibus commentanti fere indicis loco esse libelli ipsi possent. Neque exiguae sunt accessiones,

quibus locupletata auctaque cernimus horum scriptorum pleraque, maximeque priora. Est etiam ubi sermonis in aduersarios olim dicti duritiem aliquantum emollitam animaduertas.

His praemissis breuiorem recensum scriptorum ipsorum subiungimus. Primo volumini praefixa est Cl. Auctoris epistola dedicatória ad RICHTERVUM, Professorum medicorum Academiam Goettingensem ornantium principem scripta, plenissima illa prolixi amoris mutui atque amicitiae inde vsque a prima iuuentute cultae testimoniis. Hanc excipit Cl. KRAVSI praefatio, qua iunioribus non magis quam veteranis lectio diligentior medicorum veterum commendatur.

- p. 3. Sequuntur dissertationes Academicae, quarum *Ima* agit de fame letali ex callosa oris ventriculi angustia, cuius exemplum singulare a se obseruatum Cl. Auctor refert, ac postea epicrissi docte conscripta exornat. In *IIda* nouis exemplis ac tribus quidem demonstratur nociua canceri inueterati extirpatio, ex iisque ipsis historiis deducuntur observationes practicae variae, veterumque aequae, ac recentiorum auctoritate veritas enunciati confirmatur.
- p. 86. In *III.* pleuritidis aestiuae rarius occurrentis exemplum proponitur, ubi die morbi quarto sanguis cum leuamine et secuta salute aegri ex vena missus fuit.
- p. 107. In *IVta* HIPPOCRATIS studium anatomicum singulare, locis non paucis Hippocraticis additis asseritur. In *Vta* veritas paradoxi Hippocratici, nullam medicinam interdum optimam esse, morborum generibus haud paucis allegatis euicta datur. In *VI* corticis Peruuiani vsus senibus, grauidis et infantibus salutaris laudatur, et historiis quatuor memorabilibus confirmatur. Praemissae sunt variorum medicaminum, olim famam consecutorum, historiae ac
- p. 198. fata. In *VII* de tumoribus singularibus a mensium suppressio-

suppressione abortis, dicitur, et de menstruo fluxu, per insolita corporis loca erumpente, docte ampliterque differitur. In VIII de tabaci ptarmici abusu **p. 22c.** ceu atrocis affectus ventriculi aliorumque morborum causa, agendi ansam dedit homo quidam, qui ab abusu tabaci ptarmici, tenuioris illius Hispanici, tandem in vehementiora mala ventriculi incidit, et marcore confectus, reiecto per vomitum tabaco, conualuit. In resolutione huius casus similia ab aliis medicis obseruata esse docetur. In IX mortem **p. 237.** subitam, a nimio violarum odore, virgini annorum septendecim illatam, et Auctori ipsi visam, vna cum permultis eiusdem generis historiis allegatis legimus *). In X de morbo coeliaco singulari, a CORNELIO CELSO descripto, sermo fit, et CELSO verborum graecorum confusio obiicitur, iure an iniuria hoc loco decernere non licet. In **p. 293.** XI a Cl. Auctore, iuueni admodum, conscripta inscribitur de pinguedine ceu succo nutritio superfluo.

Dissertationibus his adiectae sunt prolationes **p. 317.** academicae, quarum agmen ducunt notissima illa scripta, de veterum chirurgorum arundinibus atque habenis, ad artus male firmos confirmandos adhibitis, occasione loci cuiusdam Suetoniani obscurissimi, in vita AUGUSTI occurrentis **). Locus vexatus is apud SVETONIVM in vita AUGUSTI Cap. LXXX. legitur his verbis; *Coxendice et femore, et crure sinistro non perinde valebat, ut saepe etiam inde claudicaret; sed remedio harenarum et arundinum confirmabatur;* vbi Cl. Auctor habenis pro harenis legendum schediasmate prior docet, et altera exercitatione ***) eademque pleniori; sententiam suam aduersus secus sentientes, acriter et strenue propugnat. *Exercit.* Illia de clysterum nutrientium antiquitate et usu dif-

F 3

feritur

*) vid. Comment. nostr. Vol. XI. p. 159.

**) vid. Comment. nostr. Vol. I. p. 63.

***) vid. ib. p. 67.

- feritur ita, vt veterum testimoniis hac de re experi-
 p. 413. menta recentiorum iungantur. *Exercit.* IV de pi-
 tyriasi vesicae, ad corruptum quendam CAELII
 AURELIANI locum illustrandum et emendandum,
 Locus ille L. V. de morbis chronicis C. IV. sic se
 habet: *In vesica speciales plurimae passiones eueniunt,*
tumor, collectio, vlcus, durities Φθυσίασις etc. vbi
 A. πτυρίασις seu πτύξιμα legendum esse putat,
 vt adeo vesicae quaedam furfuratio ab CAELIO
 p. 431. commemorata videatur. *Exercit.* V de gibbo ex
 nephritide potius, quam ex phrenitide orto, ad HIP-
 POCRATEM atque CAEL. AURELIANUM illustran-
 dum et emendandum. Exstat locus is L. V. Epid,
 p. 785. edit. LIND. et vulgo legitur sic: Τῷ μα-
 γείῳ ἐν ἀνὰ θῶ τὸ κύφωμα ἐν Φρενίτιδος ἐγένετο etc.
 vbi lectio, quam REINESIUS κωφωμα pro κύ-
 φωμα legens proposuit, quaeque multis placuit, re-
 iicitur, et huius loci vitium in voce Φρενίτιδος late-
 re, pro eaque νεφριτιδος legendum esse, pluribus
 p. 463. edisseritur. *Exercit.* VI de scarificatione et vstione
 oculorum, ab HIPPOCRATE descripta habet multa
 p. 485. scitu dignissima; et in VII huius efficacioris me-
 dicinae historia, antiquitas et origo perdocte et so-
 lertissime exponuntur, atque WOOLHOVSIO falsa
 interpretatio textus Hippocratici obicitur. *Exer-*
 p. 496. *cit.* VIII de remediis veterum cosmeticis eorum-
 que noxis tractatur, et veterum tum medicorum,
 tum aliorum auctorum declamationes in pessimum ab-
 vsum supercilia capillum, et cutem colore alieno in-
 p. 508. ficiendi allegantur. *Exercit.* IX PLINII locus
 famosus ille: *Atque etiam morbus est aliquis per sa-*
pientiam mori, exponitur, additisque aliorum inter-
 pretationibus sententia Cl. Auctoris adducitur, atque
 PLINIVS per sapientiae morbum solam veram phren-
 nitidem a crocidismo et carphologia semper comitatam
 intellexisse dicitur. *Exercit.* X loci cuiusdam Hip-
 pocratici

pocratici, haftenus obscurissimi, ex lib. VII. de morb. p. 534
 epid. extrem. explicatio, de mensibus, per nares *Leonidae* filiae erumpentibus, ab imprudenti autem medico cum ipsius interitu infeliciter repressis, feliciter tentatur. *Exercit.* XI de vino modico, hypochon- p. 534.
 driacis salutari; ad sacrum locum i *Timoth.* V, v. 2. 3. nonnihil illustrandum quaedam afferuntur. *Exerc.*
 XII de macie corporis, ex obsidione contracta, ad quendam *GALENI* locum, a magnis criticis frustra tentatum, illustrandum et vindicandum. Locus is legitur in *Comment. I. in HIPPOCRATEM*, et sic se habet: Ὅτα διὰ λιμὸν, ἢ διὰ πολιορκίαν etc. et in eodem eiusque vulgata lectione *CAGNATVM*, *MVRETVM* et *REINESIVM* sine idonea ratione haesisse demonstratur. *Exercit.* XIII de planta quadam venenata eiusque furioso effectu *λιδοςροφω*, co- p. 556.
 piis Antonianis olim exitiali, ad illustrandum quendam *APPIANI* locum in *Parthicis* p. 110. edit. *H. STEPHANI* composita est, atque aliorum sententias, ea de planta collectas, exhibet, vix addit nouam quandam, sed rem in dubio relinquit.

Volumine IIdo continentur post epistolam de- Vol. II.
 dicatoriam, ad Virum Ill. *GEORG. HENR. AYRERVM*, Iurium Professore Goettingensem datam 1) dissertatio epistolaris *IO. GOTHOFREDO HAHNIO* dicata, tum prima tum altera, de anthracibus et variolis veterum. Vtraque p. 1.
WERLHOFII obiectiones, adversus hypothesin *HAHNII*, ingeniosam illam prolatas, diluere Cl. Auctor fatagit, eoque ostendit, quem admodum nihil est, quin male narrando possit deprauari, ita nihil esse, quod bene dicendo non possit vero simile fieri. 2.) *Exercitatio botanico-philologica* de p. 13.
*moly Homeric*o set fabula circaea, quae est prima omnium, ab Cl. Auctore in vulgus editarum. 3) p. 37.

- p. 84. Disceptatio inscripta: HIPPOCRATES atheismi falso accusatus contra N. H. GVNDLINGIVM; cui accessit Ill. Auctoris responsio ad obseruata IO. CLERICI in libello, de atheismo HIPPOCRATIS, Biblioth. antiq. et hodiernae. T. XV. Part. 2. 4)
- p. 178. Epistola medico-critica ad IO. FREIND, super primo et tertio HIPPOCRATIS Epidemicis, nuper ab ipso editis. 5) De noua HIPPOCRATIS editione adornanda, commentatio; qua animum aperit atque simul ad symbolas conferendas eruditos inuitat Cl. Auctor, et speciminis loco libellum de anatomico recensuit, emendauit, et commentario medico critico perpetuo illustrauit. Vtinam tandem aliquando opus istud tam diu expectatum in vulgus ederetur! Nam quae in modo commemoratis commentationibus Cl. Auctor eruditissime disseruit, omnibus Hippocraticorum operum aestimatoribus saluam mouere iam pridem. 6) De mira naturae solertia in reparandis damnis corpori animato illatis dissertatio *); quae collectas vndique obseruationes super hac re continet, et duas singulares et mirandas adiicit, alteram de reparatâ magna caluariæ parte in homine labe venerea miserrime afflictâ, alteram de callo in ossis tibiae deperditi locum renato.
- p. 308. 7) CHRISTOPHORI MOLINARII et D. W. TRILLERI epistolae mutuae de vera exanthematum miliarium differentia, diuersoque eorum effectu et euentu. Cl. MOLINARIUS tum, cum de miliarium indole et tractatione disputationes inter medicos Viennenses feruerent, libellum de miliarium exanthematum indole et tractatione conscripsit, eundemque ad Ill. Auctorem nostrum misit, vt eius de suis obseruatis iudicium eliceret. Assentitur Ill. TRILLERVS Cel. MOLINARIO, atque exanthemata miliaria non raro critica esse, neque
semper

*) vid. Comment. nostr. Vol. XVI. p. 346.

semper medicorum, intempestive sedulorum, opus esse liquido demonstrat. Hanc dissertationem, an-
 tea non euulgatam, sequitur prolusio academica de
 eodem argumento, antea iam edita, nunc iterum de-
 scripta. Postrema tandem huius voluminis scriptio
 est de *cultu Isidis*, deae etiam salutaris et medicis sacrae,
 apud veteres Germanos, exercitatio historico phi-
 lologica, ad Virum Ill. IO. GOTTLÖB BOEH-
 MIVM, Professore historiarum apud nos Incly-
 tum conscripta, antea non descripta; qua et Isidem
 a priscis Germanis cultam esse docetur, et gemma
 quaedam Aegyptiaca rarissima, inter thesauros PEI-
 RESCII olim reperiunda, erudite illustratur.

XVI.

FRIEDRICH CASIMIR MEDICUS *Churf.*
Pfälz Garnisonsphysic. in Mannheim, Stadts und
Amtsphysicus zu Frankenthal und Frensheim, der
Röm. Kayserl. Acad. der Naturforscher; der
Churmainz. Academie nützlicher Wissenschaften
Mitglieds, Geschichte periodischer Krankheiten,
Erstes und zweytes Buch. Carlsruhe, druckts
und verlegts Michael Macklot, 1764.8. Seit. 360.
ohne Zueignungsschrift, Vorbericht und Innhalt.

i. e.

Historia morborum periodicorum. Liber pri-
 mus et secundus. Auctore FREDERICO
 CASIMIRO MEDICUS.

Largimur lubenter Cl. MEDICO, se esse primum,
 vti in praefatione legimus, qui in systemate ho-
 rum morborum, qui non adeo rari sunt, vti videntur
 primo intuitu, condendo versatus sit, magnasque Cl.

F 5

Auctori

Auctori habemus grates, pro singulari studii assiduitate, quam in hoc libro conficiendo ostendit. Utillissimum itaque hoc opus ut pateat, Nostri Lectoribus, instituti rationem Cl. Auctoris reddamus et modum, quo compositus est hic liber breuiter tradamus. Constituit nimirum Cl. MEDICUS secum, hanc obscuram, confusam multisque prorsus incognitam rem ordinare tribus sectionibus. Quarum prima historiam morborum periodicorum completitur, altera systema eorum concernit, et tertia applicationem huius systematis in singulis aegris spectat.

In prima itaque sectione historia multorum morborum periodicorum, a veteribus aequae ac recentioribus medicis fide dignis observatorum et ita a Nostro collectorum, ut facile quis eos intelligat eorumque notionem sibi claram reddat, Auctoresque ipsos, qui Nostri instruxerunt, consulere queat, breuiter a Cl. MEDICO traditur. Astronomicas rationes, ut influxum lunae et solis, cet. si reperit in Auctoribus, omisit Noster, et solummodo ad dies reduxit. Nec non illos morbos periodicos, qui indefinitis temporibus apparebant, quantum fieri potuit, neglexit et accuratius ad eos, qui definito tempore veniebant, respexit.

Altera sectio attinet systema horum morborum periodicorum, quod eo credit, ut multa haec, diuersissima profecto, symptomata species sint generis, et ut ventriculus et intestina ac in iis contentae impuritates, praecipua horum morborum deprehendantur causa. Ita enim omnes occultas causas, quas multi in plenilunio, nouilunio etc. quaesierunt, Cl. Auctor neglexit atque viam sibi pandit ac medicis clinicis, ad methodum his morbis medendi stabiliendam atque exercendam.

Hanc vero in tertia sectione, quam auide et proxime expectamus, Cl. Auctor ita tradere pollicitus est,

est, vt, singulis morbis periodicis persecutis, applicationem systematis aequae, ac curationis in iis monstraret. Ac inprimis operam nauabit Cl. Auctor demonstrandi, causam proximam horum morbum latere in abdomine in eoque contenta materia peccante, quoniam tum curatio eo facilius ac certius potest institui.

Summa itaque harum trium sectionum accurate proposita, ad priores duas, quae iam ad manus nostras peruenerunt, progredimur, nonnullasque res ex iis, exempli loco, breuiter cum nostris Lectoribus communicamus.

Morbi periodici constant ex multis diuersisque Lib. I.
symptomatibus, quae coniunctim eo conueniunt, vt p. 3.
stato tempore ac sine febre appareant. Vtrumque itaque, tempus nimirum definitum et febris absentia sunt essentiales morborum periodicorum characteres, ad quos Cl. Auctor quoque, in historia eorum tradenda, potissimum respexit. Ordo autem, quem Noster secutus est in colligendis historiis, in eo cernitur, vt primum, eos morbos, qui totum corpus male afficiunt, dein eos, qui caput praecipue tangunt, tertio eos, qui pectus occupant, quarto eos, qui abdomini sunt molesti et tandem eos, qui extremitatibus inferioribus atque superioribus incommoda afferunt pertractet Ita inter vniuersales morbos periodicos referuntur apoplexia, epilepsia, tetanus, morbi soporosi ac omnino spastici, etc. inter particulares cephalalgia, vertigo, morbi oculorum, pharyngis et laryngis, pulmonum, ventriculi et intestinorum, viscerum abdominalium ac tandem morbi extremitatum.

Ad definitionem morborum periodicorum, non Lib. II.
diu multo ante commemoratam, quae in secundo p. 197.
libro legimus, hic addemus. Tenent nimirum hi morbi

morbi quoque paroxysmum certum, atque interuallum definitum, quo aeger omnibus molestiis vacat. Porro Cl. Auctor cum multis Auctoribus, vt RICHARD. MORTON, THOMA SYDENHAMO, GERARD. VAN SWIETEN, SENAC, IOANNE HUXHAM, WERLHOF, ANTONIO STOERCK, JOSEPHO LAUTER aliisque, magnam horum morborum periodicorum cum febribus intermittentibus sentit affinitatem et refutat praecipue Cl. MORTON, qui malignas febres intermittentes et periodicos morbos confudit. Nec minus solet fieri, vt febres intermittentes sequantur periodici morbi seu vt hi illis succedant. Plerumque symptomata periodicorum morborum et cum febribus intermittentibus apparent. Interualla vtrique eonueniunt. Vtrinque obseruari potest vrina cum sedimento lateritio rubro. Tandem et methodus medendi his morbis prodit hanc affinitatem.

P. 223. Tum febres periodicas persequitur Noster, et earum species constituit, nimirum febres intermittentes simplices et duplicatas, febres malignas intermittentes, morbos periodicos et tandem morbos, qui ex imperfecta praecedentium morborum cura proficiuntur.

P. 233. His consideratis, diuisionem morborum periodicorum proponit Cl. MEDICUS. Ac primum quidem hos diuidit in eos, quorum paroxysmus, praeter necessaria symptomata, omnibus aliis symptomatis vacat. Dein huc pertinent ii, quorum paroxysmus, praeter necessaria et morbo communia symptomata, cum febre, debilitate aliisque est coniunctus. Sed monet quoque Cl. Auctor, raro hos periodicos morbos cum febre apparere, ac si accidunt, illi inter periodicos ac intermittentes medii morbi esse videntur. Quapropter et haec ipsa diuisio Nostro displicet.

Progre-

Progredimur cum Nostro ad signa horum morbo- p. 242.
rum periodicorum. Ac primum est ipse paroxysmus,
qui inopinato venit, per tempus statum durat, et inter-
vallo praeterito redit. Alterum est paroxysmi re-
uersio. Tertium est epidemia horum morborum.
Quartum vrina cum sedimento *). Reliqua signa,
cum et aliis morbis sint communia, Noster omittit.

Praemissis variis morborum periodicorum causis p. 260,
a Cl. MEADIO aliisque prolatis iisque occultis, ad
claras potissimum causas declarandas sese Noster ac-
cingit. Primae viae sunt sedes horum morborum.
Prima itaque causa est praeternaturaliter aucta ha-
rum viarum irritabilitas. Secunda bilis. Tertia vi-
scidum. Quarta digestio laesa. Vltima vermes.
Plerumque quatuor reliquae cum prima sunt con-
iunctae, saepenumero autem harum singula tan-
tum periodicos morbos inducit. Quamquam mo-
dus, quo periodici morbi ex his quinque causis pos-
sint oriri, maxime incognitus est, tamen experien-
tia ortum horum morborum declarat. Nascuntur
scilicet morbi periodici ex abdomine, ac potissimum
ex ventriculo et visceribus, siue ope solius consensus,
quem hoc cum reliquis corporis humani partibus
habet, siue obstructione, a materia peccante facta.
Consensum vniuersalem totius corporis ponit cum
aliis physiologis Noster in coniunctione vasorum
sanguiferorum, continuatione membranarum, stru-
cturae variarum partium corporis similitudine, ner-
vorum propagatione et in contextus cellularis fabri-
ca. Sympathia itaque canalis intestinalis et visce-
rum abdominalium cum omnibus corporis humani
partibus morborum periodicorum proxima et com-
munissima est causa, rarior obstructio, a materia
morbofa profecta.

Redeamus ad causas morborum periodicorum
de iisque pauca annotemus. Saepenumero morbos
periodicos

*) vid. supra p. 92.

- periodicos iuuant roborantia et motus, et tum eorum causam quaerit Noster in aucta irritabilitate
- p. 289. primarum viarum. Bilis abundantia, licet et alio modo corrupta, potissimum morbis periodicis generandis inferuit. Non semper vero vitium hepatis adesse in iis, cadauerum incisio Nostrium docuit.
- p. 291. Viscidi diuersitas in tenacitate partim, partim in acrimonia, quae in eo est inuoluta, cernitur. Pertinet huc viscidum verminosum, terrestribus particulis scatens, et tenax illa pituita, quae non solum viscera onerat, sed obstructionibus variis oriundis occasionem praebet. Hic a Nostro potissimum vomitoria praedicantur, quae et in digestionem laesa conducunt, si a nimia repletionem, seu cibis, sibi contrariis, assumtis, profecta est.
- p. 310. Tandem ad methodum his morbis medendi venit Cl. Auctor, quam hic generalem proponit, specialem differt ad tertium librum, cuius summam iam supra *) dedimus. Causis itaque, antea commemoratis, nititur cura, quae primum in euacuandis impuritatibus infimi ventris, dein in iusta eiusdem irritabilitate restituenda, seu roborando infimo ventre, ac tandem in obstructionibus referendis spectatur. Iam primum quidem potest praestari vomitoriis, laxantibus et purgantibus, clysmatibus, inunctionibus abdominalibus et vermibus enecandis et expellendis. Inter vomitoria leniora principatum Nostro videtur tenere ipecacuanha, cuius corticem medullae praefert, insuperque laudat CAROLUM GIANELLAM, qui hanc radicem infundit cum aqua feruida et per noctem digerit leni igne, illudque infusum per partes usque ad vomitum aegris propinat. Inter vomitoria fortiora, quae citius vomendi effectum praebent, numerat tartarum emeticum, nec non vitrum antimonii ceratum.

Dum

*) vid. p. 90.

Dum laxantia a Nostro diiudicantur, laudatur p. 323.
inprimis, ad bilem nigram eliminandam, magnesia
cum cremore tartari, omninoque suadet, primas
vias subinde purgare, interposito cortice Peruuiano.

Inunctiones abdominis fiant in regione vmbilici. p. 331.
Inter remedia, hic pertinentia, maximam Nostro
mereri videntur attentionem olea, ac inter ea, oleum
oliuarum. Ceterum aloe cum vnguento de ar-
thanita coniungi potest, et Noster oleum oliuarum
cum vnguento de arthanita omnibus reliquis inun-
ctionibus tum praefert, cum vomitoria, laxantia ac
clysmata adhiberi nequeunt.

Ad vermes enecandos et expellendos internus p. 338.
olei oliuarum vsus atque cortex Peruuianus praeter
ea, quae habet GUALT. VAN DOEVEREN *)
a Nostro proponuntur. Oleo nimirum per octo
decemue dies vsurpato, purgans est exhibendum.

Dein ad irritabilitatem imminuendam cortex p. 342.
Peruuianus optime conducit, qui reliquis roboran-
tibus medicamentis a Nostro anteponitur, impuri-
tatum primarum viarum, plethorae ac omnino flui-
darum et solidarum partium habita ratione. Ita
enim corticis vsui praemittit Noster venaesectionem,
in plethora, seu in resolutis humoribus atque putri-
dis cum acidis eum coniungit. In viscido addit cortici
resoluentia, leniter abstergentia, vt radicem aronis,
pimpinellae, rhabarbari, salia media. Si sanguis sero
abundat, crebriorem vsum cremoris tartari amat
Noster, quippe quo illius abundantia, sero per
vias vrinarias euacuato, optime imminuitur.

In solidorum rigiditate et neruorum nimia p. 351.
tensione opium inter corticis vsum suadet Noster, et
in laxitate motum cum SYDENHAMO, quem et
omnino, cortice adhibito, summe necessarium iu-
dicat.

*) De vermibus intestin. homin. L. B. 1753. 4. P. 67.
v. comment. nostr. Vol. III. p. 447.

dicat. Tandem ad corticis Peruuiani quantitatem Noster venit, et aegris esse propinandas doses fortiores cum aliis medicis autumat.

p. 354. Nec minus conducunt, ad irritabilitatem ventriculi auctam imminuendam, carminatiua medicamenta. Cortex licet praestantissimum sit stomachicum, tamen ille cum carminatiuis est coniungendus, siue haec sola, cortice seposito, sunt exhibenda. Carminatiua, quae a Nostro approbantur, sunt aurantia, cortex citri, piper, pulueres stomachici ex absorbentibus terreis, radice aronis, nonnullis stibii praeparationibus et salibus mediis.

p. 360. Motum tandem Noster affirmat mederi morbis periodicis ac suis partim, inter quos epilepsiam periodicam per motum lenem, quotidianumque curatam memoramus, partim aliorum confirmat observationibus. Varia itaque motus genera hic persequitur eumque definit pro diuersitate aegrorum ac morborum, eos affligentium varietate.

p. 369. Materiam obstructam in loco affecto liberare optima Nostro videtur medendi methodus. Quemadmodum hanc methodum citam et veram, sic eam per remedia interna resoluentia discutientia aliaque tardam ac dubiam iudicat. Quapropter quoque ea tantum remedia, quae materiam confestim e loco affecto eliminant, hic recensentur, quorum vsum et applicationem vberius in tertio libro ostendere pollicetur Cl. MEDICUS. Optima vero atque conuenientissima remedia sunt: hirudines, scarificatio, vesicatoria, ac in locis pilosis, pilorum tonsio.

XVII.

De la conservation des enfans, ou les moyens de les fortifier, de les préserver et guérir des maladies, depuis l'instant de leur existence, jusqu'à l'âge du puberté. Par Mr. RAULIN, Docteur en Médecine, Conseiller Médecin ordinaire du Roi, Censeur Royal, de la Société Royale de Londres; des Académies des belles lettres, sciences et arts de Bordeaux et de Rouen, & de celle des Arcades de Rome. Tome premier. A Paris, chez Mertins Libraire, 1768. 12. mai. Alph. 1. plagg. 3. cum praefatione plagg. 1.

i. e.

Cl. RAULIN de cura infantum. Tomus primus.

Statum infantum in quatuor epochas Cl. Auctor diuidit, quarum prima a momento conceptionis usque ad partum, secunda a partu usque ad tempus ab lactationis, tertia ab hoc tempore usque ad septimum annum, et quarta denique ab hoc usque ad terminum pubertatis extenditur. Harum epocharum theoria priora quatuor volumina constituet, quam totidem voluminibus praxis illarum excipiet, ita, ut curatio morborum epochae primae in volumine quinto, secundae in sexto cet. pertractanda veniat. Ipse autem hic tomus primus, qui nostris nunc in manibus est, duo iam, si strictius loqui velimus, volumina, siue duas partes sistit, quae solam theoriam epochae exhibent: ex operis itaque idea clare perspicimus, nos illud satis amplum ac prolixum expectare debere.

Secund. Decad. Supplement.

G

Quinque

- Quinque primus hic tomus sectiones continet, quarum prima in generationis historiam, secunda accidentia, quibus embryo in formatione primaque evolutione obnoxius est, tertia morbos grauidarum, quarta morbos, fetui communicabiles atque ipsi proprios, quinta morbos, a grauiditate ipsa ortos, et partum naturalem pertractat. Postquam Cl. Auctor in primo capite varia generationis systemata recensuerat, in secundo fetum ex ovo tam vegetabili, quam animali considerat, ubi tamen mirabamur, cum ad probandam sexus plantarum differentiam solius fere
- p. 34. **PLINII**, aliorumque veterum, aut tamen illorum praecipue, auctoritati Cl. Auctorem inniti videremus, nulla prorsus accessionum, quae in hac re physicae nostro tempore factae sunt, mentione iniecta. Id tamen in toto decursu operis postea observauimus, Cl. Auctorem iusto parcius inuentis recentiorum usum fuisse, ut adeo cuipiam tantummodo instar omnium **SCHURIGII** embryologiam consuluisset et adhibuisset, quam quippe passim allegat, videri posset.
- p. 36. Recentior historia oui, quod gallus peperit, fuse enarratur, quod tamen Noster ipse non vidit. In capite tertio suam de generatione sententiam exponit, quae in eo consistit, ut fetum, in ouulo materno iam delineatum, statuatur, non tamen prius, quam fecundatus fuerit, euoluendum. Postquam igitur de seminis indole exposuit, monstrat, non illud ipsum, sed halitum quasi ex illo volatilem tantum ad fecundationem requiri, licet ea argumenta, quibus ad id probandum utitur, non vnius eiusdemque valoris esse videantur.
- p. 67. Caput quartum successuum incrementum fetus describit, quintum placentam, funiculum vmbilicalem et membranas, harumque partium usum disquirat, et sextum de nutritione fetus exponit, quam etiam a liquore amnii
- p. 96. praestari Cl. Auctor existimat, non deglutitionis quidem
- p. 121.

quidem negotio, sed quod ipse in os, oesophagum, ventriculum et intestina fetus, in aequilibrio secum existente, ingrediatur, adeoque, ne canales isti collapsi conglutinentur, impediat. Fetus praeterea p. 122. ab humore gelatinoso nutriri ex eo probat, quod tenera embryonis structura in aqua tepida penitus in massam viscosam et pellucidam mutatur. Caput septimum discrimen inter graviditatem veram et spuriam determinat, ad quam posteriorem classem fetus ovariorum, tubarios, molas cet. amandat. In p. 131. capite octavo de signis conceptionis et verae graviditatis agitur, et ita sectio prima finitur.

Se undae sectionis caput primum notionem conceptionis spuriae et irregularis euoluit. Iis contra p. 141. dicit Cl. Auctor, qui in molis se cauitates, humore p. 145. seroso lymphatico plenas, eique innatantes embryones paruulos tabefactos conspexisse putarunt, hasque cauitates nonnisi hydatides, et corpuscula ista falsum germen, vegetatione maius volumen nactum, p. 146. esse asserit. Postmodum monstra vegetabilia cum p. 159. monstris animalibus comparat, ubi tamen de doctrina recentiorum nihil prorsus additur, ne ipsius quidem HALLERI mentione facta. De vi imaginationis p. 163. maternae in mutando fetu iudicium suum suspendit, curiosam tamen omnino, si fides eidem habenda, historiam porcelli monstrosi memorat, cui proboscis elephantinus, cornu in medio ossis frontis, dimidium corpus squamis, crocodili ad instar, obductum, cauda et pedes postici porcini, antici autem manibus hominis similes fuerint, quam deformitates figurae, aeri incisae, quae in loco, ubi porci plerumque commorabantur, posita erat, adscripserunt, quae pugnam rhinocerotis cum elephante, et spectantem hanc simiam, in arbore saltantem, repraesentabat. Caput secundum causas remotas conceptionum spuriarum, irregularium ac debilium exa-

- minat, quae cum in matre posita sunt, nempe nutritio peruersa oculi, quod prima stamina embryonis continet, a debiliore et delicatiori conditione matris profecta, regiminis vitia, affectus animi vehementiores, vitia localia, fluor albus, matrimonia praecocia; tum in patres, ubi simul, digressionem facta, Cl. Auctor de similitudine parentum et liberorum p. 188. differit, eiusque causam, EMPEDOCLE duce, in vi et actiuitate liquoris prolifici ponit, indeque, quantum semen malae indolis, nimisque profusum aut intempestiua nimis venus, animique effectus, ratione patris, ad conceptionem minus bonam conferant, solide demonstrat. A qua tractatione capite tertio commode transit ad fontes morborum hereditariorum, in fetibus conspicuorum, quos tamen fusius persequi breuitas nos prohibet. Vitia tam solidarum, quam fluidarum partium tum matris, cum patris hic considerata sunt. Interdum morbus hereditarius suppressus videtur, et successiua generatione rursus euoluitur, quod imprimis phthiseos pulmonalis exemplo monstratur. Vberiore autem, de differentia horum morborum, expositionem in pop. 209. sterum sibi reseruat Cl. Auctor, et in sequenti capite remedia generalia ad praecauenda eiusmodi vitia conceptionis, qualia in capite secundo pertractauit, examinat. Haec mutuam ad causas istas, superius expositas, relationem habent, ideoque iis adaptanda sunt; ubi plurima in usum vocare conuenit, quae Cl. Auctor in libro, a nobis nuper indicato *) p. 228. proposuit: optimum denique consilium foret, quod in fine tractationis Cl. Auctor dedit, ut morbo haereditario affectae, matrimonio prorsus interdicerentur.

Sectio

*) Traité des fleurs blanches, vid. Comment. nostr. Vol. XVII, p. 28 sq.

Sectio tertia, quae in altera usque partem primi
 huius tomi extenditur, in capite primo generatim **p. 230.**
 de morbis grauidarum exponit. Etiam ii, qui ipsis
 superueniunt, neque vero a grauiditate ipsa ortum
 trahunt, maioris tamen periculi sunt, cum ratione
 matris, tum fetus. Inde etiam a chronicis matris **p. 234.**
 morbis idea morborum connatorum patet. Morbi **p. 236.**
 autem grauidis proprii in tres periodos diuidi pos-
 sunt, quarum singula tres menses complectitur. Ca-
 put secundum causas generales horum morborum,
 neque in sola cessatione fluxus menstrui, neque in **p. 239.**
 dilatatione vteri, sed in debiliore constitutione corpo-
 rum, omnibusque ideo causis, quibus ea inducitur,
 poni debere ostendit, inde in capite tertio causae
 particulares morborum sub initio grauiditatis expen-
 duntur. Quum in duobus primis mensibus fetus **p. 244.**
 nonnisi vapore tenui ex fluidis matris nutriatur, non-
 dum stabilita communicatione vasorum inter fetum
 et matrem, necesse est fluida ista, maxime in cor-
 pore debiliore, parte adeo subtili subtracta, muta- **p. 248.**
 tiones omnino insigniores producere, et in hac cau-
 sa Cl. Auctor maius, quam in suppressione men-
 strui in se spectata, momentum ponit. Appetitus,
 alimentorum acrium et duriorum molliem quam-
 dam seu debilitatem ventriculi arguere videtur, quae **p. 255.**
 alimenta, refocillando robori viscerum digestionis
 idonea, efflagitet. In grauidarum, quae sub initio
 grauiditatis de cardialgia multum conquectae et su-
 bito mortuae erant, cadaueribus numquam peregri- **p. 258.**
 ni quid in ventriculo Cl. Auctor inuenit, sed ru-
 borem phlogisticum, totum circuitum internum ori-
 ficiorum occupantem, vidit: inde eam saepe spasma-
 dicam, causa in aliis partibus haerente, declarat.
 Quae enim a pituita aliisque cruditatibus, in ventri-
 culo et duodeno collectis, proficiscitur, aut flatulen-
 tia, mitioris fere indolis sunt. Copiosior est haec de

- caussis cardialgiae et asthmatis in grauidis, tractatio,
p. 267. quam quae paucis possit contrahi. Agitur postmodum de caussis variarum doloris specierum, quos grauidae sustinent, et quantum vterus ad eos conferat, declaratur, brutaque facilius grauiditatem ferre, quia vitae ratione simpliciore vtuntur, ostenditur.
- p. 272. Singultus vel a deprauata digestionem, quod frequentissimum est, vel a membranis ventriculi, congestis humoribus male affectis, vel a diaphragmate, aliis a caussis in consensum ducto, v. c. ob infarctum viscerum cet. oritur. Vertigo vt plurimum caussis, ex viis digestionis ortis, adscribendus est. Postmodum de variis ventris fluxibus in grauidis ac tenesmo differitur et a deprauato earum, chyloque vitiato inde producto, horum incommodorum origo deriuatur.
- p. 274. Fluxus menstruus, durante grauiditate adhuc subsistens, vel plethorae sanguineae, vel relaxationi vasorum adscribi debet. Prior saepe salutaris dici meretur; posterior abortus frequentior causa existit. Id tamen omittendum non est, si fetui ipsi iniuria
- p. 295. facta fuerit, etiam hunc incommodum illud producere possit.
- p. 296. Cachexia deprauatam chyli elaborationem sequitur. Lipothymiae et syncopes diuersi gradus in genere dissolutionem plus minus insignem partis rubrae sanguinis, et penuriam liquidorum, massam sanguineam constituentium, pro causa agnoscunt, quam ergo a variis caussis praedisponentibus originem ducere in propatulo est.
- p. 301. Morbi in altera periodo grauiditatis, ab initio nempe quarti ad finem vsque sexti mensis, oriundi, in capite quarto sistuntur, sunt enim ex morbis primae periodi quidam, qui nunc cessant, alii contra
- p. 305. subsistunt, dum causae eadem adhuc agunt. Proprii autem huic periodo a dilatatione vteri, compressione viscerum ab eo, et pondere eius partibus admoto, cum quibus aut mediate aut immediate communi-

communicat, pendent. Ita tussis vel ab humoribus acris tracheam irritantibus, vel a situ fetus elatiore, pulmones mediate comprimente; palpi p. 306. tatio cordis a turbato sanguinis in abdomine circum p. 308. lo, et a visceribus abdominis compressis quamplurimam p. 309. rima alia symptomata proueniunt.

Ab iisdem causis, sed insigniter adhuc auctis, morbi P. II. grauidarum in tertia periodo oriuntur, v. c. incontinentia p. 313. vrinae, alui obstructio, haemorrhoides, oedemata et p. 321. varices cet. Profluuium aquarum, liquorem amnii mentientium, quod interdum aliquot hebdomadas ante partum accidit, pro hydrope spurio vteri habendum est. Examinatis nunc morbis grauidarum, in tribus subsequenter capitibus de effectibus, qui inde in fetum redundant, differitur: quos tamen cum ita comparati sint, ut facile ex causarum cognitione fluant, mittemus, nec nisi historiae cuiusdam mentionem faciemus, quam Cl. Auctor ipse exper- p. 370. tus commemorat. Meretrix, sexto grauiditatis mense a dissolutis hominibus vehementer fustigata et acuum maiorum puncturis vulnerata fuit, ita, ut harum laesionum vestigia hinc inde in corpore apparerent: Quindecim diebus elapsis, fetum mortuum partu enixa est, qui eadem vestigia iisdem in locis conspicienda offerebat, cetero corpore per totam superficiem sugillato.

Caput nonum noxas ex regimine peruerso, durante grauiditate, generali causa morborum grauidis priorum, enumerat, eoque modo subsequenter tribus capitibus viam parat, quae remedia ad morbos istos, in diuersis grauiditatis periodis docent. Caput itaque decimum primo integram diaeteticam grauidarum proponit, regulas nimirum de aere, victu, potu, motu corporis, veneris exercitio, animi affectibus, excretionibusque iustis limitibus seruandis, et postmodum de auxiliis, ab arte p. 372. p. 376. p. 408.

- repetendis, agit, quae causis accommodari oportet, ita, ut morbi, a plethora sanguinea et rigiditate solidorum extimescendi, sanguinis missionem proportionatam, balnea, potum diluentem et in genere victum lenem et humectantem; ii, qui a teneritate corporis, debilitate fibrarum, et fluidorum ad resolutionem propensione, oriri possunt, tonica et roborantia debita cum cura usurpanda, et pro rei varietate varianda, item incrassantia et id genus alia possulent. Si solida irritabilia sunt, nocent adstringentia quaelibet, et liquor anodynus mineralis, ex aquis amaris aut aromaticis guttatim sumtus, melius conuenit; idem fere theriaca vetus praestat. Simili modo in subsequenter reliquis duobus modis morbos in grauiditatis secundo et tertio stadio praeventendi ostenditur. Quantum noxae a thoracibus, ex virga balenaria confectis, feminis, utero gerentibus, oriatur, prolixè docetur. Vbi de determinanda sede causae conuulsione agit Cl. Auctor, feminam quandem refert, per longum tempus frequentissime dolore colico, cum motibus spasmodicis totum per corpus se extendentibus stipato, affectam, qui dolor cum in exiguo spatio determinato versus regionem lumbarem dextram oriretur, vrinaque purulenta esset, videbatur subesse vlcus in vesica aut in vreteris ea parte, quam sensatio indicabat; constanti tamen usu balneorum et sedantium neruorum morbus penitus sublatus est. Balneorum multiplicem in grauidis usum et necessitatem abunde laudibus extollit, nisi status relaxatus solidorum vel in vniuersum, vel vteri speciatim, ea prohibeat, quo etiam in casu venaesectioni locus non est, nisi infarctus vel congestio sanguinis partialis eam prophylacticam requirat.
- Sectionis quartae primum caput morbos, cum fetu communicatos, sistit, nimirum luem veneream, convulsiones

convulsiones, febres, variolas, icterum, ictus et alias laesiones violentas, quae omnia cum propria, tum aliorum experientia Cl. Auctor confirmat. Con p. 463. vulsiones matris tenellis nervis fetus tantam irritabilitatem impertire posse putat, quae dispositionem ad motus irregulares inducat, sensim magis magisque incrementem, ipsamque adeo matrem afficientem. Num quis in hoc capite digressionem, de antiquitate p. 466. morbi variolosi eamque amplam satis, quaesiturus p. 475. esset, nos quidem quam maxime dubitamus. Caput secundum morbos generales, fetus proprios, exhibet, nimirum febres, hydropem, variolas, spasticos morbos, icterum, praemissis nonnullis, de causis generalibus horum morborum in fetu, quae iam superius adducta fuerant; eas autem mutationes, quas tota substantia fetus patitur, nempe putrefactionem, exsiccationem, indurationem, se explicare non posse fatetur Noster, ideoque de his fusius non exponit. Caput tertium speciatim morbos cutaneos fetus contemplatur, quorum causae propriiores in mero, cutem fetus obducente, iusto densiori facto, concurrente simul acrimonia humorum; p. 497. remotiores autem in morbis matrum vel quacumque mutatione, ab iis fetus communicanda, posita sunt. Eadem causae suo modo morbos capitis producere possunt, de quibus, et speciatim de hydrocephalo, quartum caput agit. Rariores sunt morbi p. 513. pectoris, quum pulmones officio suo nondum fungantur: hydrops pericardii interdum deprehensus fuit: verum autem hydropem pectoris nonnisi in iis fetibus conspexit Noster, qui simul ascite laborabant. Fletum, clamorem et singultum fetuum in utero materno quam maxime in dubium vocat, et vix non omnia horum phaenomenorum exempla, suo quidem iure suspecta, arbitratur. Caput sextum p. 526. de morbis infimi ventris exponit. Ascites verus,

vbi aquae in cauitate abdominis, et spurius, vbi eadem in contextu cellulari abdominis membranisque haerent, et quarum posterior facile in priorem et hydropem vniuersalem transit, in genere ex omnibus iis causis oriri possunt, quae massam humorum imminuere possunt, tam ratione matris, quam fetus. Verus curationem numquam admittit: spurius in-

p. 530. terdum. Hydrocele, nisi a morbo alio primario pendeat, debilitatem vasorum venosorum lymphaticorum pro fonte agnoscit, et, sublata hac causa, tollitur. Postea de herniis, suffocatione per compressum funiculum vmbilicalem, et vermibus agitur. Ca-

p. 537. put demum vltimum huius sectionis paucis demonstrat, prophylaxin horum morborum ex nullo alio fonte, quam a diaetae regulis a matre seruandis peti posse.

p. 539. Accedimus ad sectionem vltimam, cuius primum caput de abortu in genere exponit. Praemissa distinctione inter euacuationem seu effluxum germinis spurii seu embryonis imperfecti, et verum ab-

p. 542. ortum, huius causae recensentur, quas aut in matre, aut in fetu ipso quaeri oportet. In matre eae sunt vterus vel iusto arctior vel amplior; morbi acuti; plethora sanguinea et humoralis seu humorum tenuiorum abundantia; calculus renum; ictus vel compressio externa, qualis ea est, quae a

p. 548. vestitu arctiori inducitur, cuius exemplum ipse Noster vidit, motus violentiores corporis; frigus; animi affectus; haemorrhagiae, inprimis vteri, atque inde profecta debilitas solidorum, alui fluxus; tenesmus; obstructio aluina; vrinae suppressio; odo-

p. 564. ramentorum varia genera, quae in suauia, foetida et mephitica Noster distinguit, ita, vt a prioribus duobus neruos tantum affici, ex posterioribus vero v. c. carbonum ardentium, locorum vliginosorum, cloacarum, cryptarum cet. particulas, per poros reforptas, ad viscera ipsa deduci, indeque primo aeris interioris

interioris elasticitatem destrui, postea vero liquida et solida ipsa deprauari existimet; vitia localia vteri v. c. scirrhus, aer, tympanitis more, inclusus; et plura alia. In fetu huc referri debent funiculus umbilicalis vel nimis longus, vel nimis brevis, vel p. 373. tensus, vel ex rarissima PANAROLI obseruatione vesicula tracheae adhaerens et circulum sanguinis intercipientis. Facile intelligitur, harum caussarum cognitionem remedia prophylactica suppeditare ad praecauendum abortum, quae obiectum secundi p. 575. capitis sistunt; signis ergo imminentis abortus expositis, auxilia, ex fonte diaetetico petenda, Cl. Auctor transit, et tantum, quae ars in casu urgente suggerere possit, indicat. Victus in quorumque casu vegetabilis eligendus est, potissimum ex leguminosis et farinaceis, additis lenioribus aromaticis; animalis non nisi ex iusculis tenuioribus aut ouis recentibus eorumue vitello aqua, vel iusculo excepto, constet. p. 579. Gelatina cornu cerni in ventris fluxibus prodest. Tunc etiam diascordium vel theriaca, vespere data, multum conducunt. In laxitate fibrarum infusa et decocta amara ac tonica, et, vbi simul nervi spastice afficiuntur, liquor anodynus ex aquis destillatis congruis sumendus magni vsus sunt: abstinendum eo in casu a spirituosius concentratioribus, nec, nisi sub lipothymiae vel syncopes metu vnum alterumque cochlear vini hispanici vel potionis cardiacae exhibendum. Sin violentia extus illata abortus metum faciat, venaesectio instituenda et diluentium, humectantium, temperantium vsu eiusdem effectus iuuandus est: eadem remedia cum antispasmodicis externis et internis sociata in omnibus reliquis casibus indicantur, vbi solida a quacumque massa irritantur et fluidis iusto maiorem motum impertiunt. P. 583. Vterus contra nimis humidus tonica cum balneorum adstringentium vsu requirit. Venaesectio in quouis grauiditatis termino nonnisi tum utilis est, quum vel

P. 589. vel a plethora vel subsequuturæ inflammationis metu indicatur; quod ubi non est, certissime semper nocet.

P. 594. Postquam in capite tertio causæ partus difficilis expositæ fuerant, nempe ex parte matris ætas vel nimis tenera vel iusto præcætor, morbi tum acuti, tum chronici, et intempestiuum liquoris amnii profluuium, ex parte fetus autem vel peruersa partium conformatio aut magnitudinis vitium, situs incongruus, placenta, orificio vteri obuersa, membranarum nimia densitas, spontaneam disruptionem non admittens, funiculi umbilicalis vitia cet. in ultimo de-

P. 604. nique primo, de generali notione vocis partus disseritur, postmodum causæ partus, in structura vteri et motu fetus hærentes, disquiruntur, et denique paucis partus ipsius negotium describitur, sicque totus hic primus tomus finitur.

XVIII.

Ragionamento intorno all' obbligo d' allattare i propri figliuoli, del CONTE BENVENUTO DI SAN RAFAELE. — In Milano 1769. Per Giacomo Agnelli. 8 mai. pagg. 38.

i. e.

Tractatus de officio matrum suos infantes lactandi, per BENEVENUTUM COMITEM DE S. RAPHAELE.

Propter argumenti similitudinem hunc libellum priori subiungimus, cuius Auctor tamen magis rationes morales, quam physicas respexit, licet de his etiam hinc inde quaedam proferat. Multum ergo abest, ut in diffusiori, quo usus est, dicendi genere paucis his plagulis argumenta ea omnia complexus sit, quin potius in fine scriptionis ipse eo se excusat, non omnes res dici aut debere, aut velle,
aut

aut posse. Ceterum sermonis genus floridum est, et interdum acriore sale adpersum, quam praeiudicia feminarum suae regionis, quae vero per omnem grassantur orbem, perstringit. Cuius asserto ut fidem faciamus, apostrophem ad feminas nobiliores, quae finem libelli efficit, huc referamus.

„Quantum ad vos, stirpes amplitudine reddituum,
 „auctoritatis et excellentiae distinctione et hono-
 „rum, quos aula tribuit, splendore clarissimae, in qui-
 „bus nonnunquam inde ab atauo pulcra et continua
 „successione vna cum mobili magnanimoque sangui-
 „ne portio non contemnenda scorbuti, cachexiae et
 „aliorum malorum extraneorum peioris indolis pro-
 „pagatur: tantum abest, ut vobis auctor sua forque
 „existam vestros infantes lactandi, ut potius idem
 „vobis dissuadeam. In contrahendis matrimoniis
 „eo tantum cura vestra respiciat, ut progenies ex
 „utraque parte aequae antiqua et illustris sit, ut dos
 „sponsae necessitatibus et ambitioni mariti respon-
 „deat, ut facultates sponsi sufficiant ad explendas
 „cupiditates indeterminabiles vanitatis femineae. In
 „id alloborandum vobis est, ut pulcro vinculo mu-
 „tuae aeternae, frigidissimae indifferentiae iuuenis
 „decrepitus triginta annorum copuletur cum in-
 „fante praemature senili septemdecim annorum, et
 „ut primis tantum entis viventis staminibus, progna-
 „tis a parentibus adeo prudentibus, nutrices eius-
 „modi rudes et rusticas, quae in tuguriis vegeta-
 „tione ignobili vigorosa gaudent. Vnde alterutrum
 „euenire conspicietis: aut prolem vestram nonnihil
 „sanitatis et roboris acquirere; aut nutricem ab
 „alumno particulam quamdam recipere contagionis,
 „quae magnates decet, dignissimam sordidae et im-
 „prudens ipsius venalitatis.”

XIX.

An essay on the diseases most fatal to Infants.
To which are added rules to be observed in
the nursing of children: with a particular
view to those who are brought up by Hand.
London: Printed for I. Cadell. 1767. 8.
min. pagg. 148. *)

i. e.

Tentamen super morbis, infantibus quam maxi-
me fatalibus. Accedunt regulae, in lactatio-
ne infantum obseruandae: ad eos habito re-
spectu, qui absque lacte materno nutriendi
sunt. Auctore GEORGIO ARMSTRONG.

Primo loco Cl. Auctor docet, morbos infantum et
cognitu non adeo difficiles, et numero non adeo
frequentēs esse, quam multi credunt, eosque vni
fere atque generaliori causa adscribi oportere, nem-
pe muco, copiosius a glandulis secreto, et cum ob
p. 14. copiam suam, tum ob defectum motus corporis ro-
borisque, intestinorum tenacitatem acrimoniamque
p. 16. nato. Primus fere infantum morbus sunt spasmi in-
terni, quorum origo huic causae omnino tribuenda
est, cum lymphā ex glandulis oris et faucium pressa
suctionis actu vna cum lacte deglutitur, cum muco
tenaci ventriculi commiscetur, lacque ipsum corrup-
pit, quod vel ab solo acido, in primis viis haerente,
p. 21. iam efficitur. Forte etiam aer, sugendo in ventricu-
lum

*) GEORGE ARMSTRONG *Versuch von den vor-
züglichsten und gefährlichsten Kinderkrankheiten. Nebst
Regeln, welche man bey dem Säugen der Kinder, wie
auch bey solchen beobachten muß, die ohne Brust auf-
gezogen werden. Aus dem Englischen. Zelle, 1769.
bey George Conrad Gsellius, 8.*

lum delatus, symbolam suam hic confert. Quorum P. 24.
 spasmorum causae, nisi tempestive tollantur, facile
 in aphthas transeunt. Nigras Cl. Auctor numquam, p. 26.
 nisi semel analogi, quid, conspexit, quod ficcitati
 aeris, in quo degit, adscribit: eas tamen semper
 signa putridi putat. Nisi et his succurratur, mate p. 28.
 riae, in primis viis haerentes, acriores redditae, vo-
 mitum, feces acidas, coagulatas, mucosas vel
 aeruginosas, diarrhoeas serosas, cum summo dolore
 coniunctas, et convulsiones producant, licet non-
 numquam vnus alterue horum morborum adsit,
 quem priores non praecesserint. Convulsiones in p. 31.
 genere, stimulo nervis illato, adscribendae sunt, et
 plerumque vt symptomata, ab acrimonia primarum
 viarum, vel inflammatione earum, vel a stimulo,
 gingivis sub dentitione applicato, pendentia, confi-
 derari merentur. Et haec est series morborum, qui
 infantibus periculosissimi sunt. Curatio spasmorum P. 34.
 internorum numquam negligi debet, quum gra-
 viorum morborum fundamenta iaciant. Optimum
 est; infantem, postquam nutrimentum hausit, non
 prius in lectum reponere, quam donec aliquoties
 sursum deorsumue aeri, in intestinis haerenti, exitus
 datus fuerit: ad quod praestandum motus et frictio
 lenior saepe sufficiunt. Causa valentiore existente,
 guttae aliquot vini stibiati praestantissimi usus sunt,
 cuius remedii dosis et iteratio viribus aegroti et causae
 magnitudini accommodari debent. Cauendum ta-
 men, vt aluus respondeat. Aphthae, vel febre quo- P. 43.
 que plus minus insigni stipatae, vomitorii, supra in-
 dicati, vsum optime ferunt, cui tamen, vbi obstructa
 est aluus, clyster vel pulvis ialappae ad duo vel tria
 grana, cum dupla quantitate sacchari permixtus, is-
 que, urgente necessitate, repetendus, praemitti debent.
 Ad os et fauces eluendas praestantius nullum inue-
 nit remedium Cl. Auctor, quam dimidium scrupu-
 lum

- lum vitrioli albi, in vnciis octo aquae communis, decocti hordei, vel pectoralis solutum, quod remedium, pro rei conditione, fortius reddi potest; hoc paullum calido linteum impraegnatur, et partes affectae ter vel quater intra viginti quatuor horas abstergantur. Hoc gargarismate quoque fere vnico et in adultis Noster vtitur, nisi linguam nimis siccam et quodammodo inflammataam deprehendat: et hoc remedio solo cancrum linguae pessimae indolis
- p. 49.** in puero quinquenni felicissime profligauit. Ad diarrhoeam vomitorium, supra adductum, omnia alia remedia efficacitate superat, neque absorbentibus prius locus est, quam acres materiae maximam iam partem euacuatae fuerint; quo in casu iulapium, quod cretam excipit, maxime proficuum censetur. Rarissime, euacuatis primis viis, anodyna necessaria sunt. Solutio grani vnus tartari emetici in vnciis tribus aquae, addito paucio syrupo, si ad cochlearis minoris mensuram sumitur, idem fere praestat, quod guttulae quinque vini antimoniat; neque ipecacuanha, quocumque modo exhibita, remediis antimonialibus aequiparari potest. Candide tamen Cl. Auctor fatetur, existere posse casus, vbi neque haec curandi ratio, neque vlla alia sufficere possit, quod ipse duobus, quae sibi acciderant, exemplis probat.
- p. 79.** Symptomata dentitionis difficilioris vix non semper a primarum viarum conditione pendent: neque ergo hic clysterum et laxantium, hisque adhibitis, emeticorum vsus negligendus est, et tum quoque, cum febricula dentitionem comitatur, adhibendus. Eruptio dentium molarium cum conuulsionibus, tempestiua ginginarum incisione mirifice iuantur. Varia vitiorum cutaneorum genera, si infans de reliquo sanus est, neque alui obstructione laborat, omnium optime sibi relinquuntur: sin tamen facies iisdem nimis foedatur, vesicatorium inter scapulas

pulas applicatum diuque apertum seruandum multum prodest. In morbis his retropressis vsum bal p. 88.
neorum et vesicatoriorum, exemplo quodam Cl. Auctor probat. Variolae, morbilli et tussis conuul- p. 96.
sua proprie ad morbos, infantili aetati proprios, non pertinent. Rhachitidem in loco domicilii sui raro, nec nisi in infantibus, Londini huc delatis, et nutrice vtentibus, obseruauit. Pauca dosis rhei, mundities, frictio bis vel ter de die adhibita, et balneorum frigidorum vsus malum breui sustulit. Multum etiam in scrophularum curatione suscipienda de remediis saepius iam laudatis sibi pollicetur, licet ipse his in p. 97.
eo morbo vtendi opportunitatem nactus non sit.

In altera operis huius sectione primo Cl. Auctor casus eos determinat, in quibus ancipitis consilii res est; aut ob alias causas fieri non potest, vt infans lacte matris vel nutricis sustentetur. Duplex modus est, infantes absque mamma muliebri alendi: alter ope cornu, alter ope scaphulae (boat) vel p. 106
cochlearis. Cornu vaccinum minus laeuigatum esse debet, quod sesquilibram circa contineat; cuius apex perforatus est et membranis pergamenis eum in modum inter se connexis, obductus, vt inde nutrimentum per orificium maius in cornu immissum exfugi queat, adeoque papillae artificialis quasi species efformetur. Cum autem hoc modo fluidiora tantum alimentorum genera infanti porrigi queant, idque maiori in copia, primae eiusdem viae inde relaxantur et multiplici incommodo exponuntur. Inde vtilius est alterum instrumentum, quod cibos solidiores capere potest, et a cochlearibus consuetis non, nisi magnitudine, differre videtur. Dum infans p. 113
adhuc lacte materno vtitur, conuenit pulticula ex mica panis albi, non adeo recentis, et aqua cocta, addito saccharo quodam oleosiore; sin autem infans
Secund. Decad. Supplement. H habitus

habitus corporis laxioris fuerit, praestat saccharum candidius, in metas formatum, ubi etiam aptius panis albo biscoctus substituitur. Pulticula eum modo gradum dulcedinis habere debet, qui lacti recenti est. Priusquam infans ablactetur, sensim spissius eidem nutrimenti genus porrigi oportet. Si infantem mox a partu sine lacte materno alere animus fuerit, lac vaccinum recens nutrimento eius admiscendum, idque interdum solum eidem propinandum est. Vaccino asininum omnino adhuc praestantius est. Ad flatum expellendos baccae iuniperi contusae vel nonnihil zingiberis nodulo includantur, et pulticulae incoquantur, et nonnumquam, si laxioris habitus est, cochlear tenuioris aquae menthae vel dulcis foeniculi porrigatur; sin ad obstructions aluinas propensus, parum mannae vel magnesia subinde alimentis eius addendum est. Cum ablactatione finita, durioribus cibis assuefaciendus sit nonnumquam inter prandium decocto crustae panis aequali parte lactis recentis, vel, hoc deficiente, cocti et tantillo sacchari remissi, utatur. Post tres quatuorve menses lacti iuscula carnum tenuiora substitui, et post sex menses, nisi ad obesitatem aut febrem inclinet, altero vel tertio quouis die exigua admodum portio carnis gallinae coctae, minutim concisae et cum mica panis et iusculo in massam pultaceam formatae, exhiberi potest. Conducit etiam tunc omni mane frustum crustae panis superioris, lacte vel alimentis consuetis imbutum, porrigere, ut infans illud sugendo copiosorem salivam alliciat, et tum frictione gingivarum eruptionem dentium adiuuet. De tempore sumendi alimenti parum in genere statui potest. Somnus infanti recens nato necessarius est atque utilis; ab eodem tamen paullisper retrahendus est, quum cibis densioribus assuescere debet. Si infantes interdum dormiunt, noctuque vigilant,

p. 122.

p. 134.

vigilant, optimum est, si eos, quocumque modo fieri potest, per diem a somno arceamus, et versus mediam noctem largiter nutriamus. Opiata tunc quam maxime nocent. Caussam alacritatis nocturnae quamdam etiam in cunarum per diem usu ponit Noster. Lectum igitur quouis modo cunis anteposit. Infantibus proficua iudicari potest agitatio, p. 141. ea tamen nonnisi moderata, et summa cum cautione adhibenda. Frictiones vix crebro satis repeti possunt. Multum etiam utilitatis habet, si infans omni mane aqua frigida per totum corpus abluatur, et caute postmodum detegatur. Excoriata cutis postmodum pulvere cyprio, mediante afflatu subtiliter conspergenda est. Excoriatio ab vrina acriori potius argilla fullonum, in aqua feruenti dissoluta, posteaque frigesacta, quam cerussa tractari debet. Humiditatem pone aures friuole suppressere non conuenit, sed pars affecta quouis mane frigida aqua abluenda, et dein linteo sicco paullo fortius fricanda est; effluxum vero nimis copiosum, linteum combustum, quod pro fomite inseruit, satis exsiccatur.

XX.

IOHANN FRIEDRICH ZUCKERTS *der Arz-*
neygelahrheit Doctors Unterricht für rechtschaf-
fene Eltern zur diätetischen Pflege ihrer Säug-
linge. Berlin, verlegt August Mylius, 1764 8.
9 $\frac{1}{2}$ Bogen ohne Titul und Innhalt.

i. e.

Admonitio ad parentes de seruando regimine
diaetetico infantum lactantium. Auctore
IOANNE FRIEDERICO ZUCKERT.

Summo iure Cl. Auctor iis est annumerandus, qui
id curae cordique habent, vt homines, scientiae
medicae expertes, instruantur atque doceantur,
quantum ad conseruandam vitam liberorum regi-
men diaeteticum infantum lactantium faciat. Tri-
plici quippe modo salus liberorum a parentibus po-
tissimum pendere arbitratur; nempe si a parenti-
bus sanis ac vegetis gignuntur, in vtero materno
iusto nutriuntur et aura vitali conuenienter educan-
tur. Ad educationis autem regulas concinno ordi-
ne tradendas, opus hoc in nouem diuisit Cl. ZÜC-
KERT sectiones, et in prima de iis, quae protinus
a partu cum infante recens nato peragenda sunt, in
secunda de fasciarum applicandarum modo, in tertia
de nutrimento illi praebendo, in quarta de vigilia
et somno, in quinta de aere, in sexta de motu et
quiete, in septima de excretionibus et munditie
praestanda, in octaua de animi affectibus exponit
tandemque in vltima cautiones quasdam peculiare
subiungit, in cura infantum obseruandas. Summa
hac huius libri, iis, quibus infantes sunt educandi,
vtilis, praemissa, de nonnullis singulis videamus.

p. 16.

Ad meconium eliminandum, consuetis medica-
mentis addit Noster pauxillum ipecacuanhae. Bal-
nea

nea frigida in nostro climate aliena putat, praesertim cum corpusculum fetus iam in vtero materno texturam teneriorem ab habitu parentum nanciscatur.

Fascias Noster non admittit primis diebus lin. p. 27. teaque molliora tum suadet, ac omnino nec premere, nec motum, neque respirationem impedire debent. Alias illae Nostro distorsionis et rhachitidis prima fundamenta ponere, aliaque maiora incommoda visceribus abdominis et thoracis contrahere videntur. Acubus ad fascias firmandas praefert ligulas tenuiores, nodorum tamen, ne premant, habita ratione.

Solum lac maternum nutriendo infanti conuenientissimum a Nostro censetur ac probatur, objectionibus refutatis. Dein de obligatione matrum ad infantes lactandos exponit, easque non, nisi summa necessitate, a lactandi officio excludit. Tum vero nutricem eligit, in qua eligenda inter alia ad capillorum calorem indifferentem et habitum corporis, qui matris corpori respondere debet, respicit, ac summopere cauet Noster, ne nutrix sit menstruata.

Tum diaetam lactantium Noster persequitur. p. 81. Aer sit temperatus. Alimenta aetati et constitutioni infantis accommodantur. Abstineat nutrix a dulcibus, praesertim mellitis, a veneris exercitio prorsus, nec non ab omnibus animi commotionibus.

Porro quomodo infanti lac porrigendum sit, docetur. p. 95. Qualitatem et quantitatem nutrimenti vires digestionis definire oportet. Infans tunc lactandus est, quum nutrimentum desiderat, id quod non ex solo fletu patet. Infantes certis horis definitisque assuefaciendi sunt.

His addit reliqua infantum alimenta. Pulticu- p. 105. lis tenacioribus ex farina cerealium, prorsus a Nostro reiectis, praefert pulticulam ex mica panis, cereuisia

reuisia tenuiore cum melle despumato seu saccharo, ac robustis infantibus sexto, debilibus octauo aetatis mense exhibet Noster.

p. 118. Dum vigiliam ac somnum infantum considerat, cunarum vtilitas demonstratur. Somnus infantum sit largior, aliquas per horas autem vigilant infantes. Cunarum agitatio sit placida, minime vehemens.

p. 128. Infantes, a robustioribus parentibus nati, statim a partu liberiori aeri exponi possunt, a tenerioribus e contrario, cutis et fibrae eorum densitas sufficiens antea acquirenda est. In suffimentis adhibendis ad aerem conclauium depurandum caute versandum est, ne pulmonibus vis inferatur et odores fortiores noceant.

p. 133. Quod infantum gestationem in brachiis spectat, illa moderata sit, neque nisi conueniente situ infantis, instituatur, neque protinus post assumta alimenta. Cui praeferendam censet vectionem in curru, lectulis mollibus instructo, serena tempestate, solo firmo, non autem in pauimento lapideo, et nonnisi moderatam.

p. 138. Munditiei summa cura haberi debet, infantesque quantocyus a quauis spurcitie sunt liberandi. Inde optimum est, si infans, quotiescunque sine signis famis plorat, ex lectulo ac fasciis eximatur et sordities, loco linteorum siccorum, aqua tepida abstergetur. Ceterum lintea vetustiora, balnea, frictionem capitis ac corporis omnino suadet. Fasciarum nimis arcta applicatio vel ideo nocet, quia salivae, muci narium, humoris ex auribus, imo vrinae copiosorem secretionem et effluxum efficit.

p. 141. Quamuis in sensu strictiori infantibus recens natius affectus animi adscribi non possint, sed earum actiones mere animales videntur, attamen quadam ratione et terroris et irae effectus in iisdem conspiciendos,

ciendos, se praebent. Quapropter omnes occasio-
nes, quibus infantes terrore percutiuntur seu ira in-
candescunt, a nutricibus et ab iis, quae curam eo-
rum habent, sedulo sunt euitandae.

In vltima sectione ex traditis cautionibus has P. 148.
selegimus: nutrix infantem lactatura illi in cunis,
iacenti, non, copore suo super eas protenso, mam-
mas praebet, neque eum in lecto iuxta se collo-
cet. Pessimum quoque est, corpus infantis femori-
bus in situ supino imponere, collo eiusdem deor-
sum et retrorsum inflexo.

XXI.

Lettre à Mr. ZIMMERMANN, Doct. en Méd. des
Académies de Basle de Palerme, de la So-
cieté Oecon. de Berne, etc. sur l'épidémie
courante. Par M. TISSOT, D. M. de la
Soc. Royale de Londres, de l'Acad. de Basle
de la Soc. Oecon. de Berne. A Lausanne,
chez Francois Grasset. Et à Paris, chez P. F.
Didot le jeune, 1765. 8. pagg. 122.

i. e.

Epistola Cl. TISSOT super epidemia nunc
grassante, ad Cl. ZIMMERMANNUM directa.

Sub finem autumnii et initium hyemis anni 1764 p. 5.
morbi, nonnisi inflammatorii, maxime pleuritici,
grassabantur: sensim tamen putrida quaedam indo-
les iisdem se admiscebat, ita, vt mense maio, quo
scripta fuit haec epistola, tres pleuritidis species: in-
flammatoria simplex, cum biliosa complicata, et bi-
liosa simplex, regnarent, licet in hoc loco haec, in
alio alia reliquis frequentior esset. Notandum est,
phaenomena in cadaueribus, specie prima ac tertia
demortuorum, parum inter se differre: discrimen

H 4

maxime

- maxime in eo positum est, quod in hac crusta, pulmones obsidens, minus alba, feri, in cauo pectoris effusi, maior copia magisque flauescens color, pulmo minus durus, sanguis in maioribus vasis fluidior, et in vniuersum plura colliquationis et putredinis, quam suppurationis vestigia conspiciantur. In morbo inflammatorio sanguis mittendus est, quocumque eius tempore symptomata inflammationis, in cruditatis adhuc versantis statu, adsint: inde Cl. Auctor exempla quaedam memorat, vbi duodecimo, decimo tertio, imo decimo sexto morbi die vena maximo cum successu secta fuit. Quodsi, neglecta quoque sanguinis subtractione, aegri morte eripiantur, imperfecte tamen et tardius conualescunt.
- P. 22. Vesicatoriis tunc demum vtendum est, quum moles nimisque impetus humorum venaesectione imminuta fuerunt; inde multum praestant in peripneumoniae verae eo tempore, quo solidorum tensio se remittit, sanguinisque phlogistica densitas solui incipit, quod tamen auxilium in eodem morbo, quum acutissimus fuerit, ob breuiorem eius durationem locum non habet, et in leuiori gradu vix necessarium est. Ad praecipua demum remedia vapor aceti et aquae ebullientis referri meretur.
- P. 27.

- Ad melius diiudicandam pleuritidis putridae vel biliosae indolem, quae primarium obiectum huius epistolae sistit, primo loco constitutio aeris, eam praecedens, eique comitata, disquiritur. Plures per menses fere perpetuo auster, in ista regione semper humidus, regnauit, raro intercedente borea, neque vmquam aere venti impetuosioris depurato; accedebant pluuiiae frequentiores, hinc inde nebulae densissimae ac foetidissimae, gelu non nisi modicum neque diu durans, vnde cum in vniuersum corporis actiones turbabantur et debilitabantur, tum praecipue pulmonibus insignis iniuria afferebatur. Violentia
- P. 30.
- P. 31.

lentic febris, diuersitas partium, in quas corrupti et alcalescentes humores congerebantur, maior minorue horum depositorum copia, inductaeque inde destructionis gradus, denique aut bona aut mala corporis aegri conditio, diuersitatem morbi efficiebant. In quibusdam morbi prodromi, indispositio in genere, a vitatis humoribus profecta, per aliquot dies P. 33. sese prodebant: plerumque vero morbus ex improviso homines sanos viros adoriebatur. Prima symptomata erant horror, cum duratione, tum magnitudine differens, magno calore subsequente, viriumque insignis prostratio. In omnibus, licet nunc citius, nunc tardius, strictura summe dolens, a scrobiculo cordis per totum pectus extensa, anxietates summas et suffocationis paene metum inducens, paucis tamen elapsis horis euanescens; quam morbi huius signum pathognomonicum Cl. Auctor iudicat. Praeter haec aderant dolor lateris alterutrius punctorius, interdum iam sub horrore aut calore praesens, sed plerumque strictura pectoris discussa demum se manifestans; tussis fere semper iuncta, frequens ea quidem, at non adeo vehemens, et excretionem, raro copiosa, materiae plerumque spumescens, nonnumquam sanguine, raro tamen maiori in copia remissae, stipata, raroque ultra vnum duosue dies perdurans; pulsus celer, parum durus et plenus; plerumque sub initium cardialgia, interdum vomitus; lingua in principio parum mutata, sed intra viginti quatuor horas coloris nunc plumbei, nunc prorsus nigri, quod tamen nihil portendebat mali, modo humiditas adesset; caput in aliis liberum, in aliis multum dolens, plerumque autem grauitatis modo sensum percipiens; aluus non raro occlusa, vel diarrhoea parca cum crebriori desidendi cupiditate et fecibus foetidissimis; vrina varia, raro perfecte subsidens, interdum, quod fere grauitatem

morbi praefagiebat, sanae simillima; sudor raro aut
 abundantior, aut prorsus nullus; abundantior in
 principio morbi atrocioris indicium; somnus vel
 nullus, vel noxius magis, quam proficiuus, quod in
 pluribus morbis acutis obseruauit Cl. Auctor; morbus
 quotidie horis incertis, plerumque per noctem, ad
 aliquot horas exacerbabatur; facies a principio col-
 lapsa et fordide flaua, sub reditu paroxysmi rubebat
 et sudabat; vermes in pluribus vel vomitu vel per
 aluum reiciebantur, quod tamen et in hoc morbo,
 et in aliis epidemiis putridis potius a saburra prima-
 rum viarum mota pendet, quam quod vere causa
 morbi vel symptomatum in vermes coniici possit.
 In infantibus tamen vnum symptoma ab iisdem pro-
 ficisci videtur, nempe affectiones pectoris et abdo-
 minis alternis vicibus se excipientes, sibi que, inuicem
 pluries intra dimidiam horam succedentes, postmo-
 dum subito cessantes, elapsisque aliquot horis, rur-
 sus redeunt. **p. 43.** Morbi tres diuersi gradus erant,
 symptomatum leuitate et grauitate inter se discre-
 pantes, ita quidem, vt mitissimus, vno saepius eua-
 cuante adhibito, intra tres quatuorue dies dispareret,
 grauissimus e contrario, iis tamen propitio fato non
 nisi rarior, intra idem tempus, imo secundo iam die,
 aegros iniularet: communissime tamen morbus a
 septem vsque ad decem vel duodecim dies durabat.
 Bonum euentum praedicebant paroxysmorum re-
 cursus minus fortes, anxietas cessans, euacuatio-
 num naturalium facilitas, respiratio liberior, so-
 mnus bonus, appetitus cum viribus rediens. Mor-
 tis autem praenuncii erant venter tensus, vrina par-
 cior, pectus et nonnunquam cerebrum, a materia
 morbifica obfessa, saepe sudor multis anxietatibus
 stipatus, tubercula minora, in superficie corporis
 erumpentia, alia sicca et nigra, pulsus celer, fre-
 quens et durus, deliria ferocia, et prae reliquis
 omnibus

omnibus eadem cum oppressione et gangraena coniuncta. Neque decubitus semper ad pulmones fiebat, sed nonnumquam ad cerebrum, unde phrenitis subito letalis, nonnumquam ad hepar, quostamen aegros aequae ac alios, in quibus metastasis ad mesocolon lateris sinistri facta videbatur, Cl. Auctor sanitati restituit. Dolores acuti, per totum corpus sese expandentes, aequae ac lenior eiusdem inflatio, nullius periculi erant: sed grauioris momenti res erat debilitas naturalis pulmonum. Recidiuarum rariora exempla occurrerunt. Neque consultum fuit, huius morbi curationem solis naturae viribus, quas putrida dispositio nimis debilitat, relinquere, quandoquidem nec in vomitu, nec in diarrhoea, nec in vrina, nec in sudore crisin quamdam spontaneam perfectam expertus est Cl. Auctor: si qua possibilis erat, ea vel in expectoratione copiosiore, vel in tuberculis, supra memoratis, posita erat, iisque erosione insigni, nonnumquam etiam suppuratione comitatis; quae vero nonnisi tum oriebantur, quum in leuiori morbi gradu euacuantium usus neglectus fuerat.

Morbi huius indolem putridam neque causae P. 58. eius, in aeris vitata qualitate sitae, neque epidemica constitutio, quae vtplurimum ad eam indolem accedere solet, satis indubitato declarant: sed character pulsus, longe recedentis a duritie inflammatoria, quae venaesectionem adeo necessariam reddit, progressus morbi minus regularis, quam in pleuritide inflammatoria, effectus noxius venaesectionis, sputa minus copiosa et minus sanguine remissa, irregularitas in alui excretionem, saepe varians faciei color, sanguinis, ex vena missi, differentia, medicamentorum simplicium aquosorum, nitrosorum, farinaceorum, quae in inflammatorio morbo adeo profunt, noxa, dum illis putridus fomes tantum diluitur et ad circulum

culum humorum ingrediendum aptior redditur, omnino simul considerata sunt.

- p. 66. Morbum autem hunc eodem modo tractavit Cl. Auctor, quo in curatione febris biliosae, quae ante duodecim annos Lausannae dominabatur, usus est, et quem in libro, de hac febre conscripto *) iam proposuit. Mox in principio vomitorium ex tartaro emetico, larga dosi aquae excepto, addita conuenienti portione syrapi capillorum veneris, per partes sumendum, exhibebat: rarius in hunc finem ipecacuanha utebatur. Prius remedium etiam tum propinabat, cum tardius v. c. a quinto ad octauum diem, accersitus fuerat, nisi debilitas nimia, aut gangraena intestinorum eius usum prohiberent. In quodam aegro, qui febrem et dolorem lateris remediis quibusdam vicerat, sed adhuc tussi, debilitate, sapore deprauato, et singulari molestia circa ventriculi regionem vexabatur, duo grana ipecacuanhae, die decimo sexto et septimo iteratis vicibus exhibita, excitato parco vomitu, omnia haec incommoda disparuere: qua occasione de viribus huius radicis, in dosi minori exhibitis, differit, putans, eas maiori vel minori copia corticis adscribi oportere, quum in eo efficacitas omnis consistat, fibris medullaribus lignosis prorsus eadem destitutis, ideoque solius corticis usum commendans. A vituperio deinde contradictionis se defendit, quod incurrisse videri posset, quum alibi emeticorum usum sub principium morborum reiecerit, ostenditque, illa omnino in morbis inflammatoriis, aut ex his et biliosis complicatis, nocere, nisi prius inflammatio discussa fuerit, neque tum in putridis simplicibus conuenire, quum humores viscidiores fuerint, sed tunc prius opus esse, ut ii fluidiores reddantur. Purgantia per aluum emeticis nullo modo equiparanda erant. Inde ad
- utilitatem

*) vid. Comment. nostr. Vol. VII. p. 225.

utilitatem emeticorum in praecauendis eruptionibus miliaribus, morbis putridis superuenientibus, digreditur, et demum ad reliqua auxilia, morbo nostro debellando apta, redit, inter quae ptisana ex hordeo cum oxymelle simplici primum erat; quum vrina non sufficienti in copia excernebatur, vel bilis secretio vitata erat, decoctum radicis graminis, et illud quidem meracius, ita, vt vncia vna ad vnam cum semisse ex vnciis decem aquae coqueretur, addito parum aceti vel succo citri, in usum vocabat. Potum ex aqua, saccharo et multo succo citri tunc praeferebat, quum vel post vomitorium sapor peruersus, multus calor internus, deiectiones admodum foetidae, auersatio omnium reliquorum potus generum, et ingens cephalalgia aderant. Quum acida vegetabilia adeo bene proposito fini responderent, raro mineralibus utebatur. Cremor tartari, post vomitorium, praestantissimum ipsi remedium fuit, cui si vim purgantem conciliare volebat, ad drachmam eius tertiam vel dimidiam partem granis kermis mineralis adiungebat. Lotiones simplices ex decocto maluae et duabus mellis vnciis, nonnumquam ex sola aqua tepida, vel decocto furfurum, bono semper effectu se commendarunt. Victus praescribebatur ex cerealibus, in aqua coctis, et pomis aliquot coctis; si iusculum carniū locum habebat, illud nonnisi ex pullis cohortalibus parandum erat. Febre profligata, interdum purgante opus erat, interdum parum cremoris tartari et rhei per tres quatuorue dies mane sumtum, sufficiebat. Haec consuetudo medendi via erat, a qua tamen nonnumquam, ob malum complicatum vel symptomata singularia, recedere Cl. Auctor coactus fuit. Sic in aliis emeticum repetitum requirebatur; in aliis ob debilitatem camphora vel sola, vel addito kermes minerali, in aliis vesicatoriis opus erat, quae cum ardorem vrinæ

p. 86.

p. 92.

nae interdum efficerent, isti incommodo lotiones blandissimae et emulsiones amygdalinae medebantur. Vbi metastasis ad hepar facta erat, ab emetico abstinebat Cl. Auctor, et vnico tantum aegroti pauca ipecacuanhae grana exhibebat: reliquam in his casibus curationem cremor tartari, serum lactis, succi plantarum saponacearum, et lotiones, in aluum immissae, praestabant.

P. 95. Expositis morbi historia et curatione ad, prophylaxin eiusdem se conuertit Cl. Auctor, et primo loco timorem nimium ex animis ciuium suorum excutere allaborat, dum partim periculum morbi huius non adeo ingens esse demonstrat, siquidem, calculo ducto, ex quinquaginta aegrotis, iusta methodo tractatis non nisi vnus periit, partim illum prorsus non contagiosum dicendum esse ostendit, hacque occasione discrimen inter morbum contagiosum et epidemicum, quos plerumque inter se confundunt, clarissime ac solidissime explicat. Quum autem, animo licet composito, causae tamen generales euitari nequeant, et saepe fomes morbi iam in corporibus haereat, opus est, vt aer, quantum fieri potest, optimus hauriatur, corruptio bilis et reliquorum in genere

p. 106. humorum praeuertatur, idque, quod iam corruptum fuerit, adiutis quibuslibet euacuationibus naturalibus, eliminetur. Hae intentiones obtinentur aere conclauium, quae nec nimis hominum copia repleta, nec calidiora esse oportet, saepius renouato; alimentis paullo parcius assumtis, cauendo inprimis victum animale nimium et potum aquosum calidum; largo vsu acidorum, ne ipso quidem vino, aqua admodum temperato, noxio futuro; leniore euacuatione, quae sumtis omni mane duabus drachmis cremoris tartati ex aqua frigida, optime praestatur, valentioribus euacuantibus non nisi tum necessariis, quum grauiora symptomata morbi

morbi accessum praenunciant, et exercitio corporis moderato. Munditiei omni opera studendum esse, per se patet. Breui postmodum compendio totam medendi methodum Cl. Auctor proponit, quo vno intuitu perspicui possit. Nitro rarius usus est, quod in praesenti morbo, sanguinem resoluendo, saepe putredini magis fauet, quam obstat. Qui eadem sub epidemia regnabant morbi, omnes a constitutione aeris impressum quemdam obtinebant. Febres putridas simplices eodem, quo epidemicum morbum, modo curavit, et in eo gloriam quamdam ponit, uti in omni Europa neminem nitro copiosius, quam Cl. BROKLESBY, sic neminem copiosius acidis, quam se ipsum, uti. Morbi nervorum frequentiores erant, cum partim aeris constitutionem, partim causas reliquas, in corpore haerentes, nervosum systema vehementer irritasse, nullum dubium sit. Interdum non adeo frequentem fuisse mirandum est. Dolores rheumatici, ut frequentissimi, sic pertinacissimi; infantes crebro morbis affecti, qui tamen emeticis vel purgantibus optime cedebant; hecticis temperies aeris infensissima erat. Et ab eius correctione, redeunte borea, et postea aere sicciore reddito, morbum istum finitum iri, spes summa erat, quum longior austri, accedente calore, duratio illius augmentum maius minaretur.

XXII.

GAROLI KRAPP magni Hetruriae ducis, archiducis Austriae, archiatri, acad. botan. florent. sodalis, experimenta de nonnullorum ranunculorum venenata qualitate, horum externo et interno usu. Viennae Austriae, ex officina Krausiana. 1766. 8. pll. 7.

Quum aliquot species ranunculi a variis insectis appeti et comedi, alias autem contra assertum Cl. MILLER, a pecoribus deglutiri sine noxa videret Cl. Auctor, ad experimenta cum in suo corpore, tum in animalibus, haec tamen parciora, quibus quippe minor habenda sit fides, instituenda deductus fuit. Vfus autem in hunc finem est ranunculo scelerato, sardoe, bulbofo, echinato, napellifolio, illyrico, thora, aquatili, breynino, et ficaria *), quod has species commodius reliquis habere poterat. Auricomus, repens, et lanuginosus itidem quidem a Cl. Auctore disquisiti, acrimonia tamen adeo destituti inuenti sunt, vt potius oleraceis, quam venenatis plantis accenferi mererentur. Nos vero, quum experimentorum vtique copiosorum, nec omni semper aut periculo aut molestia destitutorum, repetere seriem nec possimus, nec necessarium arbitremur, in solis inde deductis corollariis subsistemus. Omnium horum ranunculorum, exceptis breynino, et ficaria, acrimonia caustica est, erodens, inflammans, usu interno periculosissima, externe vero vt vesicatorium egregio, debita quoque cum cautione forte sternutatorium praebens, dummodo recentes plantae fuerint: maior quoque earum efficacia est, quo

*) Nomina triuialia ex Cl. CRANTZII stirpibus Austriacis desumpta retinuimus.

quo diutius cuti applicantur, aut, quum vesicula formata aperitur. Consistit haec acrimonia in parte volatili, igne, decoctione, exsiccatione, maturatione auferenda, vt adeo plantae nutritioni aptae reddi queant, decoctumque ranunculorum egregium et gratum remedium pectorale euadat; neque tamen acidae, neque alkalinae indolis est, omnibusque fere a rebus, quibus sapor qualiscumque inest, intenditur, et summe caustica redditur, neque a castoreo, neque a septingentis fere herbis, quas omnes tentauit, et nominatim adducit Cl. Auctor, domanda, sed potius a plerisque aucta, et soli acetosae, si cum iis in substantia misceatur, partesque nondum erosae fuerint, cedens, ab immaturis etiam ribesiorum baccis non-nihil mitiganda. Optimum tamen antidotum est aqua, cuius vnciae sex cum dimidia succi expressi ranunculi scelerati drachma commistae, illum vsibus internis aptum reddunt, adeo, vt in octuagenario ab eodem remedio dysuria sanata, vlcera pulmonum depurata et restituta fuerint; vt ergo omnino cautus eiusmodi remediorum vsus commendari utique mereatur. Irritatio in partibus internis inducta, acetosae et aquae cedit, erosio autem subsequens balsamo Peruuiano et aqua tepida vel sola, vel additis mucilaginosi et terebinthina, curatur. Ad vsus externum bulbosus prae reliquis conuenit, qui per plurima anni tempora recens haberi, et hyeme in bulbis facile sub sabulo seruari potest, suo ergo modo cantharidibus fere praeferendus. Verucis tamen, nisi admodum superficialibus, pernionibus, dentium doloribus applicandi non sunt, neque radice sicca pro sternutatorio vtendum: ad pforas tamen et lepras externus eorum in balneo, GALEN O iam suadente, aequae, ac internus vsus Cl. Auctori tentandus videtur. Bulbosus et thora scelerata, ad quem sardaeus efficacitate accedit, potentiores

Secund. Decad. Supplement. I tiores

tiores, bulboſo echinatus: Omnium accerrimus breyninus; illyricus et napellifolius bulboſo ſimiles ſunt.

XXIII.

La ſtoria della grave malatia di un perſonnaggio illuſtre, con le ſue annotazioni ſcritta da ANTONIO LIZZARI. Venezia, 1765. Preſſo Antonio Zatta. 8 mai. plagg. 8.

i. e.

Hiſtoria grauis morbi perſonae cuiusdam illuſtris, deſcripta annotationibusque illuſtrata per ANTONIUM LIZZARI.

Vir quidam et nobilitate generis, et meritorum in rempublicam dignitate, quam maxime conſpicuus, ſtaturae corporis minoris, coloris fuſci, ingenii feliciffimi, gulae iuſto plus indulgens, ad quadrageſimum tertium uſque aetatis annum grauiore morbo nullo adfectus, quum negotiorum patriae reipublicae curandorum cauſſa Londini degeret, ſubito febre vehementiſſima, graui lethargo ſociato, correptus eſt, cui venaeſectione mederi volebant adſtantes: opportuno autem tempore a rege ſuo ablegatus Cel. MEAD huic conſilio ſeſe opponebat, podagrae aduentum ſubſequuturum ſuſpicatus, quam etiam ſuſpicionem podagra ipſa non multum poſt ſuperueniens confirmabat, quae, paroxyſmo modico, nec nimia febre ſtipato deſaeuiebat, et ſtatis temporibus recurrens, per reliquum anni tempus aegro ſanitatem ſatis bonam relinquebat. Grauioribus tamen interea in republica muneribus admotus diaetae, regularum ſemper negligentior erat: inde aliquot, ante obitum eius, annis accidebat, ut ungues deſluerent, et totum corpus ſerpigine

serpentine vaga obsideretur. Quum nunc, post quatuor annorum continuum operosumque exercitium corporis, duos annos vita paene otiosa, quod corporis motum, licet non aequae animae functiones, spectat, consumsisset, et tum per multam noctem magnamque horarum matutinarum partem, cum statim post prandium ad aliquot horas somno indulgisset, obesitatem insignem, et praecipue abdominis enormem molem, nactus est. Tribus circa ante mortem annis, quum solita aluina excretio sensim languescere incepisset, solitus podagrae paroxysmus accedens, eandem magis adhuc retardavit; inde aliquo die subito, post dolorem ventriculi, dolores colicos sensit, intra paucas horas summe incrementales et febrim multum intendentes, subsistente tamen arthritico dolore; sanguine, qui vere inflammatorius tamen erat, ex brachio dextro misso, et conuenienti laudani liquidi SYDENHAMII dosi exhibita, morbi impetus fractus, et remediis, aluum laxantibus, intra paucos dies, una cum podagrae insultu, sublatus fuit, neque umquam rediit, licet redeuntem quemuis arthritidis paroxysmum molestus in ventriculo sensus, oris amarities, borborygmi, flatus et ructus comitarentur. His molestiis mortuus aeger, quotannis cura prophylactica utebatur: nempe laxantibus lenioribus, sero lactis, in quo herbae quaedam amarae et resoluentes coctae fuerant, ptisana ex falsaeparillae et chinae radice et viperae dimidia parte, seruata simul diaeta tenuiori et frequentiori, adhibita exercitatione corporis: neque tamen reliquos diaetae errores villo modo correxit. Inde medio ianuario 1765 paroxysmum podagricum, qui alias semper, vel in fine autumnus, vel ipsa adeo iam hyeme redierat, nunc quoque recurrentem sensit, eumque regularissimum, et, post quatuordecim dies, sudore primo vniuersali,

I 2

postmodum

postmodum pedum, vrinaque crassa primum et rubella, postea copiosiore et dilute flaua terminatum. Cum deinde ad conualescendum aliquod tempus impendisset, post vnum circiter mensem a paroxysmo in publicum rursus prodiit, et conuiuiis lautioribus interesse incepit: inde tamen interdum de variis vitae incommodis conquestus, quae vero prorsus vilipendit. Sed, quum aliquando, perfecte sanus visus, ad mediam vsque noctem hilaris societati amicorum interfuisset, altero die, decimo martii eiusdem anni, minister in conclaue intrans, eundem in lecto, genubus incubantem, sui que inscium, inuenit, eo que in situm commodiorem delato, auxilium quaesivit. Cum forte Auctor Noster absens esset, accersitus est Professor quidam, cuius vero nomen reticetur, qui, inuitis licet adstantibus, venaesectiorem in brachio sinistro instituebat; quod vero antequam fieret, materias quasdam nigras euomuit aeger, indeque id demum precibus vxoris aegri medicus dedit, vt clyster iniiceretur, quo breui post immensa copia materiae piceae, nigrae, foetidissimae educta est. His tamen non obstantibus, tamen vena denique secta est, sanguine nigro effluente, quem Noster, quum duas horas post hanc operationem, et octo horas post quam primum aeger morbo laborare conspectus fuerat, disquirens coloris, nigricantis, absque crusta inflammatoria, substantiae magis languidae, quam firmae, sero admodum lixiuioso et bilioso donatum inuenit. Aeger soporosus quidem iacebat, sed vocatus mox expergiscebatur, et sui conscium esse declarabat, neque motu, neque loquela prorsus carebat, neque de cephalalgia conquerebatur; pulsus autem summe febricitans et nonnihil debilior erat. Ex his signis vterque medicorum febrem praecipuum morbum, capitisque affectum, nonnisi symptoma eiusdem esse, colligebant, et protinus vtrique femori vesicato-

vesicatorium, et paullo post ano hirudines applicanda iubebant; unde factum est, vt, elapsis tribus horis, caput liberari inciperet, pulsus leuaretur, lenis maior corpus occuparet et febris mitesceret. Per noctem pluries aluum sponte deposuit, materie biliosa, obscuri coloris et foetente, eliminata, et postero die melius habuit, adeo, vt etiam praeterito die ipse actorem reminisceretur; vesicatoria etiam urinae largius profluvium excitarunt, eiusdem coloris, qualis ei, sub initium febrium periodicarum biliosarum perniciosarum esse solet. Sed fere eadem hora, qua superiori die vena secta fuerat, paroxysmus febrilis rediit, affectu soporoso, licet leuiori, leui extremorum frigore et pulsu contracto stipatus; oculi tamen plus splendoris naturalis, quam in paroxysmo priori, habebant. Licet etiam sopor per noctem continuaret, aeger tamen se mente constare variis modis declarauit. Tercio mane, ad extirpandam morbi radicem, purgans ex rhei drachma dimidia et diagrydii granis duodecim praescriptum est, quod tamen aeger semper abhorruit, medicamenta quaeuis recusans: inde clysmatibus et fomentis solis insistendum erat, quibus prodigiosa quantitas foecum rancidarum et biliosarum euacuabatur. Eadem fere hora huius diei, iisdemque symptomatibus redeuntibus, febris rediit, minus tamen itidem vehementibus. Lingua humida et viscida, dentes eiusdem indolis, anima foetens, vrina sedimentum flavum, quod lintea croceo colore tingebat, deponebat, abdomen a plenitudine humorum turgens, hypochondrium dextrum obscure dolens, ructus putridis ovis similes, luridus faciei color, pulsus debilis, febris quamquam obscure, tamen semper periodica, et demum caput, redeunte paroxysmo, semper affectum, morbum esse febrilem acutum, a deprauatis et rancidae acrimoniae humoribus penden-

tem, arguebant. Inde alter medicus professor protinus corticis Peruuiani vsum suadebat, cuius quum virtutem adstringentem pertimesceret Noster, is nonnisi ter de die, ad dosin vnius drachmae, pro quauis vice, adhibitus est, applicatis simul clysteribus, quibus perpetuo ingens faecuum, prius descriptis similium, copia eliminabatur. Venae autem iugularis sectioni, quam alter medicus proposuerat, Noster sese opponebat. Exhibitis sex corticis Peruuiani drachmis, febris et affectus soporosus nonnihil remiserunt, ita quidem, vt sacris vti posset aeger. Quinto vero die manifesta signa gangraenae, intestinis potitae, aderant, et, accedente raucitate cum reiectione materiae cuiusdam ex faucibus, post decimam tertiam, a paroxysmo quinto febris, horam, aeger expirabat, ventre mox in tantam molem extenso, vt crepaturam minaretur, adeoque protinus cadauer in cista, pice interius obducta, reponi necessarium esset. Annos viuendo quinquaginta novem attigit.

Copiosiores, quam animus erat, in enarranda morbi historia fuimus: eo pauciora de annotationibus Auctoris nostri dicenda habemus, quippe in quibus causas morbi exponit, et praecipue damnum, ex praepostera sanguinis missione ortum, explicare anritur, et quam frustranea adeoque noxia venae iugularis sectio, quam alter medicus vel in ipso mortis periculo adhuc vrgebat, morbum idiopathicum cerebri ratus, et exspuitionem materiae purulentae ab eodem deducens, futura fuisset, demonstrans. Nos autem vix capere posse ingenue fatemur, qui factum sit, vt neuter medicorum acida remedia, diluentibus demulcentibusue iuncta, in vsum vocaverit: vix enim persuadere nobis possumus, aegrum, licet a medicamentis abhorrentem, tamen potum acidulum, quem sanus forte saepius grati gustus
caussa

caussa ingurgitauerit, plane repudiaturum fuisse; neque etiam corticis Peruuiani vsum solum iuste morbo appropriatum, neque puluerem istum purgantem, si assumtus fuisset, in commodum aegri cessurum fuisse arbitramur.

XXIV.

Delle morti e malattie subitanee ove specialmente de' polipi del cuore e del male terribile dell' apoplessia, dissertazione medico-pratica, in cui si esaminano le vere cagioni delle morti, e malattie subitanee, specialmente in Napoli frequentissime; e si propongono i mezzi a prevenirle, per quanto sia umanamente possibile. Questi vengono compresi principalmente nel giusto uso, e governo delle cose chiamate da' medici non naturali, e ne' tanti abusi del secolo odierno, di cui se ne scuoprono le imposture. Si comprova poi tutto colle osservazioni degli uomini estinti, e sparati in tal congiuntura. Opera utilissima a tutti e specialmente a' medici, consecrata nella prima edizione à Signori del Real Consiglio di stato e di reggenza. Edizione II. Ricorretta, ed accresciuta con nuove osservazioni dell' Autore e d' altri Illustri medici Napolitani. In Napoli, 1767. 4. pl. 12. sine dedicatione et praefatione.

i. e.

Dissertatio medico practica de mortibus et morbis subitaneis cet. Editio secunda correctior et auctior. Auctore PASQUALI FERRARA.

- P. 1. **T**ria capita liber iste complectitur, quorum primum ideam vitae humanae euoluit, simulque signa eius, dubiae vel suppressae visae, diutius tamen saepe superstitis, allatis vbique auctorum testimoniis, exponit; alterum transitum eius ad mortem naturalem declarat, et paucis remedia ad longaeuitatem assequendam tradit; tertium denique, quod amplissimum est, mortem subitanam sistit, non eam quidem, quae a causa externa violenta, vel a venenis, vel a contagio pestifero, vel a vaporibus perniciosis, vel affectibus animi vehementioribus, vel a functione partium, ob ipsam corporis structuram sublatis, quod in senibus accidit, proficiscatur; sed quae a causa interna, non protinus in sensus incurrente, et saepe vix ratiociniis et coniecturis assequenda, originem ducat. Causas eius triplicis generis in solidis, totidemque in fluidis ponit Noster; in prioribus canales dilatatos, vel contractos, vel disruptos, quas *causas formales*, et in posterioribus plethoram, cacochymiam, et concretionem polyposam, quas *materiales* dixerat FERNELIUS. In homine repente mortuo pulmones vndique scirrhosos et concretionem dura, corruptione diu resistente, repletos. Auctor inuenit, quas mutationes vini et fumi nicotianae intemperantiori vsui adscribit. In alio polypum insignem steatomatosae indolis, totam cavitatem dextram cordis, et orificia vasorum maiorum implentem, et longius in venam cavam inferiorem extensum, deprehendit. Arteriae iliacae ramo in agno ligato, post plures dies concretio polyposa inuenta fuit, quod experimentum olim iam LANCISIUS in cane ceperat. Mittimus vberiore tractationem causarum generalium, quae homines ad mortes subitaneas disponere possunt, et qua ratione incommoda inde metuenda praeuerti, vel iam imminencia tolli queant, quae quidem praecepta

cepta, ex optimis Auctoribus decerpta, et omni utique
 que attentione dignissima sunt. Studium glorio-
 sissimi Hispaniae regis, quum haectenus Neapolitano
 regno praeesset, emendatis nouisque instructis viis
 publicis, quae regales certe sumtus exposcebant,
 aerem corrigendi, summis, ut fas est, laudibus ex-
 tollitur. Multus est Cl. Auctor in enarrandis iis ar-
 tificiis, quibus ad mangonizanda vina uti solent. p. 65.
 Coffeae non adeo commode hordei vstulati deco- p. 68.
 ctum substitui monet, sed quum debilitas prima-
 rum viarum remedium carminatuum postulet, po-
 tius decoctum corticis Peruuiani, nervis gratius fu-
 turum commendat, aut, si quis abstinere non possit
 a coffea, illam mane nonnisi cum aliquo cibo su-
 mendam iubet. Theae vero Sinensium laudes uti-
 que maiores tribuit. Hominem calidi tempera-
 menti crebriori chocolatae potu, vel feruidissima p. 70.
 aestate hausto, mortem apoplecticam sibi contra-
 xisse vidit. Capillamentis factitiis magnam ad pro- p. 79.
 ducendas mortes, subitaneas, efficacitatem BER-
 NABEI assertis accedens, adscribit, et ad minimum
 monet, ne capillis, frequenter nimis resectis, perspi-
 rationem capitis prorsus cohibeamus.

Praemisso ergo caussarum scrutinio, ad morbos p. 82.
 subitaneos, ab eodem mortis genere sollicite distin-
 guendos progreditur. Praecipui ex iis sunt pal-
 pitatio cordis, aneurysma, asthma, hydrops, apo-
 plexia, quos ex ordine pertractat, causas, signa, even- p. 87.
 tum, breuibus enumerat, et curationis fontes tra-
 dit. Aneurysma, proprie dictum, Ipsi est di-
 latatio vasorum in externa aequae, ac interna cordis
 superficie, aneurysma cordis nominandum. In re- p. 89.
 mediis, aduersus hydropem, scillae, et praeparatorum
 eius nullam fieri mentionem, miramur. Apoplexiae
 Neapoli, loco situs humidi, frequentissima sunt.
 In sacerdotis eadem enectae cerebro apparuerunt

vesiculae quaedam albicantes, phlegmate quasi repletae corpori calloso incumbentes. In alio cadavere cor inflatum detectum est, ex quo inciso duae librae sanguinis effluebant, et orificium arteriae aortae adeo dilatatum, ut brachium immitti posset; quod tamen exemplum, cum nulla mutationis, in encephalo inuentae, mentio fiat, nos quidem apoplexiae vix annumeraremus. Mira etiam phaenomena cadauer sexagenarii, temperamento sanguineo gaudentis, obtulit: nempe vasorum in toto corpore rupturam, sanguinis insignem copiam intra duas meninges, et in ventriculis cerebri extra vasa missam, magnam quantitatem feri in cavitate pectoris, pericardium magna mole sanguinis grumosi maxime dilatatum, venam cauam, prope auriculam dextram, laceratam, aortam maioris solito diametri, et in orificio materia callosa obductam, lobumque pulmonum dextrum costis adnatum. Praesertim anno 1764 apoplectici, lipothymici et syncoptici insultus, causa in ventriculo haerente, multos potissimum, inferioris sortis, homines iugulauerunt, et ipse noster Auctor syncopen eiusmodi stomachicam bis expertus est. Ultimo loco de pulsu in morbis subitaneis differit, et demum, ostendendo, quantum peruersa, morbos alios tractandi, methodus generandis morbis mortibusque subitaneis faueat, toti libro finem imponit.

p. 90.

XXV.

Dissertation sur le mécanisme et les usages de la respiration, ouvrage couronné par l'Académie des sciences, des belles-lettres et des arts de Rouen le 7. Aout. 1765. Par Mr. D A V I D, Maître des Arts et en Chirurgie de Paris. à Paris chez Vallat-la-Chapelle 1766. 8. plag. 13. c. praef.

i. e.

Dissertatio de mechanismo et usu respirationis, praemio ornata ab Academia doctrinarum et Artium Rhotomagensi, Auctore Cl. D A V I D.

Libellus, quem proponimus, bis exhibitus Ill. Academiae, prima vice, nondum omnibus numeris absolutus, laudes, altera perfectior, etiam praemium promeruit. Est autem oeconomia eius haec, ut parte prioris respirationis modus, secundum stadia, instrumenta, phaenomena et causas, experimentis rationibusque definiatur: posteriore dispiciatur de eius usu vero, proximo, remotoque.

Tempore inspirationis vidit Cl. Auctor dia- p. 14.
phragma descendere; costas a prima omnes, plus minus duci retrorsum; alteram, tertiam, quartam reliquis veris manifestius attolli, minus distare: spurias neque leuari evidenter, neque distrahi; leuatas omnes margine inferiori quodammodo antrosum prominere; cartilagines fieri rectiores, adscendere, mutuo recedere, torqueri, maxime in costis veris infimis, spuriisque supremis; sternum denique attolli. Vnde concludit, agere tunc, praeter diaphragma, non intercostales musculos, sed supraco-
stales, superius, auxilio ferrati postici, adiutos, inferius robore, saepe et numero, auctos, atque hinc
costis

costis, ceteroquin mobilibus mouendis, sternique et cartilaginum renisui vincendo satis aptos.

- p. 27. Exspirationis phaenomena contraria sunt. Perficitur inspirationis musculorum relaxatione, costarum sternique nisu, cartilaginum vi elastica, contractione denique musculorum, qui per adhaesiones, fibrarumque directionem costas deprimere et mutuo adducere valent, quales, praeter infracostales sternocostales atque ferratos posticos inferiores, esse quoque intercostales existimat; quippe quibus adhaesiones nullam aliam actionem, quam interstitii costarum imminutionem, concedant, quosque in denudato canis viui thorace relaxatos inspirationis, exspirationis tempore contractas, conspexerit.
- p. 46. Primae respirationis causam, reiectis Cll. BOERHAAVII et SENACTI sententiis, partim in aere quaerit, cuius stimulo peregrino, ingrataque in corpus recens nati pressione, inspirationis muscoli ad motum inuitentur, partim in vi elastica partium pectoris, quae iam in vtero, fortius vero in partu qualicunque compressae, necessario resiliant, aerique aditum patefaciant. Semel vero factae respirationis continuandae necessitatem repetit a nervis phrenicis, animo non parentibus, qui, remittente, quem a pulmonibus, aere turgidis, experti erant, pressu, nouo spirituum penur adducto, diaphragma ad nouam contractionem sollicitent.
- p. 66. Principem respirationis, vsum, neque in motu humorum, per pulmones expediendo, neque in sanguificatione, vtroque hoc licet concessio; multo minus in aeris admixtione ad sanguinem, vtpote qui, ex pulmonibus animalium, aquae immerforum, effluens, nullo experimento bullulas aereas offerat, sed in refrigeratione et condensatione illius ponit.
- p. 80. Rario-rem enim fieri sanguinem in arteriis, ex comparata arteriarum ac venarum, cautorum vtriusque cordis, vaforum-

vasorumque pulmonalium amplitudine intelligi monet. Refrigerio autem, eo, quod iam in venis, cutaneis potissimum, recipiat, maiore indigere, ex iis declarat, quae accidunt respirantibus aerem aestuosum, corpusue nimium exercentibus. Plus quoque calere sanguinem venosum in maioribus truncis, quam arteriarum sodalium, ex aorta productarum, experimentis thermometricis, cum sanguine venae iugularis et arteriae carotidis, in equo institutis, confirmare tentat. Ceterum, qua ratione sanguis fetus refrigeretur, alibi vberius exponere promittit.

Ruborem sanguinis elegantiores a globulis condensatis et minoribus deducit; motum vero per pulmones in inspiratione; velociorem, in expiratione contra tam impeditum esse demonstrat, ut in corde anteriori oriatur proclivitas ad infarctum, noua demum inspiratione auertendum. Hinc explicat, cur spiritum cohibere diutius, quam ab eo ducendo abstinere queamus. BAGLIVII motum p. 107. cerebri et meningum refutat; in denudatis his partibus apparentem arteriis tribuit; respirationi vero respondere ostendit, ob difficiliorem depletionem venarum in cor antea, expirationis tempore resistantiam passum; ob pressum musculorum colli in venas, obque actionem carotidum, tunc vehementiorem. Reliquas respirationis utilitates in voce, loquela, cantu, organi odoratus, infantilis amplificatione, viscerumque abdominalium muneribus iuuantibus conspicuas, quas Cl. Auctor addit, vberius dici non opus est. p. 117.

XXVI.

ALOYSII PAULI TRABUCCHI, Rhoeti Bormiensis Dissertatio inauguralis medica, de mechanismo et usu respirationis. Viennae, 1768. 8. pl. 10.

Commune argumentum, libellique praecedentis passim facta diiudicatio, proximum ab illo locum vindicant dissertationi huic, studiose conscriptae, experimentis in canibus septendecim, decem in felibus, inque ranis numerosis, a Cl. Auctore captis, superstructae, casuque perfossi thoracis et diaphragmatis locupletatae, quem tamen, alibi *) iam indicatum, filere hic licet.

Respirationis mechanismo breuiter descripto, instrumenta aequae, atque phaenomena eius maxime differre monet, quum pure vitalis sit saepius, alias violenta, voluntaria alias. In placidissima vitali inspiratione, praeter aeris furtium ingressum, thoracis totius eleuationem, abdominisque protrusionem, nil vidit aliud. Negat adeoque tunc costas rotari, aut extrorsum verti, retrorsumue trahi, quorum nihil, ne medios quidem inter cruciatus, remittente quodammodo, aut titillatione lenito dolore, in pacatioribus animalium inspirationibus obuেনiat. Perfici autem vult hoc inspirationis genus, neque ab intercostalibus carnibus, neque, ut Cl. DAVID contendit, a musculis serratis posticis superioribus, quippe quos, vel inter dolores quietos, cervicibus potius et spinae dorsi mouendis, vna cum supracostalibus datos esse demonstrat; sed potius a diaphragmate, quod

P. 17. tamen, per Cl. CRANTZII suaeque obseruata, nunquam in descensu sese ex curuitate componat in lineam rectam, sed potius semper in thoracem convexum

*) vid. Comment. nostr. Vol. XVII. p. 435.

vexum, in abdomen concavum maneat. Num musculi intercartilaginei, vt Cl. CRANTZIVS affirmabat costarum et leuatores depressoresque sic dicti simul forte agant, experimentis aptis destitutus, in dubio relinquit.

Expirationis vitalis phaenomena aeris impercep- p. 24.
tibilem egressum, thoracisque et abdominis subsidiam, constituit, inque maxime tranquillis animalibus, costarum cartilaginea vna cum sternum reduci, intervalla minui; angulos descendere, et distare magis, diaphragma rursus ascendere observavit. Causas ponit simplicissimas, diaphragmatis relaxationem, ob vires, actione amissas, non vero musculorum abdominalium contractione victas, contingentem: elaterem porro partium thoracis et vim musculi triangularis. Vnde patere demonstrat, in respirationis vitalis explicatione non opus esse ad animae praesidium confugere cum Stahlianis, quorum argumentis praecipuis refutatis, non omnem motum in instrumento voluntario ab anima proficisci, sed potius ab internis causis externisque, anima prorsus quieta, fieri saepius; neque tamen aptius a sola irritabilitate, vera quidem illa, si iustis limitibus circumscribatur, saepius tamen, vt fuse declarat, cum vi mortua cohaesionis, multoque crebrius cum nervosa, perperam confusa, deriuari, sed potius ab actione nervorum, vel sola, vel cum data aliqua irritabilitate coniuncta, pendere adstruit; satis verum iudicans Cel. VERHEINII postulatum: duorum generum nervos, voluntarios alios, alios vitales organo respirationis datos esse.

Concitatoris voluntariae et violentae respira- p. 66.
tionis modos gradusque exponens, omnia actionis istius phaenomena manifestiora fieri monet; ita tamen, vt saepius in flebili hominum et animalium expiratione, inspirationis phaenomena concurrant,

- p. 68.** curreant, quum aer copiose haustus per glottidem constrictam lentius egrediatur. Hinc saepius, inter eiulatus animalium exspirantium, abdomen tumere, inspirantium detumescere. In violenta expiratione vidit, tracheam sursum pelli, quandoque in arcum flecti, pulmonem vltra primam attolli costam; in inspiratione citatiori, costas denudatas moueri vehementer in suis, cum cartilaginibus, angulis; dilatari saepe; trahi omnes simul et semel, nunquam tamen retrorsum neque extrorsum verti, sed adscendere, minus obliquas manere; interualla costarum et cartilaginum augeri varie, in anxiiis nixibus subito minui, saepe eadem manere; intercostales musculos saepe in motu suo non satis posse definiri, saepissime concauos, rarius a valida pulmonis inflatione conuexos reddi; scalpello irritatos, in vtroque stadio rigere, thoracem abbreviare, non elongare, nunquam perpendiculares fieri.
- P. 73.** Diaphragma subito deorsum rapi, nec planum reddi, nisi in nixibus violentioribus, aut aere in pectus immisso, aut neruis phrenicis resectis, ligatisue, tunc vero in saccos inuerti, costas et sternum detrahare, aliquando non moueri, pulmone nihilo minus aerem attrahente.
- P. 75.** In inspirationibus violentissimis ceteras quoque carnes, thoraci adhaerentes et respirationi alias non inferuientes, operari admittit. In expiratione citaciori violenta animalium obseruauit conspicuum in angulis costarum, et cartilaginum adscensus et descensus motum. Intercostalium musculorum, alias expirationem, vt etiam Cl. DAVID vidit, iuuantium, actionem saepe indefinitam, saepe vtrique stadio communem, saepe in alterutro nullam; diaphragmatis porro reditum, descensui accommodatum, in nixibus imperfectum, perfosso thorace violentum et subitum, nimios inter cruciatis languidum reperit; vimque musculorum abdominis, longissimi

longissimi dorsi, sacrolumbaris, lumborumque quadrati, in iuuandis vehementioribus expirationibus, perspexit.

Addit Cl. Auctor veriore[m] visam Cel. CRAN-P. 78. TZIO sententiam, de intercostalium carni[um] actione, qua affirmatur, externas internasque conspirare, costas connectere et suspendere, minuere earum interualla et thoracis longitudinem, pulmonem artius complecti; superiores aliquando sursum, deorsum inferiores magis agere, singulas costas semper approximare, etsi in aliquibus distrahi tunc oportet; forte inflexioni inferuire, agere et posse et solere aequae, atque diaphragma nonnunquam, in violentissima inspiratione et expiratione, vt adeoque omnes omnium obseruationes, vtut diuersae, tamen verae sint; operari vero pro diuerso corporis vel sedentis, vel stantis, vel varie flexi, situ varie, interdum vtroque in latere simul, saepe in alterutro seorsim. Caeterum neque pulmones in respiratione prorsus inertes esse, neque diaphragmatis aliorumque musculorum, imperio animi non subiectorum, irritabilitati, in neruorum praeiudicium, nimium litandum esse, cum eodem Cl. CRAN-TZIO monet.

Respirationis vsum succincte et eleganter perse-p. 110, quitur, fidus vbique Cel. BOERHAAVII et Ill. HALLERI praeceptis. Addita sunt experimenta, seorsim exposita. Summa in calidis animalibus institutorum ex superioribus patet. In ranis facta concernunt fabricam et vsum gutturis, pulmonum, canalis spiritualis, thoracis; motum intestinorum peristalticum, cordis et musculorum irritabilitatem, variis liquoribus frigidis, calidis, narcoticis, medicamentosis et venenatis tentatam, mutationes denique, quae a cerebro, medulla spinali et neruis, laessitis, ligatis, resectis, tum in illis ipsis, tum in reliquo corpore proueniunt.

10. ZACHAR. PLATNERI Professoris medicinae nuper apud Lipsienses primarii ars medendi singulis morbis accommodata. Lipsiae sumtibus Caspari Fritsch 1765. 8 mai. Alph. 1. plagg. 13. sine praefatione.

Verendum nobis esse arbitramur, ne in beati Viri manes iniuriam committeremus, si merita eius nostra commendatione indigere putaremus, quae cum in mentibus eorum, quibus olim ab ore eius pendere contigit, perpetuo infixae haerebunt, tum in scriptis eius iamdudum immortalitatem perennemque famam ipsi conciliauerunt. Quae cum apud nos pensitarem, non potuimus votum suppressere, ut beatus Auctor et hunc librum potius ipse edere potuisset, quam ut is nunc, post mortem defunctum illius, prodisset. Nimis enim vera sunt, quae filius illius FRIDERICUS PLATNERUS, iurium nuper in patria vniuersitate professor celebratissimus, in praefatione, ad Ill. GESNERUM directae, scribit, „non leue periculum probabilibus scriptoribus contrahi, si libri nondum perfecti, et limae magis, quam publicae luci, ab iisdem destinati, eorum tamen nomine in fronte, hederæ in modum, appenso, edantur., Atque hoc ipsum fatum artem hanc medendi subiisse, ne is ipse quidem diffitetur, librarium eius edendae consilium se neque conscio, neque volente cepisse asserens, ac ne eo quidem exemplo simul in usum vocato, quo beatus Auctor ipse usus fuerit, quodque post mortem eius ad IO. BENI. BOEHMERUM, et hoc quoque defuncto, ad fratrem GE. RUDOLPHUM BOEHMERUM legatum transierit: ideoque hanc editionem solius librarii voluntati deberi, declarat. Nos autem vehementer

hementer optassemus, vt ad minimum discipulus
 PLATNERI libri huius edendi curam ipse in se su-
 scipisset, quem nulli dubitamus multa expungenda
 mutandaque inuenturum fuisse, quae a doctrina
 Cel. Auctoris, vltimis annis tradita, prorsus aliena de-
 prehensurus fuisset. Forfan et tunc varii, non adeo
 leuis momenti, errores, licet typographo tantum
 tribuendi, euitari potuissent, ex quibus vltimam
 medicamentorum formulam exempli loco adduxisse
 liceat, vbi haustus purgans pro infante bienni exhi-
 betur, loco excipientis vncias sex aquae comple-
 tens, quod drachmae sex etiam praestarent. Ele-
 gantiam sermonis, qua omnia b. Auctoris scripta
 maximopere se commendant, neque hic desiderari,
 facile quisque praeuidebit. Totius operis diuisio
 summam haec est: Praemissis prolegomenis primo
 de febribus intermittentibus, postea de continuis,
 dein de exanthematicis, ac tandem de ardentibus
 agitur, a quibus transitus ad inflammationes fit, vbi
 simul de ileo seu intestinorum inflammatione dici-
 tur: finem tractationis febres, lenta et hectica,
 et scorbutica atque vrticata faciunt. Sequuntur
 morbi ex plethora orti dicti, quibus etiam in men-
 suum vitiis abortus et lochiorum fluxus inserti sunt.
 Porro morbis capitis, pectoris, abdominis (vbi
 etiam malum hypochondriacum pertractatur) via-
 rum vrinariarum, et denique cacochymiae diuersae
 species v. c. hydrops, scabies cet. venerei morbi,
 rheumatici affectus, morbi neruorum, recensentur,
 ac denique morbi grauidarum et parturientium, in-
 fantum ac senum subiunguntur. Formulae reme-
 diorum in calce totius operis adnectuntur, ita qui-
 dem, vt, cui quaelibet paragrapho responderet, si-
 mul indicatum sit.

In perlegendo opere nimium tribuisse efficaciae p. 34.
 lapidi bezoar Cl. Auctorem, praecipue in reuocan- 56. 64.

- dis exanthematibus retropulsis, multum mirati sumus. Corticem Peruvianum solum exhibendum, et maxime ab eius connubio cum purgantibus abstinendum, ipsumque melius in pulvere aut electuario, quam in infuso usurpandum esse, praecipit. Ve-
- p. 29. ram pestem semper ex oriente afferri, originemque eius aeri impuro, maxime post graues inundationes, adscribi debere statuit. Purpuram, ab animi
- p. 61. vehementi commotione ortam, aliquoties vidit. In
- p. 64. hoc morbo acida aliena existimat, nec nisi parcissima nitro dosi locum relinquit: ad ptyalissimum criticum iuuandum cinnabarim a granis decem ad quindecim praescribit. In tractatione de variolis ne minimum quidem de efficacia corticis Peruviani, cum eae malae indolis sunt, dicitur, eo tantum excepto, quod tum decoctum eius, in aluum immittendum, ex
- p. 73. medicis Edimburgensibus suaderi narretur. Pariter de insitione acturus, ad Britannicos auctores prouocat. Ad grauitatem auditus, a causa catarrhali ortam, discusso catarrho, suadet mixturae, ex parti-
- p. 75. bus aequalibus essentiae castorei et spiritus vini camphorati, guttas quasdam, frustulo panis recentis adhuc calidi instillandas, et frustulum hoc, mediante
- p. 197. fascia, auri externae apprimendum. In asthma humido extractum peti, ex aqua coquendum, et ad minimum sexies iterum soluendum, rursusque inspissandum, ad grana duo vel tria, tamquam potentissimum resoluens, laudat. In raucitate chronica aethiopis mineralis, super igni parati, bis de die sex ad octo grana adhibenda commendat. In phthisi nihil magis nocere mortemque certius maturare monet,
- p. 253. quam medicamentorum varietatem. Sic etiam in
- p. 282. malo hypochondriaco, aegrorum pusillanimitatem multum nocere, adfirmat, qui quotidie noua consilia amplectantur et medendi rationem mutant, deuoratisque omnis generis pharmacis malum intendunt.

dant. Decoctum radicis cichorei recentis in hoc morbo aequè, ac in tumore et scirrho hepatis, plurimi facit. Anafarcam magnesia alba cum sale cathartico, addito auro fulminante, curatam vidit. p. 286.
 Succum ireos nostratis, elaterium et extractum esulae, in corporibus imbecillis facile inflammationem 291.
 concitare monet. In epilepsia membra, quantum p. 361.
 fieri possit, continenda a robustioribus, non tamen p. 362.
 nimia vi adhibita, pollices etiam extendendos iubere b. Auctorem, mirati omnino sumus, quum p. 417.
 tamen resistentia eiusmodi, nervis opposita, iisdem p. 420.
 maiorem omnino vim inferri quotidiana doceat experientia. Ad curationem huius morbi omnia specifica frequentius fallere solere, quam prodesse, sub finem tractationis de eodem morbo tradit.

XXVIII.

DUPORT de signis morborum libri quatuor. Quibus accedunt notae auctoris; aliorum eruditorum medicorum; et sparsim editoris **RADULPHI SCHOMBERG**, M. D. societ. antiquar. Lond. soc. — Londini sumtibus **Andr. Millar**. 1765. 4. mai. plagg. 7.

Cum olim **Cl. HEBENSTREITII** de homine sano et aegroto carmen in commentariis nostris *) recenseremus, paucissimis aliorum quorundam similes labores obiter tetigimus; ex ipsis autem morborum scriptoribus poeticis non, nisi **JOHANNIS ARMSTRONG** mentionem fecimus, licet ex superiori aevo, suo quidem iure, et **HIERONYMUS FRACASTORIUS** et **IOHANNES PINCIERUS** locum ibidem sibi vindicare debuissent. Nunc equidem non lubet, argumentum hoc ulterius perfe-

K 3

qui,

*) Vol. II. p. 533.

qui, in quantum doctrinae medicae partes carminibus materiam praebere queant, et num ipsa poetices indoles, ipseque carminis genius illis, accurate et concinne exponendis, apta possint putari, numque adeo sit affinitas quaedam, et cognationis quasi vinculum inter vtramque disciplinam? De quibus quidem multa dici possent, si instituti nostri ratio fineret, siquidem Cl. REINHARDUM hoc argumentum excutere quidem tentasse perspeximus *), an autem lectorum expectationi satisfecerit, vehementer adhuc dubitamus. In scenam potius producendus est scriptor, bigae superius adductorum poetarum medicorum coevus, FRANCISCUS DU PORT, medicus Parisinus, cuius carmen, quod nostris iam in manibus est, Parisiis 1584 typis mandatum, et nunc demum, cum rarius redditum fuerit, recusum est. Editor illud summe reuerendo GUILIELMO BARNARD, Derensi episcopo, dicauit, seque illud, adiunctis sententiis analogis, ex scriptoribus classicis excerptis ditare studuisse refert, licet etiam hinc inde inter annotationes novas quasdam accessiones inuenisse nobis visi simus. Annotationes autem in vniuersum, siue in priori iam editione praesentes, siue recentes fuerint, minoris sunt valoris et operae pretium fuisset, si Cl. Editori placuisset, in iisdem ea, quae statum doctrinarum medicarum illius aevi, in quo vixit Auctor, sapiunt, explicare atque recentiorum placitis accommodatiora reddere. Complectitur totum carmen septingentos et quatuordecim versus, qui in quatuor libros distributi sunt, eo

*) D. CHRIST. TOR. EPHRAIM REINHARDI phyci apud Saganos, medicus poeta. Pars prima, exhibens de leucorrhea, seu fluore albo mulierum benigno, pallore faciei, et lethalitate vulnerum iecinoris, carmina tria. Praefatur de poetis medicis commentatiuncula. Glogouiae, 1762. 4.

eo quidem ordine, vt liber primus, praemisso pro-
oemio, signa sanitatis, temperamentorum, morbi
imminentis, variorum stadiorum morborum acuto-
rum, prognostica in iisdem; secundus signa mor-
borum capitis, colli, pectoris, ac tandem febrium
speciatim; tertius signa morborum infimi ventris,
vbi a morbis viarum vrinariarum transitus ad vene-
reos fit; et quartus denique signa morborum sexus
sequioris, grauidarum et parturientium, ac postre-
mo exanthematum, arthritidis atque elephantiasis
exhibeat. Carminis genus admodum concinnum
est atque elegans, si a quibusdam licentis, recen-
tioribus quidem poetis haud adeo facile condonan-
dis, recesseris, v. c. productione syllabae per se
brevis caesurae beneficio, syllabarum quantitate,
propria auctoritate mutata, vt citrinus, lotium,
procuro cet. Quo vero iis, quae de reliqua car-
minis praestantia diximus, fidem faciamus, vnum
alterumque exemplum in medium iam proferre
liceat.

In libro primo imminentis morbi signa ita de v. 66.
scribuntur:

Si praeter solitum macies, aut corpus obesum,
Aut calor, aut grauitas, aut somnia plena
tumultus,

Eque breui somno sopor, aut cutis vlcere
foeda est;

Si sudor pectus, cervicem, crura, genua
Permeat, aut animus languet, corpusque
fatiscit;

Si dolor aut oculos tenet, aut praecordia,
pectus,

Aut capitis venas, horrorue praeambulat artus;
Spiritus aut grauis est, repetitus et oris hiatus:
Affore praedicas, vel adesse in limine
morbum.

p. 195. In libro secundo concinnissima nobis visa fuit epilepsiae descriptio :

Concidit et stertit, lotium semenque profundit,
Membra quatit, stridet, spumat, clamatque
caducus.

Phthiseos v. 243 seqq. et febris pestilentis
v. 312 seqq. signa etiam, prae reliquis morbis, in
hoc libro descriptis, sese commendant.

p. 368. Ex libro tertio melancholiae hypochondriacae signa huc transcribamus :

Alter et interdum praecordia detinet humor,
Inuoluens picea trepidam caligine mentem.
Qui quando ferus est, et anhelo turget ab
aestu,

Mollia ventoso reboant hypochondria flatu,
Cor tremit, et valide pulsans cito linquitur,
atque

Puniceus faciem tingit color, iraque feruens
Praecipitat, fumusque vagos obscurat ocellos.

Venerei praeterea morbi signa v. 500 sq. quam
maxime egregie exposita sunt, at prolixiora, quam
quae hic communicare possimus.

p. 624. Ex quarto denique libro signa conceptus excitemus, ita proposita :

Horror ab ardenti coitu, semenque retentum,
Suppressi menses, venerisque remissior ignis,
Os vteri clausum, mamma vtraque turgida,
ventris,

Lumborum, laterumque tumor sine pondere,
liuens

Ex ortis facies maculis, et segnis ocellus,
Nausea, defectusque leues, anorexia, pica,
Concepta perhibent. Lotio ne fide, nec vllis
Ante notis, fetum quam noris sede moueri.

XXIX.

SEBASTIANI SEBENICO Foroiulienſis diſſer-
tatio phyſiologica, qua reſpiratio fetus in
matrice, ex euentu nupero euincitur eſſe nulla.
Venetiis, 1765. Typis Coleti. 8 mai. pl. 20.

Femina infimae conditionis die 2 ſeptembris 1765.
Corbulone, in ditione Foroiulienſi, legitimo
partu puellam enixa eſt, in cuius corpore ſequen-
tia praeter naturam apparuerunt. Os occipitis
omnino planum, oſſa vero bregmatis valde eleuata,
frontale demum, in media ſui parte, tuber inſigne et
duriuſculum praebens, quod preſſum globum, mole
ac reniſu bulbum oculi aemulantem, referebat. Au-
res, quantum ex figura externa apparebat, bene
conformatae erant, ſed collo, penes eminentiam po-
ſterioſiorem maxillae inferioris, adhaerebant. Oculus
vnicus ibi ſedebat, vbi radix naſi eſſe debebat, na-
turalis tamen conformationis; olfactus organon et
os prorſus deerant, maxilla vtraque inter ſe arctiſ-
ſime coniuncta; in mento macula rubri coloris, pa-
rum latae, duorum circiter pollicum longitudinis.
Dolendum tamen eſt, puellam hanc, quae breui
poſt partum, liuidis per totam corporis ſuperficiem
exortis maculis, obiit, ſeſtione adminiſtranda curio-
ſius diſquiri non potuiſſe. Tria tamen Auctor ex
hac monſtri hiſtoria elicit conſectaria: primo fetum
in vtero non reſpirare; ſecundo, neque cum liquo-
re amnii nutriri; et tertio demum, meconium, ma-
iori copia collectum, ſtimulo inteſtiniſ fetus admoto,
non ſiſtere poſſe cauſſam motus eiſdem et niſuum
ex vtero materno egrediendi.

Mémoire sur la vitalité des enfans: par I. I. L. HOIN, Lieutenant de M. le premier chirurgien du Roi, à Dijon, pensionnaire de l'Académie des sciences, arts et belles lettres de la même Ville, &c. A Londres, & se trouve à Paris, chez Nic. Aug. Delalain, Libraire. 1765. 8 mai. plagg. 3.

i. e.

Super vitalitate infantum tractatus, Auctore I. I. L. HOIN.

- Q**uatuor fere iam anni elapsi erant, ex quo Cl. Auctor dissertationem hanc elaborauerat, et in societate academiae Diuiodunensis praelegerat, quum demum eiusdem in lucem publicam edendae consilium caperet. Veteres vitalitatis terminum a die 182 post conceptionem factam, constituisse, nota res est. Inde primo loco exempla fetuum, ante hoc tempus editorum, qui tamen viui manserint, recensentur, quibus scriptorum artis obstetriciae testimonia, et fetuum septimestrium vitalium recentiores quaedam historiae subnectuntur. Ad caussarum
- p. 9. scrutinium postmodum progressus Auctor noster, neque valori numeri septenarii, neque planetarum influxui, neque generatim perfectioni, quam fetus septimo iam mense nactus fuerit, quanta eidem, extra maternum corpus sustentando, sufficiat, easdem adscribi posse demonstrat, posteaque comparisonem incrementi successiui partium fetus cum
- p. 25. incremento quarundam partium v. c. gingivarum, dentium, partium, sub pubertatis termino euolendarum, instituit, docetque, vt istae mutationes non
- p. 30. vno eodemque in omnibus corporibus certeque definiendo tempore eueniunt, sic etiam in fetu
- tubus

tubus idem valere debere. Praecipuum momen-
tum in sufficienti pulmonum robore quaerendum
est, qui in fetu, a parte superiori et anteriore per
thymum, a posteriore per spinam dorsi et costarum
partes posteriores, ab inferiore per diaphragma, ab
hepate sursum pressum, ideoque cor versus pulmo-
nes vrgens comprimuntur: quo auxilio iisdem de-
bita firmitas conciliatur, ipsique omnino vel nimis
rigidi redderentur vel prorsus coalescerent, nisi liquo-
res, a glandulis secreti, illud prohiberent. Descriptis
nunc mutationibus, quas infantem, recens natum,
subire oportet, tandem fetus septimestris superstes
esse posse monstratur, cum pulmones eius, ante na-
tiuitatem bene praeparati, alternatim impulsu ae-
ris et sanguinis perferre et sustinere, et incommoda,
a nimia alterutrius copia oriunda, vincere valeant:
ex quo luculenter apparet, primum terminum vi-
talitatis absolute constitui nullum posse, simulque
iisdem ex argumentis fundamenta distinctionis in
ter vitalitatem physicam, et legalitatem depromi
oportere.



Differtation sur l'origine de la maladie vénérienne, dans laquelle on prouve qu'elle n'a point été apportée de l'Amérique, & qu'elle a commencé en Europe par une Epidémie. Par M. S** , D. M. A Paris, chez P. Fr. Didot le jeune. 1765. 8. plagg. 7.

i. e.

De origine morbi venerei dissertatio, Auctore M. S**.

- p. I. **S**eptem sectiones libellus hic complectitur. Prima ex auctoribus quibusdam eius aevi, et mandatis, a suprema regni Gallici curia datis, demonstrat, morbum hunc in Italia, ad minimum iam anno 1494 et in Gallia 1495 notum et grassatum fuisse. Ut ergo eo accuratius definiri queat, num is ex America in Europam delatus dici possit, sectione secunda tempus constituitur, quo COLUMBUS prima et secunda vice ex hac terrae parte redux factus fuerit. Primum iter mense martio 1493 absoluit, ac tunc quidem contagium istud non delatum esse in Europam, commune omnium scriptorum silentium quam maxime probat; id quod etiam FULGOSI AC TORELLAE testimonium, qui morbum hunc iam, sub initium anni 1493, adeoque prius, quam COLUMBUS reuersus esset, in Italia observatum esse scribunt, confirmat, licet Auctor noster in prima sectione huic argumento minorem fidem adhibere videatur. Difficilius momentum est disquisitio secundi itineris COLUMBI, ex quo die 8 iunii 1496 in Hispaniam rediit, quod
- p. II. in sectione tertia excutitur. Filius eius FERDINANDUS, in descriptione paternorum itinerum summa fide dignus, ne minimum quidem de morbo quodam

quodam epidemico tradit, quem classis haec in Europam deportarit: et licet OVIEDO expressis verbis tunc morbum nostrum huic terrae parti illatum esse perhibeat, docet tamen Cl. Auctor, ipsum deceptum esse, siquidem Hispanicum praesidium, in insula Hispaniola relictum, fame atque annona multorum hominum iacturam passum sit, multis eorum ante ab incolis insulae occisis, ideoque COLUMBUS 225 ex iis, plerosque aegrotos, secum ex hac insula deduxerit. Neque probari potest, morbum hunc, aut a PETRO MARGARIT, ex hac insula 1495 ante COLUMBI aduentum profugo, aut a duabus nauibus, quas COLUMBUS, simulac advenerat, ANTONIO TORRES duci protinus cum militibus, seditionis reis, in Hispaniam remisit, huic regioni communicatum fuisse. In sectione quarta monstratur, exercitum Hispanicum, in Italiam missum, non potuisse morbum nostrum in Gallos transferre. Vt enim taceamus, Hispanos iam 1495 in hanc regionem peruenisse, COLUMBUM vero ex secundo itinere, ut dictum est, 1496 demum Europam repetisse, rex Galliae Neapolin quatuor dies ante reliquit, quam Hispanicus exercitus ad littora Messana appellere potuit, neque prius, quam interiecto mensis spatio, cum Gallico in praelio Semenarense congressus est, et pauci, qui ex eo evaserunt, Gallici milites fuga, trans mare capta, patriam repetierunt: accedit, quod tempus huius praelii epocham, qua morbus noster iam in Gallia et Italia innotuit, demum sequitur. Sectio quinta ad objectiones respondet, quibus origo huius mali ex America defendi posset. Posito enim, exercitui Hispanico in Italiam misso interfuisse milites, ex America reduces, qui contagium hic susceperint, quod tamen in priore itinere fieri non potuisse, supra ostensum est, et in secundo ideo fieri non potuit, quia exercitus

p. 40.

p. 47.

exercitus iste iam sub initium anni portum Alicanicum reliquit, MARGARIT vero et TORRES februario demum mense ex Hispaniola discesserunt: argumenta tamen historica, in sectione quarta declarata, istam opinionem funditus destruunt. Silentium porro PETRI MARTYRIS et FERDINANDI COLUMBI multum ponderis habet. Morbi epidemici alii semper in infima plebe primo se manifestant: eadem etiam venerei, teste ipso OVIEDO, prima conditio fuit. In eo praeterea lues ista cum aliis morbis epidemicis conuenit, quod ex oriente in occidentem se diuulgauerit, siquidem ex Italia in Hispaniam transit. Mirum etiam foret, si is morbus solus ex America in Europam traductus fuisset, cum id in aliis morbis endemiis fieri non conspiciatur. OVIEDO de morbo quodam disserit, Americae incolis admodum frequenti, quem *Buas, Bobas, Boubas*, seu *mal de Loanda* dicit, et eundem cum venereo existimat, quem tamen, ex testimonio Cl. COUTINHO, qui in Brasilia ipse medicinam exercuit, vere ab eodem aequae, ac illum, quem Angli *Taws* dicunt, ab aliis *Pians* vocatum *) distinctum esse docet Noster. In sectione sexta disquirat, quae argumenta scriptores mouerint, ut morbi nostri originem ad Americam referrent. Primus huius sententiae Auctor LEONH. SCHMAUS habendus est, qui eam anno 1518 diuulgauit, postquam superiori anno NIC. POTT primus ligni guaiaci aduersus malum hoc efficaciam commendauerat. Nequetamen illud solum Hispaniolae incolae hoc remedio tractasse putandi sunt, sed eodem procul dubio ad morbos ipsi

*) Quem tamen morbum omnino ad venereos pertinere, vel recentior quidem morborum Americae scriptor nuperrime a nobis indicatus, Cl. DESPORTES, perhibet.

ipsis familiares, cachexiam, scorbutum cet. vñ fuerunt, a quibus morbis Hispani, ob symptomatum analogiam, ad idem, nostro etiam morbo applicandum, deducti sunt. Sectio demum septima Nostri opinionem de origine mali huius proponit, quae in eo consistit: Omnium morborum epidemico-
 rum et pestilentialium primordia a vehementioribus tempestatum mutationibus deriuarunt Auctores, docentes simul, venenum sub initiis eorum quo subtilius, eo efficacius esse, et interiecto tempore crassius veluti, simul autem debilius reddi. Atqui vtrumque de nostro etiam morbo valet: vltimum enim historia eius testatur, prius vero testimonia
 NIC. LEONICENI et ALEX. BENEDICTI confirmant, qui ante annum 1494 et eodem ipso totam Italiam frequentibus inundationibus, peste huc illuc grassante, terrae motibus, fame, hyeme insoliti caloris, infestatam fuisse narrant. In eo etiam morbus noster a solummodo contagioso differt, quod morbi huius generis semper eadem symptomata monstrent, vti v. c. descriptio variolarum, a SYDENHAMO facta, prorsus non differt ab ea, quam RHASES nono saeculo exhibuit, quum contra venerea lues, vno impetu a mutatis tempestatibus inducta, adeo magnas mutationes subierit. Neque quod FRACASTORIUS iam prodidit sub initia sua tantum in Europae plerisque regionibus simul obseruata fuit, sed eodem etiam tempore in Asia et Africa. In hanc a Iudaeis, ex Hispania fugatis, inuenta a quibusdam putatur, licet hoc plane certum reddi nequeat: hoc tamen ipsum communi opinioni multum aduersatur, luem ex America in Hispaniam delatam fuisse, cum Iudaei anno iam 1492 hanc regionem relinquere fuerint coacti.

XXXII.

Léttres sur la methode s'enrichir promptement, et de conserver sa santé par la culture de végétaux exotiques. Par Mr. PIERRE IOSEPH BUC'HOZ, Médecin Botaniste Lorrain et de feu le Roi de Pologne, agrégé au Collège Royal des Médecins de Nancy et à la Faculté de Médecine de Lorraine, Démonstrateur en botanique au dit Collège, Membre des Académies de Mayencé, Metz, Rouën, Châlon, Angers, Dijon, Béziers, Toulouse et Caën. Tom. prem. à Paris, 1768. 8. pl. 20. chez Caveliér, Durand neveu, Didot le jeune, de bure fils aîné, la Combe.

i. e.

Epistolae, methodum tradentes, facile sese locupletandi et sanitatem conseruandi, mediante cultura vegetabilium exoticorum. Auctore P. F. BUC'HOZ.

p. 11. Sat specioso sub titulo Cl. BUC'HOZ in viginti litteris, quae hoc tomo continentur, varias, in vegetabilium cultura obseruatu dignas, res, partim a se ipso, plurimum tamen ab aliis notatas, cum Lectoribus communicare constituit. Qua in re, vt in prima epistola, quae quasi conspectum totius operis sistit, profitetur; duplex Ei fuit consilium, partim scilicet plantas plurimum exoticas enarrare, per quarum culturam agri fertiliores euadunt; partim, commoda commemorare constituit, quae exinde redundant, siue vt alimenta, siue vt medicamenta, omni animalium generi vtilia consideres, siue denique vsum in oeconomia spectes. Se porro omnia,

omnia, nouiter inuenta, nec non quae et in veterum, et recentiorum libris, de vegetabilium cultura et vsu, traduntur, publici iuris facturum esse promittit Cl. Auctor. Singula nunc videamus:

In epistola secunda de *sorbo aucuparia* L. agit p. 17. ubi, descripta praestantia formae, trunci, florum, fructuum, foliorum, in vsum, quem lignum habet, inquit, quod ob duritiem, et colorem cineritium, et quod facillime laeuigari potest, ad varia opificia et machinas construendas aptum reperitur. Fructus eius cupide quaerunt turdi, inde, ubi crescit copiose arbor, maxima in copia, sumtibus minoribus, aluntur illi aues, vti hoc obseruauit Noster in Lotharingia. Verum etiam maximum vsum habent in exornandis hortis; siquidem et alimenta pro hominibus inde parari possunt: ex ficcatis enim et in puluerem reductis baccis panis coquitur, et Sueci potum, qui iis loco vini est, inde praeparant, et per destillationem aquam vitae ex eo obtinent. In re medica, ante maturitatem, si adhibeantur baccae, p. 21. vt adstringentes in diarrhoeis commendat Cl. Auctor.

In tertia epistola methodum declarat, *phthysin* p. 33. *suffimento humido vegetabilium*, vt vocat, *sanandi*. Inueni phthifico, ad quem accersebatur Noster, exhibuit primum, praeter nutrientia leniora, bis de die drachmam vnam opiatiantiphthifici MARQUETI, in Lotharingia noti, et infusum theiforme ex myosotide, domiciliumque ei suadebat in stabulis ouium; sed frustra. Quo facto cogitando ad dictam fumigationem humidam peruenit, quam, vt profitetur, summo cum vsu adhibuit. Indidit nempe machinae p. 42. singulari, a se ipso inuentae, infusum aquosum plantarum bechicarum et balsamicarum, quibus addidit balsama naturalia; et os aegri orificio superiori angusto applicari iussit, vt inspiraret aerem, particulis illis balsamicis impraegnatum, aeger;

Secund. Decad. Supplement. L praeter

praeter quod alimenta bonae notae, nec non opianti illius MARQUETI vsum suadebat, aegrum illum, nec non multos alios postea perfecta gaudere sanitate profitetur.

p. 49. Epistola quarta de *betula alno* L. agit, cuius culturam propterea partim commendat, quia non adeo fertile solum exigit, partim, quoniam post paucos annos ad varias res in oeconomia, variaque opificia adhiberi, ideoque vsum ferre potest. Inde suadet iis eius culturam, quorum agri paludosi sunt, vel qui ad margines fluminum et riparum arbores plantare cupiunt; plurimum enim aquae inter omnes arbores fert, vti ex observationibus constat. In paralyfi optimo cum effectu folia eius adhibuit Cl. Auctor; quibus calefactis, aegrum paralyticum totum obtegunt Helueti.

p. 65. In epistola quinta culturam *tritici Smyrnenfis seu miraculosi* dicti, describit. Est scilicet triticum spica multiplici C. B. quod in regionibus Smyrnen-sibus inprimis colitur, vnde in Galliam peruenit; quodque triginta sex culmos in vna planta gerit; in vnoquoque culmo positae sunt sex aristae, quarum quaeque triginta quinque continet grana. Ex quibus omnibus patet maxime conuenire ruricolis, si hanc tritici speciem praeferrent communi; cum agri multo fertiliores inde fierent. Ad multiplicandos culmos adhibuit singulares praeparationes, partim a se ipso, partim ab aliis inuentas, quas hic cum Lectoribus communicat.

p. 81. In epistola sexta de coloribus exponit Cl. Auctor, qui ex vegetabilibus obtinentur, et vel picturae vel arti tinctoriae inseruiunt. Praemissa generali tractatione de praestantia picturae ac tinctoriae artis; nec non de coloribus, quorum sex *primitiuos*, vt vocat, assumit; eorum causis, aliisque huc spectantibus, eas primum hac epistola enarrat plantas, quae

quae et lanam aliaque colore flauo obducunt, vel ad picturam adhibentur; vt sunt acanthus, thymelaea, folia betulae inprimis nigrae Lapponicae; gummi guttae, luteola aliaque.

Quod plantas spectat, quae colore rubro, pur- p. 97.
pureo et coeruleo tingunt, has enumerat in epistola septima. Eleganter rubrum colorem praebent bixa Orellana, lignum Brasiliense, cachou, qui succus gummoso resinofus est palmae, *areca*, *catechu* dictae; flores carthami, rubia tinctorum, aliaque exoticae plantae.

Colore coeruleo tingunt paucae tantum plantae, vt indigofera, cyanus, cortex fraxini, galegae, folani, campanulae species etc. vti hoc Cl. Auctor ostendit in epistola octaua, additque eas p. 113.
plantas, quae colorem praebent violaceum, viridem et nigrum. Praeparatione coloris indigo descripta, myrtillos violaceum praebere colorem, nec non baccas basellae, lichenis speciem, contendit Noster. Color viridis elicatur ex fructibus Belladonnae, floribus buglossi, iacobaea, iride, melissa, aliisque. Nigrum colorem praebent anacardium, et inprimis oleum ex fructibus eius, agarici species, alni fructus, lignum Campechienne, et Iamaicense.

In epistola nona iterum tradit curationes phthi- p. 128.
sicae pulmonalis *per suffimigium vegetabilium* factas. Iis scilicet obseruationibus, quas enarrauit iam in epistola tertia, quasdam addit, a MUZELIO, aliisque, ac a se Ipso institutas; quae priora confirmant.

In epistola decima de *lino Sibirico* agit Noster, p. 145
vbi culturam eius commendat; nec non praeparationem, eius variam ac optimam methodum describit.

Epistola vndecima eas plantas tractat, quae gu- p. 161
stum carnis et lactis animalium deperdunt, si ab iis

comeduntur. Si vaccae et oues thlaspi deuorant, lac et caro allium redolet; si leuisticum edunt, idem sapor in lacte et carne obseruatur: Porro euphorbium sonchus oleraceus, quem auide quaerunt lepores, et omnes plantae umbelliferae, vti Cl. HAGSTROEM obseruauit, eundem edunt effectum. Addit plures, quas silentio praeterire licet.

p. 177. *Milium Africanum*, s. holcum sorghum L. commendat in epistola duodecima Cl. Auctor, loco fecalis seminare, quoniam innumere sese multiplicat, ita, vt pro vno grano centum et sexaginta accipere possit, qui hanc plantam colit. Requirit vero terram sabulosam, duram, nec nimis magna copia granorum vni agro immittenda est, ne incrementum et multiplicatio impediantur. In Heluetiam, vbi copiose colitur, primum ex Africa missum est semen hoc.

p. 193. *De ligno Quassiae* epistola decima tertia agit, quod Surinamo primum in Europam, per Cl. DALGBERG missum est; vbi a seruo quodam, *Quassi* vt remedium efficacissimum in febribus malignis, epidemice ibi saepe grassantibus, adhibitum est. Descriptionem botanicam si quis legere cupit, adeat LINNAEUM, *) qui singularem scriptiunculam de ea edidit, quae et a Nostro laudata ac adhibita fuit. Quod vires attinet, est medicamentum amarum, stypticum, et in infuso in primis adhibetur, ita, vt ad mensuram aquae scrupulum vnum sumant; cuius sapor tam amarus est, vt vix exhiberi possit, ob balsamicam tamen vim chinam multo superare creditur. Non solum autem in febribus continuis ac intermittentibus sed et aliis in morbis, malo hypochondriaco, fluore albo, arthridite et sphacelo, summo cum fructu exhibuerunt Noster, alique.

In

*) v. Comment. nostr. secund. decad. suppl. I. p. 23.

In epistola decima quarta, dosin medicamento- p. 209.
rum, ex plantis praeparatorum, non certe determi-
nari posse, variis demonstrat exemplis Cl. Auctor.
Comparat inprimis eorum medicamentorum doses,
quae et hominibus et aliis animalibus exhibentur. Sic
elaterium, pulpa colocynthidis, cicuta, aloe, variaque
alia, equis aliisque animalibus ad vnciam dimidiam,
vel maiorem dosin exhibentur, cum hominibus gra-
na aliquot, vel scrupulus praescribuntur.

In epistola decima quinta *acmellam* aliasque p. 225.
plantas, ut specifica in calculo et colica nephritica,
commendat. Verbesina acmella vires exserit diu-
reticas, diaphoresin mouet, humores attenuat, et
menstrua promouet. Eundem effectum in soluendo
calculo edit vna vrsi, id quod Cl. HAENIUS confir-
mat; nec non vaccinium myrtillus, sub forma in-
fusi vel decocti exhibitae.

In epistola decima sexta culturam robiniae ca. p. 241.
raganae rusticis et hortulanis suadet; fructus eius
ab Siberiae et Tartariae incolis in nutrimentum co-
piose colligantur.

In epistola decima septima nouam aquam vulne- p. 257.
rariam et compositionem globorum balsamicorum,
in Lotharingia notorum, cum Lectoribus communi-
cat Cl. Auctor. Pater eius compositionem huius
aquae inuenit, ad quam efficiendam, folia nicotia-
nae, aristolochiae, sedi albi s. illecebrae, et solani
cum vino albo infunduntur, digeruntur et destil-
lantur. Globi balsamici praeparantur ex aloe,
nyrrha, mastiche, similibusque aromatibus; quos,
in aqua vulneraria solutos, egregios edere effectus
promittit.

Epistola decima octaua de *apocyno* agit, Syria. p. 273.
eum dicto. Descripto breuiter habitu plantae, in-
usum eius, minori dosi exhibitum, purgare aluum,
dosin vero auctam vomitum mouere, docet; cae-

terum summa cum cautione interne esse adhibendam ob effectus venenatos timendos. Ex lana, quae feminibus adhaeret, cum animalium lana commixta, in Gallia pilei, et panni sericei, aliaque conficiuntur.

P. 289. In epistola decima nona, infusum quoddam plantarum balsamicarum, et bechicarum commendat, quod in asthma tentauit. Postquam initio epistolae huius omnia fere remedia huius generis, quibus Galli in hoc morbo vtuntur, enarrauit, hoc suum infusum theiforme ex plantis resoluentibus ac balsamicis paratum, reliqua omnia antecellere, profitetur Noster.

P. 305. In epistola denique vltima *de spigelia*, anthelmia dicta, agit Cl. BUCHHOZ, cuius vires, contra vermes specificas, multis extollit laudibus. In decocto praecipue adhibuit, dum nempe manipulos duos huius plantae in duabus mensuris aquae coqui iussit, vsque ad mediam partem decocta esset aqua; colaturae deinde addidit paucam quantitatem sacchari seu succi limonum, vel syrupi cuiusdam; exhibuitque adultis sensim mensuram vnam decocti, antequam lectum irent; infantibus minorem dosin; praeter laxans ex rhabarbaro, fenna, et manna; et speratos vidit effectus, maxima scilicet in copia excreuisse aegros vermes.

XXXIII.

HENRICI AUGUSTI WRISBERG, D. Med.
anat. atque artis obstetr. Prof. R. Obserua-
tionum de animalculis infusoriis fatura, quae
in societatis regiae scientiarum solemni anni-
versario confessu praemium reportauit. Goet-
ting. ap. Viduam b. Vandenhoek. 1765. 8.
plag. 7. c. ded. et praefat. Tab. aen. 2.

Quae in omni plus minus putrescente liquore,
ex affusa, ad animales vel vegetabiles partes,
aqua nato, sese offerunt varie mota corpuscula, ani-
malcula infusoria dicuntur. Haec nupero seculo
detecta, repetitisque multorum observationibus in-
dagata denuo disquisiuit Cl. Auctor, hunc in mo-
dum ea, quae per duodeviginti observationes ipsi
innotuerunt, in opusculo hoc tripartito tradens,
vt prima sectione animalis, altera vegetabilis regni
effectus describeret, tertia vero obseruata diiudicaret
adiectisque iconibus illustraret.

Ex regno animali hirudinem, trichuridem, al-
bumen et vitellum oui, carnem bubulam coctam,
veruecinam assam, recentem, crudam putridam,
sperma virile, laruasque muscarum, ex regno vege-
tabili autem pisa hortensia, flores phaseoli, mi-
scelam seminum cardiacae, geranii, matricariae,
ceparum et chrysanthemi, porro semina cannabis,
napi, sesami, avenae et milii, apiumque palustre
recens et siccum examinauit; quin immo etiam
aquam fluuiatilem. Adeo autem breuiter omnia
complectitur, vt singulorum epitome tradi haud
queat. Vfus est vt plurimum microscopio compo-
sito Anglicano illoque horizontali, lenteque, cuius
focus est dimidia pars lineae.

Vidit varium animalculorum gregem, quorum alia minima sunt, rotunda, ouata, flauedine et motu, quaquaueſum liberrimo, a bullulis aereis diſtinguenda, ſolitaria, aliquando gregatim decurrentia, aliquando in membranam quaſi vel colliculum congregata, reliquis inprimis polypis pro nutrimento inferuientia; dein alia maiora, quae Cl. L A B L O T *Cornemufes* dixit, ouata, anterieus acuminata, obtuſa poſterius, proboscidem cylindricum plerumque exſerentia; porro globola alia, exacte rotunda cum cauda duplici, forcipe ſimili; alia deinceps lata, ampla, ouata, in vtroque extremo acuminata, apice poſterius duplici ex articulis composito, admodum mobili, praeterea alia piſciformia, longiuſcula, vtrique acuminata, pelluentia, in medio latiuſcula, opaca, motu repente tardiore; velociſſimo rurfus alia, capite rotundo obtuſo, trunco cylindraceo, cauda bifurcata, acuminata; alia quoque perfectiora, pedibus, cauda, capite cornubus, ſeu antennis pilisque inſtructa; poſtremo polypos extenſiles, contractiles, infuſoria reliqua deuorantes, pedunculatos, campaniformes, ore hiantes, contracto illo acuminatos, muco et fragmentis cohaerentes, aliquando plane liberos, cum medio quodam puncto obſcuro, nunquam non ſeſe moventes. Quorum quidem omnium formas, pro vario tamen ſitu et motu ipſorum diſcrepantes, icones, a Cl. Auctore ipſo conſectae, exprimunt.

P. 82. Ad geneſin illorum, praeter aerem et modicum caloris gradum, aquae miſcela cum corpusculis animalibus vegetabilibusue, arte vel natura facta, requiritur. Elapſo die vno alteroue, incipiente iam motu putredinoſo, praeter bullulas aereas euoluuntur moleculae minimae, albiae, rotundae, copioſae, ſeorſim vel confertim poſitae, veſiculares. Senſim iam adoleſcunt in animalcula, non diu duratura, cito

cito autem, ab affuso vel acido vel alcali, enecanda. Par est mucorum generationis ratio, de qua pauca profert. Vti vero Cl. Auctori inter polypos, animalcula infusoria et forte quoque spermatica, arctissimum extare similitudinis vinculum videtur; ita sententiam, qua omnia ex ovo prodire dicuntur, non solum argumentis, ab infusoriis corpusculis, mucoribus, muscis atque fungis, verum etiam ab animalibus perfectis desumptis, dubiam reddere allaborat.

XXXIV.

Von den Krankheiten einer Armee, aus eigenen Wahrnehmungen in dem letztern Preussischen Feldzuge, mit praktischen Anmerkungen aus den besten Schriftstellern von E. G. BALDINGER D. Langensalza, in Joh. Christ. Martini Verlage, 1765. 8. Seit. 326. ohne Dedic. Vorrede und Register.

i. e.

De morbis exercitus obseruationes, in nupero Borussorum bello factae, et annotationibus practicis, ex optimis scriptis depromptis, illustratae ab E. G. BALDINGERO. D.

Libellus hic, quam maxime historico stylo, neque commodo, ordine, conscriptus, in tres dispescitur partes; quarum prima valetudinarii bellici Regii Borussiae rationem, altera diaetam, a militibus in bello obseruare solitam, tertia vero ipsos in bello occurrentes morbos describit.

In prima parte, in duas alias iterum diuisa, quarum prior de valetudinario bellico Borussorum in genere, posterior de nosocomio bellico apte beneque disposito agit, Cl. Auctor copiosam admodum,

L 5

multaque

- multaque superflua, saepiusque repetita, continentem facit recensionem medicorum, chirurgorum, pharmacopaeorum militum aegrotantium, in bello curam habentium; locorum, ad nosocomia bellico idoneorum; oeconomiam in istis aegrorum domiciliis curantium virorum; in specie duorum illorum, in nupero bello Torgaviae et Wittebergae constitutorum valetudinariorum rationem: tradit praeterea, quatenam sit ratio, cum vulneratos, tum morbis internis affectos milites in bello curandi, et quatenam sint et medicorum et chirurgorum, cum pluribus,
- p. 31. tum nulli duci, subiectorum hac in re officia: Ad valetudinarium bellicum bene ordinatum requiri docet, ut medici sint et proba rerum medicarum notitia, et experientia instructi, humani atque officiosi, a rege vel imperatore exercitus bene aestimati; ut porro in pharmacopoliis pauca mixta et liquida, multo e contra simplicia, pluribusque indicationibus simul adaptata, medicamenta, eaque caute afferuantur: ut deinde, in inferiorum nec adeo exercitatorum medicorum vel chirurgorum commodum, condatur systema, quod vel, uti Cl. Auctor dicit, b. HEBENSTREITUM Nostrum, in synopsi quodam therapiae, quam Noster simul spem facit aliquando edendi, fecisse, generalia vel particularia, solis militum morbis accommodata, therapiae
- p. 49. praecepta tradat; ut denique etiam miles aegrotans bene, ita tamen, ut omnes, principibus molesti, nimii sumtus absint, nutriatur.
- p. 62. Diaetam militum in bello, in secunda parte, ita describit, ut primum ea diaetae vitia, nec ab imperante, nec a medico castrensi remouenda, vel in ipsorum plurimorum militum neglecta morum cultura; vel in circumstantiis, cum bello necessario coniunctis; vel in alimentorum potulentorumque modo inopia, modo abundantia; vel in nimio motu; vel in

in affectuum animi, potissimum timiditatis, intemperantia, vel in immunditie, parcaque rerum, in bello gerendarum, consuetudine posita fuit, recensent; tum, quatenus ad militum sanitatem conservandam, aeris, aquae, locorum, cibi et potus, ve- p. 82.,
stium denique ratione, ab imperantibus et medicis curanda sint, edoceat, exemplisque illustret.

In tertia denique huius libelli parte, ubi de p. 95.
morbis, quibus in bello milites sunt obnoxii, agitur, praemissis variis de studio suo, veros propriosque militum morbos disquirendi, laudatis PRINGLIO, HOMIO et SCRETA, veluti optimis hac in re scriptoribus, amplaque tandem commodorum et incommodorum medicis castrensis, in disciplinarum suarum incremento occurrentium, vel in aegrorum visendorum rariorumque phaenomeno- p. 105.
rum multitudine, vel in cadauera secandi opportunitate, vel in imperantis summius medici lenitate aut pertinacia, vel in aegrorum, modo huic, modo illi, medico aut chirurgo traditorum, proelique tempore, modo huc, modo illuc translatorum, ratione: vel in librorum consulendorum inopia, consistant, descriptione facta, primum illos morbos, quibus etiam alii homines afficiuntur, tunc eos qui, licet in aliis cadant homines, in castris tamen frequentius occurrunt; tandem illos potissimum, quibus Borussia nupero in bello quam maxime laborabant, tribus sectionibus contemplatur Cl. Auctor.

Morbis, alios simul homines male habentibus, P. 122.
annumerat, calculum, epilepsiam, melancholiam et maniam, variolas, tandemque purpuram. Calculum, cum dolore, inflammatione, spasmo, ulcere; urinaeque obstructione coniunctum, ab aliis similibus morbis distinguit, in eius curatione specificè sic dicta diuretica, et, praeter epithemata, balnea et enemata

enemata emollientia, temperantia, si vlcus adfit, corticis Peruuiani, cum theae foliis mixti, vsum, et pilulas saponaceas, paroxysmo absente, datas, aquam
p. 125. calcis vivae, vnamque vrsi, commendat. Epilepsiam, quam a ficta probe distinguere iubet, in haereditariam, congenitam, acquisitam, et symptomaticam diuidit; ipsi idiopathicae non tam frequenter, quam symptomatica, in castris obseruandae, specifice obesse monet viscum quernum, nec non, quia acidum corrigat, aquam calcis viuae; Ill. COTHE-
 NII puluerem antiepilepticum, ex succino cum oleo tartari trito, millepedibus, nitro, arcano duplicato, semine lycopodii, limatura martis, cinnabari, et eleofaccharo foeniculi digestum, reiicit; camphoram, maximeque, si cum amygdalis trita in emulsio-
 nis formam redigitur, nec minus pilulas, ex radice valerianae confectas, summe vtilis esse putat; causas epilepsiae frequentiores, non semper vno eodemque tempore aequae efficaces, copiose tradit, exemplisque illustrat, epilepsiam denique, a vulneribus diu durantibus obortam, pertinacissimam esse docet.

P. 134. In melancholia et mania, quas a variis scriptoribus, inprimis MUZELLO, egregie descriptas esse refert, et quomodo a refrigerio, ira, scabie retropressa, febribusque malignis pendeat, exponit, praeter alui solutiones et alia, cuiusque causae accommodata, remedia, inprimis tartari tartarificati, nec non aceti vsum commendat, et de scabie, per

p. 140. artem inferenda, aliqua monet. Variolas in castris rarius occurrere, easdem, licet antea benignae fuerint, in malignas mutari, dicit, idque exemplo militis cuiusdam, qui variolas quidem iam superaverat, in nosocomium bellicum, Torgaviae constitutum, delatus, corpus tamen habebat, nigra quadam squamosa crusta obductum, simulque magnam
 oris

oris raucedinem, et ab his malis, quae noster pro variolis verrucosis habet, per balneorum, mercurii dulcis, decoctorumque usum sanabatur, probat. In purpurae, quam cum puer, tum medicus cap. 142. strensis passus est, et suo ipsius exemplo, Cl. HEINRICI, super hac re gestum diarium, iam succincte Auctoris dissertationi, de morbis militum, nec non amplius operi chirurgicarum observationum Cel. BILGUERI insertum, vna cum tabula, pulsus in diuersis diebus diuersam rationem denotante, et in fine nostri libelli annexa, exhibens, copiose illustrat, natura et indole contra Ill. HAENIUM, medicum pro exanthematum Auctoribus habentem, aliorum Virorum sententiis admodum confuse adductis, vehementer irruit; purpuram et omnia alia exanthemata viribus vitae, nullo antea exhibito medicamento, e corpore elici; et forte Cl. MEDICUM, lege inflammatoria illa oriri, autumantem, recte sentire putat.

Ad alteram morborum militum classem, quae p. 261. eos, qui, aliis quidem hominibus communes, in castris tamen frequentius occurrunt, comprehendit, ex Auctoris sententia pertinent, febres simplices plethoricae (*einfache Blutfieber*) et inflammatoriae; febris catarrhalis benigna; tussis, diuersaeque asthmatis genera; arthritidis, rheumatismi et cephalaea chronica; phthisis et febris lenta, febris quartana, tertiana, hydrops et tympanitis, icterus, variae alui fluxiones, variae scabiei species, sanguinis profluvia, apoplexia, paralyxis; sopor et catarrhus suffocatiuus, erysipelas et gangraena, denique vermes. Febrem illam simplicem, quam plethoricam diximus, Noster leuissimam esse, et solos illos, belli laboribus assuetos, iuuenes afficere dicit. Febris autem inflammatoriae, quam ab illa, quae a stasi humorum

- humorum oboritur, distinguit, varia constituit genera, frequentiusque in castris anginam et pleuritidem, rarius veram illam ventriculi occurrere, et in pleuritidis curatione epithemata humida siccis p. 168. antecellere docet. In catarrhali benigna febre, pedestres milites potissimum afficiente, diaphoretica p. 171. spirituosam cautissime propinanda esse monet. Tussis, quas in castris vel siccas, vel humidas, vel convulsivas, nec non omnia, qualiacunque sint, asthmatis genera, propter innumera, ex bellicis laboribus in militum pectora redundantia, incommoda, frequentissime in castris observari, et in iis sanandis simplicissima, ex gummi ammoniaco et squillitico oxymelle parata, medicamina egregii usus esse, luculenter probat.
- p. 174. In arthritide et rheumatismis, varie inter se differentibus, et potissimum vel calidis, vel chronicis, ex variis scriptis varia commendat remedia, imprimis tamen ea, quae ex sapone parantur, nec cepheas chronicas in bello rariores esse monet.
- p. 181. Phthisin febresque lentas, in equestres milites praefertim cadentes, prae aliis etiam a tergi per baculos concussione pendere, arbitratur. Febris quartanae, cuius malignitatem praecipue in chirurgorum incongruam medendi rationem confert, et quam male in tympanitidem vel hydropem, feliciter in scabiem terminari dicit, curationem copiose, pluribus, saepeque valde compositis, recensitis medicamentis, illustrat. Sic etiam in febre tertiana, non tam vehementia remedia postulante, in castris raro maligna vel apoplectica, explicanda versatur, et inter alia praecipue radicis ipecacuanhae cum rhabarbato, corticisque Peruviani cum radice serpentariae Virginianae usum laudat. Hydropem, cum symptomaticum, tum idiopathicum, cum fixum, tum vagum, a variis causis pendentem, copiose describit,

describit, insignemque medicamentorum, cum resolventium, tum abducentium, tum roborantium, in bello contra hydropem vsurpatorum, cateruam exponit.

Tympanitem, non, uti Cel. PRINGLIUS, semper ab intermittentibus febribus, per corticis incautum usum male curatis, sed et ab aliis causis, variisque praesertim viscerum abdominalium obstructionibus oriri, vel in ventriculi et intestinorum, vel in peritonaei cavitate, vel extra peritoneum, inter hoc, telamque musculorum cellulosam sedem habere; saepe, intestinis nullo modo expansis, adesse; raro solam deprehendi, interdum per aerem vterum distendi; et in ipsa tympanitidis curatione omnia, flatus mouentia, remedia caute propinanda esse, fuse admodum ostendit. Icterus, quem p. 220.

non, uti Ill. VAN SWIETEN putat, a chronicis febribus, vel diaeta neglecta sola, sed et ab aliis causis, v. c. vulneribus capitis, oriri docet, ex alius chirurgi observatione, post proelium Kesseldorfiense, a vulneribus capitis letalem factum esse, saepe epidemicum deprehendi, in bello vehementissimis resolventibus pertractari, et, si in mortem terminetur, a diarrhoea excipi enarrat. Fluxuum alui, vel crur- p. 226.

ticorum, vel symptomaticorum, maxime chronicorum varias causas, nec non permulta ex plurimis scriptis depromta ad illos eaque, quae cum iis coniuncta sunt symptomata cohibenda remedia enumerat. In scabie, non semper, uti Cel. PRINGLIUS vult, contagiosa, et a vermibus sub cute repentibus oborta, sed utique multum varia, pluribusque p. 231.

sub morbis, praesertim si retropressa fuerit, latente; quoad differentias suas optime ab Ill. CRANTZIO *) descripta, milites magno cum dolore, crustisque p. 239.

*) In diss. de scabie et eius classibus. Viennae, 1760.

stisque percrassis, afficiente, quaenam in castris adhibeantur, et quomodo adhibenda sint, medicamina, fufius enarrat.

- p. 254.** Sanguinis profluvia, vel a vulneribus oborta, optime per pressionem, quae per pulvillos densiores fit, sistenda, vel scorbutica, vel cum alui excretionē coniuncta, vel apud iuniores milites e naribus, vel, potissimum apud equestres milites, ex ano, sub haemorrhoidum nomine, vel denique e pulmonibus enata, breuiter contemplatur. Apoplexiam et lethargum, vel a nimio sanguine capitisque vulneribus, vel a pituitae insigni copia; catarrhum suffocatum vero, a variis excretionibus suppressis, vlceribusque inveteratis oboriri, et ad has causas, in morborum horum curatione, attendendum esse probe monet. Erysipelas, in castris admodum varium, multumque frequens caute sanandum describit. Aduersus gangraenam ex mente Cl. **BILGUERI** frequentem scarificationem, vsumque corticis Peruuiani vehementer laudat, et vtriusque vtilitatem militis cuiusdam, tristissima gangraena in pede sinistro affecti, et per trium pene septimanarum interuallum adhuc viui conseruati, exemplo copiose demonstrat, monetque, in bellicis valetudinariis cauendum esse, ne aegri, ob diuturniorem cubitum in humeris, vel lumbis gangraenosis afficiantur maculis. In vermium causis morbisque, quos producunt, vel comitantur, potissimum vero in anthelminticis sic dictis medicamentis exponendis copiosissimus est, et quam maxime corticis Peruuiani, camphorae, acidique vitriolici vsum commendat.
- p. 285.** Morbos, militibus in nupero bello, proprios, quos in tertia parte pertractat, breui quadam introductione, in qua, hos morbos acutos, putridos, et contagiosos esse, a vitae militum genere oriri, rarissime per perfectas crises, frequenter per metastasin

stasin, in pectore extremo factam, terminari, multis antea iam expositis, iterum repetitis, tradit, praemissa, eo persequitur ordine, ut primo de febre vera castrensi, tunc de scorbuto, postea de diarrhoea; deinde, de dysenteria, tandem de scabie maligna agat. Febris militum, quam vocat, ab ill. **ELLERO** pro catarrhali maligna habitae, descriptionem ex eiusdem Viri observationibus tradit, ipsam, pro castrorum hybernalium diuersitate, diuersam esse, aestate cum vehementioribus symptomatis et delirio, diarrhoeisque, ab humorum resolutione obortis; hyeme vero magis cum languore, et diarrhoeis, a refrigerio enatis, coniunctam deprehendi; varie terminari, et uti, putridos morbos, curandam esse, docet.

Scorbuti, naturam et causas secundum **LIN-** **DIUM**, quem optimum hac de re putat scriptorem, aliorum sententiis tamen simul additis, exponit, eundem Ao. 1758. circa Vratislauiam epidemice regnasse, et ad ill. **STOERCKII** methodum infuso armoraciae cereuisia vel vino facto non neglecto optime curari, edocet. Diarrhoeas vel autumnales sic dictas, ad quas biliosae pertinent; vel putridas, dysenteriae affines, saepe a moerore animi obortas, caute per euacuantia et adstringentia tractandas, et in iis tollendis extractum ligni Campechiani, aqua menthae crispae solutum, efficacissimum esse, declarat. Dysenteriam, licet frequentius occurrat, a se tamen rarius obseruatam, saepe cum vehementi febre coniunctam, optime per rhabarbari cum radice ipecacuanhae mixti, corticis Peruviani, gummi Arabici, et aquae calcis viuae cum lacte mixtae usum tolli demonstrat, et aliquantum iocose, quatenus sint radicis ipecacuanhae rhabarbari, et corticis simarubae ex mente **Exp. RIDIGERI** principia, enarrat. Tandem de scabie maligna **Secund. Decad. Supplement.** **M** **ligna**

ligna, vt vocat, ita agit, vt eam cum febris putridis et scorbuto coniunctam esse, per densam, viridiusculam crustam sese manifestare: in stadio eruptionis propter, paruas crystallinas pellucasque vesiculas, cum purpura conuenire, deinde vero in pisi magnitudinem habentes suppurantesque quasi variolas cum dolore et stupore coniunctas mutari, multum deinde impurissimi fundere puris, a refrigerio cum artuum tumore dolorifico, a nimio calore cum vrente quasi dolore coniunctas deprehendi, saepe, muscorum ad instar, pilis obstitas esse, ab omnibus iis, quae febres putridas gi- gnant, causis oriri, et per balnea, irritantia, le- nientia, euacuantia, et antiputrida, prouti circum- stantiae postulent, sanari debere, affirmet, enarret. que, multis sane verbis, totum huius, quo ipse per vnum annum affectus fuit, morbi decursus.

XXXV.

Proeve over de voornaamste langduurige ge-
zwellen, door DAVID VAN GESSCHER,
chýrurgyn te Amsterdam. Te Amsterdam,
by Ian. Morterre 1767. 8 mai. 19 plagg.
cum dedic. praef. et indice.

i. e.

Tentamen super praecipuos tumores chronicos
Auctore DAVIDE VAN GESSCHER.

Diuiditur hic tractatus in octo capita, quorum
primum annotationes, de *doctrina tumorum in*
genere, complectitur; pertractantur in altero *tumo-*
res glandularum, scrophulae, scirrhi et cancri s. carci-
nomata; in tertio *tumores cystici s. tunicati, athero-*
ma, lupia, ganglion et ranula; agit Noster in quar-
to de *tumoribus adiposis s. steatmate*, in quinto de
tumoribus

tumoribus duris, sarcomate, polypo nasi, paruli, sarcocoele, polypo partium genitalium sexus sequioris et excrecentia articularum. Examinat in sexto tumores aquosos, oedema, hydrocephalum cum spina bifida, hydatidem, hydrocelem, hydropem articuli; in septimo tumores vasorum sanguiferorum, aneurysmata et varices et in octauo demum tumores dubios, bronchocele n. herniam gutturis, abscessus frigidos et tumores lymphaticos. Iam cum ea, quae Cl. Auctor hic habet, non ita iuste ad finem nostrum, quem in brevitate nobis posuimus, spectent, quaedam ex his, definitiones, causam proximam, et methodum curandi, quae digniora nobis videntur, excerpemus, quibus nonnulla interdum, quae ad diagnosin et divisionem horum tumorum faciant, adspargemus.

Inter glandularum tumores hi sunt notandi: *Stru-* p. 12,
mae sunt tumores duri, indolentes renitentesque, in simplicibus glandulis, vel in compositis habitantes. Hi tumores sunt vel *benigni*, aegris non ita periculosi, vel *maligni*, qui aegros magis excruciant. Illi medicamentis resolventibus, hi vero exstirpatione p. 22.
 vel exulceratione curantur. *Scirrhus* est tumor durus, ex substantia aequae dura, indolens, non nisi in glandula conspicuus, rarissime solubilis. Causa proxima ponenda est in degenerata substantia glandulae cellulari; vel in corruptione, crassitiem, durtiem expansionemque augente, vasa glandulae comprimente, secretionem pinguedinis eiusque resorptionem impediante, textumque ipsum cellularum cum substantia glandulae, in corpus durum mutante. Curatio, si qua datur, in exstirpatione posita videtur. p. 31
Scirrhi recentes, liberi h. e. vicinis partibus non adnexusi, ex causa externa nati vel in corpore euchymo oriundi, melius et facilius curantur, quam qui iam inueterati sunt, cum vicinis partibus cohaerent, et ex causa interna vel in cacochymicis oriuntur. *Cancer*

- P. 34. *f. carcinoma* est tumor, ex scirrho saepissime oriundus, pruriens, dolens, pulsans interdum et pungens, figuram rotundam in irregularem immutans, cutemque, tumorum obtegentem, varicosam, pedum cancerorum ad instar, reddens. Causam proximam eandem, quam scirrhus, habet. *Cancer occultus* exstirpatione auferendus est. Belladonna, solanum, cicuta cet. ab aliis in hoc morbo, vt specifica, commendata, Nostro non ita arridere videntur. Externos potius exstirpandos, internos naturae committendos esse putat.
- P. 55. *Tumores cystici f. tunicati* in capite tertio absoluntur: *Atheromatis* tres sunt species: prima in glandulis subcutaneis sedem habet, quippe quarum maxima superficies cuti inhaeret. Apparent rotunda, non ita magna, cuti agglutinata, nec, sine hac, vlllo modo possunt deprimi; altera profundius haeret, cuti non firmiter adnexa est, sed ambitu suo telae cellulari insidet. Semper maiora, quam primae speciei sunt, et libere vndiquaque moueri possunt; tertia demum species in glandulis seroso lymphaticis cernitur. Dignoscuntur ex ambitu maiori, profundo situ in musculis, et ex insigni mobilitate.
- p. 62. Causa proxima priorum duarum consistit in coacervatione materiae, in has glandulas seponendae, nec iuste per vasa exhalantia excernendae. Tertia oritur ex collectione et corruptione materiae, in glandulis seroso lymphaticis contentae. Recentia emplastris gummi saponaceis et ferulaceis; inueterata exstirpatione curantur. *Lupia* (boongezwell) est tumor albus, nonnihil elasticus, indolens, lentiformis, et in vicinia saepius articulorum conspicuus. Causa proxima pendet a collectione humoris mucosi aucta in glandula mucosa. Curatio resoluentibus,
- p. 76. in inueteratis dissectione vel exstirpatione absolvitur.
- p. 77. *Ganglion* (peeeknoop) duplex est: *prius* est tumor parvus

paruus in nervis subcutaneis, ad pisi magnitudinem, aegrumque vehementissimis doloribus continuo excrucians. Symptomata, dolor, vigilia, febris, partisque affectae immobilitas, topica respuunt, nec, nisi resolventibus, sopiuntur. Vera curatio extirpatione perficitur; *posterius* est concretio neruorum, ex ictu vel duriore labore oriunda. Tumor ipse est durus, longitudinalis vel ovalis, in superficie interdum inaequalis, indolens, colorem cutis non immutans, ad latera tantum mobilis, et magnitudinem saepius olivae aequans. Causa proxima pendet a collectione humoris gelatinosi in vagina tendinum. Curatur resolutione vel incisione. *Ranula* est tumor mollis, p. 83. flaccidus, non ita dolorosus, in apice linguae, ad hoc vel illud frenuli linguae latus, vel ad utrumque simul conspicuus. Oritur ex mala dispositione partium solidarum, et obstructione vasorum excernentium. In cura ad incisionem, vel, quod melius videtur, ad cauterium actuale Noster respicit.

Steatoma, quod in capite quarto, sub nomine p. 87. *tumoris adiposi* pertractatur, est tumor magis minusve ingens, nonnihil planus, indolens, *atheromate* durior, renitens, elasticus, colorem cutis non immutans, liber et undiquaque fere mobilis. Oritur ex collectione, accumulatione indurationeque massae pinguedinosae in cellulis. Excisione curatur.

Varios tumores, cum substantia dura, firma, in p. 95. capite quinto Cl. Auctor examinat. *Sarcoma* est tumor durus, firmus, in tunica cellulari situs, indolens, insensibilis. Sunt ipsi hi tumores vel *connat*i vel *acquisiti*, et non, nisi in ortu, differunt, ubi hi maiores statim et duriores, quam illi deprehenduntur, qui naevis maternis respondent. Causa pro p. 100. xima est in corrupta tela cellulosa et distenta, ab ex-

tenfione vaforum, ibi iacentium, oriunda. *Acquisiti* recentes medicamentis emollientibus, refoluentibus, et leniter adstringentibus curantur. *Inueterati*, ne eruptio fiat, adstringentibus, et, eruptione facta, antiputridis, exsiccantibus anodynisque tractantur.

p. 106. *Polypus nasi* est eminentia intra orificia narium, ex integumentis earum interioribus excrefcens, vel fimplex, vel in varios processus diuifa. Sunt *polypicarnofi*, qui ad *excrefcencias* pertinent, *mucofi* et *cartilaginei*. Oriuntur priores ex degeneratione telae cellulofae, tunicam pituitariam formantis; *mucofi* collectioni praeternaturali muci in glandulis pituitofis (*mucofis*) cellulisque membranae dictae, originem debent. Quaerit hic Nofter: *numne polypus uno*

p. 114. *semper pedunculo bafi adhaereat, an pluribus?* Posterior et aliorum et fua experientia confirmatur. Curatio, quam Cl. Auctor fufius explicat, eo redit, vt caufae, ex quacunque labe, venerea, fcorbutica, carcinomatica cet. oriundae, accommodetur. Veficatoria et fonticuli commendantur. Si vero offa fpongiofa, vel alia, nafum componentia, infeftata fuerint, extirpatio fuadetur, quae quoque femper, nifi contraindicans adfit, tutiffima eft.

p. 115. *Tumores* (uitwafs) *gingiuarum* f. *epulis* f. *parulis* funt magis minusue prominentes, firmi non inflammati, interdum dolentes, ex ipfa gingiuarum fubfiantia excrefcences, ad dentes vt plurimum molares confpicui. Oriuntur ex obftructione vaforum, ad dentes gingiuasque fitorum, et ex materia, ibidem collecta, deprauata.

p. 123. Curatio vel excifione vel cauteriis abfoluitur. *Sarcocoele* f. *hernia carnofa* eft vel corruptio epidydimidum, vel defftructio tefticulorum. Illa ad *tumores carnofos*, haec ad *fcirrhos* pertinet. Nofcitur prior ex deprauatis vafis et contextu cellulari, epidydimidem componentibus, quibus vafa prolongantur, contextus cellularis extenditur

tur, et durior fit. Tumor ipse in initio indolens est, et ubiuis liber; progressu vero increfcit, et vicinis partibus adhaeret; Posterior cum *scirrhis* similem fere habet originem, ita quidem, vt corruptio interdum in centro testiculi incipiat, vbi periculofior est, interdum vero superficiem externam primum infestet. Curatio in priori, separatione epidydimidis, in posteriore extirpatione testiculi absoluitur. *Poly-p. 130.*

pus partium genitalium sexus fequioris f. cercosis est quadruplex: Oritur enim 1. in fundo vteri 2. in superficie interna colli vteri, 3. in ambitu orificii vteri interni vel 4. in superficie interna vaginae vteri. Diagnofis primae speciei, quae difficillima est, formatur ex crebriore haemorrhagia vteri; alterius speciei, ex tumore carnofo, firmo, denfo, in vagina latente, eidem non adnexo, paulum fupra orificium vteri pofito, cum involutione vel inuerfione orificii marginis, pofteriora verfus. Cognofcitur tertia fpecies ex tumore vel in vagina pofito, vel extra pudenda propendente, vaginae non adhaerente, ex orificio non, vel parum dilatato, paululumque oblique formato; quarta demum apparet ex tumore, intra vaginam confpicio, eidem adnexo, et forma et facie vteri orificii naturalibus. Causa proxima eadem est, quae *tumoribus carnofis*, ex corrupta nimirum tunica harum partium cellulofio fpongiofo mufculari. Conueniunt in eo, vt in bafi fint p. 136. anguftiores, multo latiores in progressu. Topica hic reiiciuntur, fola operatione chirurgica, methodo Cl. LEVRET curatio inftitui debet. In articulis oritur tumor, a Cl. Auctore *uitwas* dictus, ex in-p. 138. tima parte articuli oriundus, refiftentias vicinarum partium fuperans, motum articuli impediens, exterius prorumpens, manifestisque fignis confpicius. Causa proxima pofita est in deprauatione humorum textus cellularis, vafa, quae glandulas mucofas articulorum componunt, coniungentis. Confpiciuntur

tur potissimum in antibrachio et genu. Curatio consistit in amputatione partis affectae. Si vero malignitas iam adfit, materia per integumenta viam sibi parauerit et vicinos vel alios articulos iam arroferit, nec operationi est locus, sed medicamentis exsiccantibus, temperantibus et anodynis, cum iusta diaeta, opus est. Distinguendus est is ab *lupia* et *hydrope articulorum*.

Pertractantur in sexto capite *tumores oedematosi*.

- p. 143. Est ergo *oedema* tumor mollis, flaccidus, albus, indolens, inflammationi raro obnoxius, impressioni, diu duranti, cedens. Causa proxima debetur impedimentae circumductioni humorum, per vasa seroso lymphatica partis affectae; vel pendet ab errore loci eiusdem humoris, in telam cellulosa effusi. Curatio, si ex causa interna natum sit, internis medicamentis institui debet, vbi ab externis, frictione, suffimiis, aromaticis, epithematibus resolventibus roborantibusque cet. admodum iuuantur; Quodsi vero *oedemata* malignitatem quandam acquisierint, raro euentus bonus sperandus est. *Tumor aquosus* f. *hernia cerebri* in eo ab *hydrocephalo* differt, vt partem aliquam capitis, ex superabundante collectione humoris serosi; eleuatam ostendat, cum *hydrocephalus* e contrario totum caput tumidum reddat. *Hydrops spinalis medullae* f. *spina bifida* est tumor aquosus, in hoc vel illo latere medullae spinalis conspicuus. *)
- p. 147. *tumor hydrocephalus* vel *tumor cerebri* tum, cum ex tali collectione tenuissimi vapores exhalent, et in ventriculos deponantur. *Spinae bifidae* causa proxima duplex est. vel est ea, quae *hydrocephalum* producit; vel a peculiari collectione humoris serosi in canali ipso spinae medullaris proficiscitur. Haec, quaecunque

*) Conf. Cl. SWAGERMANN ontleed en heelkundige verhandeling van het waaterhoof etc. te Amsterdam. 1767. 8. § 6. seq.

que sint, mala, nullam curationem, sit ex medicina, p. 158.
 vel chirurgia petita, admittunt. *Hydrops tunica in-*
clusus tres exhibet species: 1. *Hydatis*, est sacculus
 membranaceus, humore aquoso plenus, in variis
 corporis locis inueniendus. Causa proxima credi-
 tur extrauasio humoris, ex vase seroso lymphatico,
 vel collectio superabundans humoris in tota cellu-
 losa, vel denique spissitudo lymphae, extra vasa mis-
 sae. 2. *Hydrops peritonaei* s. *anasarca* est collectio
 feri, in contextu cellulari inter musculos abdomina-
 les et peritoneum sito. Nascitur ex obstructione
 vasorum peritonei, qua, iisdem ruptis, serum effusum
 cellulas ultra modum distendit. 4. *Hydrops ouarii*
 est praeternaturalis intumescencia ouarii, ex magna
 collectione feri. Oritur vel ex corruptione ouulo-
 rum, vel ex nimia impletione vesicularum aquosa-
 rum, inter oua interdum sitarum, vel denique ac-
 cumulatione eiusdem materiae in substantia spon-
 giosa ovulorum. Conueniunt hae tres species in eo, p. 169.
 vt sola operatione possint curari, vel certe ea-
 rum symptomata sopiri. p. 171.

Hydrocele (waaterbreuk) est collectio feri in par-
 tibus genitalibus sexus potioris. Inter varias hu-
 ius morbi species, eam tantum, quae scrotum tan-
 git, concedit Noster, et haec est triplex: vel cerni-
 tur in substantia cellulosa scroti, vel in vagina chor-
 dae spermaticae, vel tandem in tunica vaginali te-
 sticuli. Cognoscitur prima species ex scroto tumi-
 do, albo, vestigia digiti impressi diu seruante, ita pene
 expanso, vt interdum paraphymosin habeat comi-
 tem, ex fluctuatione aquae intus contentae; altera, si
 ipsa chorda spermatica, per suum decursum, aqua im-
 pleta videatur; et tertia, ex ipsa intumescencia testi-
 culi, ex abundantia aquae oriunda. Experien- p. 178.
 tia docet, causam harum primam in collectione hu-
 moris serosi esse positam. Curatur prima species,
 quae infantibus quasi propria est, per epithemata

- calida, resoluentia, scroto applicanda, quibus euacuantia et diaphoretica adiungantur; in adultis, vbi semper fere ex hydrope vniuersali oritur, sola
- p. 182. operatione leuatur. Curatio reliquarum est *palliatiua* vel *vera*. Prior ab operatione, quae paracanthesi fit, dependet; altera ex morbi varia indole est varia: Si malum recentius est, scrotum non induratum videtur, fetaceis, escharoticis, vel, ex mente Cell. RUISCH et MARINI, paruae incisioni, in suprema parte laterali, cui turunda, qua suppuratio promoueatur, immittatur, locus conceditur; si inueteratum est, tumor ingens et induratus, sine amputatione partis laesae nulla salus sperari poterit.
- p. 185. *Hydrops articuli* est duplex: Vel humor in substantia cellulari, tendines et ligamenta articulorum ambiente, colligitur; vel in ipsa cauitate articulorum deprehenditur. Prior oriri potest ex labe vniuersali, vel ex errore loci particulari. Curatur internis, diaeta bona, et subcalida; externe cataplasma mustaceum cum aceto, ex acribus deinde irritantibusque et resoluentibus paratum applicandum est; post-
- p. 189. rior ortum habet ex praeternaturaliter aucta secretione synouiae, et infarctu vasorum resorbentium. Curatio *hydropis*, in genere, interna institui debet, hydragogis, euacuantibus, discutientibus, diaphoreticisque, diaeta tenui, subcalida et roborante; externa, vt in casu priori.
- p. 192. Examinantur in capite septimo *tumores vasorum sanguiferorum*. *Aneurysma verum* est partialis dilatatio caui arteriae, vel extensio huius vel illius lateris arteriae, sine sanguine, in vicinas partes effuso; *spurium* est extrauasatio sanguinis arteriosi, in contextum cellularem arteriae vel partis adiacentis, ex incisione fortuita tunicarum arteriae oriunda; *aneurysma compositum* oritur tunc, si *verum* ita increverit,

verit, vt tunicae, vltra terminum distentae, vi sanguinis, intus contenti, cedant, iis ergo ruptis, effusus in tunica adiposa adiacente colligatur, ibique tumorem maiorem formet. *) Omnes hae species, si in quadam cavitate corporis sint, non, nisi palliative, curari possunt. Commendantur in hunc finem crebrior venaesectio, euacuantia et diaeta temperans; si vero tumor in conspectum venit, pressione vel incisione curari oportet. *Varix* est praeternaturalis dilatatio diametri partis cuiusdam venae. Conspiciuntur vt plurimum in pedibus, in abdomine interdum grauidarum, temporibus, inguine cet. Oritur tum, si sanguis in refluxu suo impedimento quocunque retardatur. Periculosae, quaecunque eae demum sint, non videntur. Curantur triplici modo 1. remouendis iis impedimentis, quibus sanguinis refluxus retardatur 2. applicatione adstringentium et exsiccantium, cum fascia conueniente; vel incisione varicis, amputatione partis affectae, vel applicandis denique cauteriis actualibus vel potentialibus 3. excisione totius sacci varicis. Huc pertinet *cirsocoele*, quae est dilatatio venarum chordae spermaticae, quae eandem curam admittit.

In vltimo demum capite de *tumoribus dubiis* Cl. Auctor agit. *Bronchocele* s. *hernia gutturis* est tumor, qui a larynge ad asperam arteriam vsque decurrit, nec raro totam colli latitudinem occupat. Facies eius triplex est 1. interdum est species *tumoris adiposi*, in contextu cellulari musculorum colli situm occupantis 2. interdum ad atheromata pertinet, ab intumescencia glandularum lymphaticarum oriunda 3. differt interdum a reliquis tumoribus, et consistit in praeternaturali intumescencia glandulae

*) Huc pertinet Cel. WALTHER progr. de aneurysmate. Lips. 1738. 4.

- glandulae thyrioideae. Causa proxima pendet a collectione muci, in glandula thyrioidea secernendi. Curatur, si tumor recens est, et fluctuatio humoris percipitur, emplastris resoluentibus; si his non cedit, operatione opus est. *Abcessus frigidi* sunt tumores duri, paulum dolorosi, pertinaces, in caco-chymicis reperiendi. Curatio internis, cum externis medicamentis coniunctis, absoluitur. Commendantur hic corrigentia et roborantia, et tumor ipse cataplasmatibus calefacientibus, escharoticisque ad suppurationem ducendus est, pus vero, incisione facta, educendum. *Tumores lymphatici* ad priores pertinent, quibus pars quaedam organica in actione sua impeditur, et quorum humor collectus easdem mutationes, quas lympa, patitur. Cum eorum sedes propria in textu celluloso sit, proxima causa in collectione lymphae, vel in vasis ipsis lymphaticis, vel in cellulis posita videtur. Curantur applicatione medicamentorum resoluentium cum sale ammoniaco, et euacuantibus, siquidem tumor recens est, et ab ipso vitio systematis vasorum lymphaticorum pendet; si vero alii labi, venereae v. c. ortum debet, hanc ante omnia curari oportet: sed nec haec iuuant, si effusio humorum, vitio quocunque, in cellulas contextus cellulosi facta fuerit, sola potius operatione curandi sunt.
-

XXXVI.

Diff. inaug. de funiculo vmbilicali vel intra vterum diffecando. Praefide IOANNE TRAUGOTT ADOLPH M. D. et Anat. ac Chir. Prof. Publ. Ord. Resp. *Conrado Henrico Augusto Hertz*, Bononiense. Helmstadii, 1767. 4. plagg. 9. tab. aen.

Funiculum vmbilicalem, si, collo fetus circumvolutus, partus difficilis causa existat, diffecandum vel intra vterum esse Cl. Auctor asserit. Plura vero physiologica, ad plethoram arteriosam in eiusmodi fetibus demonstrandam, praemittit, subtilioresque calculos addit, quae tamen omnia omittimus. Quod vero dissectionem funis ipsius attinet, manu immissa in vterum, taeniae dimidiam vlnam longae ope, nodum circa funiculum facere eumque constringere iubet, nodoque facto cultro minore incuruo funem inter nodum et placentam in vtero diffecat. Modum, quo taeniam circa funiculum ducit, nodum constringit, cultrumque immittit cet. fusius et longo verborum apparatu Auctor Cl. describit. Alio tamen loco iam mouimus, totum hoc artificium vix unquam applicari posse *).

*) vid. Comment. Vol. XVII. p. 291. vbi Cl. PLENCK *elementa art. obstetr.* indicauimus.

Contenta in hac parte.

I.	LINNAEI, amoenitates academicae. Vol. Vltum	pag. 3
II.	The history and present state of electricity. By PRISTLEY	27
III.	Collezione istorica di casi chirurgici du CAVALLINI	37
IV.	TRALLES de methodo medendi SYDENHAMI etc. in variolarum curatione etc. epistola apologetica	45
V.	DE HAEN ad TRALLES epistolam responsio	46
VI.	TRALLES vexatissimum nostra aetate, de insitione variolarum etc. argumentum	47
VII.	DE HAEN ad sibi communicatas observationes Vratislauienfes, de cicuta responsio	49
VIII.	Alethophilorum quorundam Viennensium elucidatio necessaria epistolae, de cicutae HAENII ad TRALLES	51
IX.	TARTREAU epistola TRALLES ad. versus HAEN in causa, de cicutae usu	51.
X.	PLENCK nouum systema tumorum	56.
XI.	TAYLOR noua nosographia ophthalmica	60.
XII.	Tal om farfoter som mässe häria ibland rikets allmoge af BAECK	69.
XIII.	EUGALENUS de scorbuto liber	74
XIV.	VERSCHUIR diss. de arteriarum et venarum vi irritabili etc.	78.
XV.	TRILLERI opuscula medica ac medico philologica Tom. I. II.	83
XVI.	MEDICUS <i>Geschichte periodischer Krankheiten. Erstes und zweytes Buch</i>	89
XVII.	De la conservation des enfans par Mr. RAULIN	97
XVIII.	Ragionamento intorno all'obbligo d' allattari i propri figliuoli DEL BENVENUTO DI SAN RAFAELE	108
XIX.	An essay diseases most fatal to infants	110
XX.	ZÜCKERTS <i>Unterricht für rechtschaffene Eltern zur diätetischen Pflege ihrer Säuglinge</i>	116
		XXI.

XXI.	Lettre à Mr. ZIMMERMANN sur l'épidémie courante par Mr. TISSOT	119
XXII.	KRAPF experimenta, de nonnullorum ranunculorum venenata qualitate, horum in et externo usu	128
XXIII.	La storia della grave malattia di LIZZARI	130
XXIV.	diff. delle morti e malattie subitanee ove specialmente de' polipi del cuore e del malo terribile dell' apoplessia	135
XXV.	Diff. sur la mechanisme et les usages de la respiration. Par Mr. DAVID	139
XXVI.	TRABUCHI diff. de mechanismo et usu respirationis	147
XXVII.	PLATNERI ars medendi	146
XXVIII.	DU PORT de signis morborum libri IV.	149
XXIX.	SEBENICO diff. qua respiratio fetus in matrice euincitur esse nulla	153
XXX.	Mémoire sur la vitalité des enfans par Mr. HOIN	153
XXXI.	Diff. sur l'origine de la maladie vénérienne par Mr. S.	156
XXXII.	Lettres sur la méthode s' enrichir promptement, et de se conserver sa santé par la culture de végétaux exotiques. Par Mr. BUC'HOZ	160
XXXIII.	WRISBERG de animalculis infusoriis	167
XXXIV.	BALDINGER von den Krankheiten einer Armee	169
XXXV.	Proeve over de voornamste langduurige gezwollen, door DAVID VAN GESSCHER	178
XXXVI.	ADOLPH diff. de funiculo umbilicali vel intra vterum dissectando	189



Libri noui
in officina Gleditschiana prostantes.

The vegetable system or the internal structure and the Life of Plants by JOHN HILL. XVIII. Vol. cum fig. London 1770.

EIUSD. the construction of Timber from its early growth, explained by the Microscope, and proved from experiments; in a great variety of Kinds in five Books. cum fig. fol. London 1770.

LISTER, MARTINI historiae siue synopsis methodicae conchyliorum et tabularum anatomicarum Edit altera recensuit GUIL. HUDDSFORD. fol. cum fig. Oxonii, 1770.

Illustrations of natural history wherein are exhibited upwards of two hundred and forty figures of exotic insects, by DRURY. 4. c. fig. London 1770.

Mémoires pour servir à l'histoire des insectes précédés de discours sur les insectes en général. Par CHARL. DE GEER. Tome second, avec fig. à Stockholm, 1771.

Déscription vertus et usages de sept cents dixneuf plantes tant étrangères, que de nos climats et de cent trente quatre animaux, gravées sur les desseins d'après nature, de est Jde Garfaut etc. et rangées suivant l'ordre du Livre matière médicale de M. GEOFFROY. VI. Vol. 8. à Paris, 1767.

Gli Atti dell' accademia della scienze di Siena 3 Vol. 4. con fig. in Siena 1761.
